



8. c. 29

Bibliotheca
ri Coll. Rom.
ciet. Jesu

~~3-2-19~~

~~12-5-7~~

IVSTI IVDOCI
DECVLEONIS
CORTRACENSIS

ORATIONES
EPISTOLAE
ET
CARMINA.



Ex Legato

Mustin: Cocani.

ANTVERPIÆ

Ex Officina Hieronymi Verdussl.

CIO. IDC. XIII. 3

THE

AMERICAN

REPUBLICAN

OF

THE

UNITED STATES

OF AMERICA

OF AMERICA

OF AMERICA

OF AMERICA

OF AMERICA

OF AMERICA

CLARISSIMIS NOBI-

*lissimisque viris Iudoco de Schietere,
Domino de Malstapele. Adriano de Beer, Do-
mino de Meulebeke. Iudoco Eghels, Domino de
Schieruelde. & Gherolfo vander Haghe Ter-
ritory Cortracensis Optimatibus. Francisco de
Cabotere. Aegidio de Baenst. Petro Muelman.
Henrico Hannoy. Arnoldo van Houte. Mi-
chaëli de Kees. & Antonio Salembier Iuris
optimi fundorum in eodem Territorio Decurio-
nibus* IVSTVS IVDOCVS DECVLEO,

S. D.



EQUITANTI olim per-
pes, quæ in Heluetiam dor-
sum præbent, Clarissimi No-
bilissimiq; Viri, qui in comi-
tatu vnà erat, equitandi (vt mihi vi-
debatur) egregiè peritus, me seriò
monuit, vt quoties in iugi planiciò
aliquam, emensis faucibus, perue-
nirem, ibi parux moræ stationem
facerè, fronte equi ad radices mon-
tis, vnde clius inceperat, conuersa:
id conducere ad animalis recreatio-
nem & iucunditatem aiebat, ex as-
pectio-

EPISTOLA

peccatione terrarum succumbentium
& superati laboris: quod ego postea
re exploratum habui, sic se habere.
Quin & haud absimile mihi nuper
reflectenti mentem ad exactum æ-
uum, vsu venit, cū liberiore otio
& ab occupationibus auocato die,
intervallo, quā potuit memoria
longissimo, repeterem anteaactæ vi-
tæ cursum, ad hanc vsque metam.
Hoc effeci, vt quasi ex decursi stadij
specula, multa cogitatione, cuiusq;
ætatis cum labore actiones contem-
plando, animo alacriore, ad reliquū
vitæ, quibuscumq; impendentibus
fatis, peragendum instaurarer con-
firmarérque. Horum enim bellorū,
mutationum ac rerum vicissitudi-
num prima fundamenta vidit pue-
ritia, quæ sicut quædam flumina ab-
sorberi solent, ad aliquot annos, in
quoddam Barathrū, desidente æstu,
in viscera telluris, deuorata sunt, do-
nec

D E D I C A T O R I A

nec maioribus spiramentis (quæ terga vertisse videbantur) Belgium vniuersum, eluuiōe obruerunt, & ex doloſo cinere emicuit ingens flamma, quæ pulcherrimam regiōē eſt depaſta incendio. Ea tempeſtas ſuis fluctibus atque torrente, adoleſcentiam meam iactatam variè peregrinantem fecit annos octo. In earum rerum conſideratione, dictorum ac factorum recordatione, multam cogitationem poſui, & diuerſo turbine impulſa mens, adduxit ad quoddam volumen, in quo quædam priuatim ſcripta & publicè acta annotauerā. In quibus iuuentutis meæ honeſtiſſimis exercitamentis, ſpaciante huius ætatis maturitate, in dubio hæſit animus, quid de illis ſcriptis ſtatueredeberem, quæ in aduerſarijs erant. Ea ita neglecta ad heredes dimittere, conſilij non ſatis probati videbatur; igni dare pietas prohibebat, &

EPISTOLA

— crudele censebam, tametsi non formosos ingenij foetus, non modò tolli ex oculis & eorum oblectamentis subito orbari, sed tanquam de crimine convictos vno momento interire. Etenim sicut nulla arctior est colligatio, quàm ea quæ sanguinis propagine à parentibus in liberos diffunditur, sic & amor est, charitâsque non minina auctorum erga ea monumenta & elucubrationes, quæ ingenij nisu parta sunt. Tanta autem est vis connubij ac propinquitatis vinculum, vt quamvis lusca, pectorosa aut gibbosa sit nata proles, omne id vitium non animaduertata amoris magnitudo: quin cuique ex se nati pulchri appareant, dignosque iudicent parêtes, quibus ipsi & alius delectetur. Et forte in eadem sum philautia, communîq; scripturientum errore. Attamen is mihi sensus magis dignus venia videtur, quàm
eorum

D E D I C A T O R I A

eorum hominum opinio, qui cum
 in vita nihil laude dignum egerint,
 cum sanguine aut sudore militię aut
 communi bono domi, in publicum
 spargendo merita, nusquam genus
 humanum beneficiis obstrinxerint,
 ex magnifica ædificatione coacer-
 + uato latere & cæmento, aut coëmp-
 tis fundis sibi æternitatem persua-
 dent, aut nobilitate posteris com-
 mendari sperant. Verum longè se-
 cus euenit. Quis enim est ita amens
 si ab adulatione est semotus, quando
 considerat insanas substructiones
 quorundam hominum nouorum, &
 fortassis bonorum ac collorum se-
 ctorum, qui hoc misero funestoque
 sæculo ex taberna meritoria, flagi-
 tio aut vili mancipio prodierunt, ni-
 hilque in ære antea habuerunt, quis
 eos propter repentinas opes, viros
 bonos, aut Reipub. amicos iudicet?
 Ecquod simulacrum virtutis cer-
 nimus

EPISTOLA

nimus in his qui tanquam vulturij
 paludati, litium tendiculis, subor-
 natis honorú Curatoribus, aut apo-
 graphæ principalis membrana fulti
 in amplissimos fundos, iurisque op-
 timi irreplerunt, nequicquam ciu-
 lantibus ac ingemiscantibus iustis
 hæredibus, qui in cunis vagiebant,
 aut armorum metu aberant, aut si ad-
 erant, ad resistendum pecunia de-
 erat, quæ non minus litium, quàm
 bellorù neruus dici potest. Hi quan-
 do ad perpendiculum libratos for-
 nices & ordine dispositas columnas
 in peristylis, aut laqueatam cœna-
 tionem in ædibus, aut in hortis her-
 bidos toros vel ipsi spectant, aut ad-
 miratoribus spectandos præbent,
 nihil est quod omnino suum dicere
 possint. Magnam siquidem operis
 partem cæmētarius, quandam cal-
 carius, nonnullam lapicida & la-
 trarius, multam tignarius & scandu-
 larius,

DEDICATORIA.

larius, & vniuersam fabricam Architectus sibi vendicat, suumque dicit esse artificium. Et sanè longè æquiores laudis distributores sunt & famę assertores, quos hæc nostra ætas producit, fectores, pictores, statuarij & sculptores, qui suo contenti, alieno honore abstinēt, cū in vna tabula, inuentionē suam vnus, alius sculpturam, tertius typographiam suam esse dicit. Et illæ deliciæ de quibus modò verba fecimus, in oculis hominū, & quotidiano conspectu positæ, frequēter audiunt à prætercuntibus; Huius fundi prædam fecit talis pupilli aut inopis viri solitudo; illius distractio, deterritis propinquis, vel tutorum dissimulatione facta est. Illæ scandulæ ex desertis ædibus pagi vastitate detractæ, huc inemptæ migrarunt: ex indefensæ viduæ aut pauperis prædiolo aduectæ arbores trabibus materiam suppeditarunt:

* 5

aurum

EPISTOLA

aurum contulit ex rusticorum agris,
 ac stabulis abacta vaccarū & ouium
 nundinatio, aut tormentis & equu-
 † leo expressa pecunia. Et tandem illa
 yniuersa insolens ostentatio, quanti
 est temporis, aut quamdiu in bonis
 eius, qui opes contulit ædificantis,
 cuius vita incerto & breui periodo
 clauditur, & plerumque a morte ad
 † frugiperdam abeunt hæredem, ga-
 neonem, helluonem aut aleatorem
 improbum. Sed omissis paradoxis,
 † quæ vulgus non capit, redeamus ad
 † illa pignora, quæ vestro nomini de-
 † dicata ex umbra in lucē prodeunt,
 † quæ si omne non sint latura punctū,
 certè cum dicerentur, claris & do-
 ctis hominibus iucunda fuerunt, &
 venusta visa sunt. Immo talia sunt
 † quæ decoctor nepos non abliguri-
 † neque filius aleator in fritillum de-
 ponet, non perduellionis reus fisco
 † deuoranda dabit, aut patriæ prodi-
 tor

DEDICATORIA.

+ tor infamiae macula asperget, aut in
insidiantium sunt casura plagas. Vos
quoque (Clarissimi Nobilissimique
Optimates & Decuriones) qui à fo-
rensis negociis vacui, nobiliter
vivitis intra patrimonij vestri cen-
sum; huic meo erga vos studio affi-
nes fore arbitror, & nunc maximè,
+ ubi sublata bellorū tempestate, suc-
cessit agrorum malacia & ex vrbe in
otium rure proprijsq; maiorum ve-
strorum & gentilium laribus recepti
estis. In his forte quaedam offende-
tis quæ post aliorū grauium aucto-
rum lectionem, varietate placebunt
vobis ipsis: multa quæ liberis vestris,
qui à literarū auspiciis inchoantes,
virtutis ac gloriæ sunt facturi tyroci-
nium, commoda erunt; gratiora au-
tem, propterea quod ea manibus
suorum progenitorum iucundè tra-
dita erunt. Neq; me fugit hoc opus
non cariturum suis reprehensoribus
(nihil

EPISTOLA

(nihil enim est tam scitè dictum aut concinnè actum, quod non aliquod latus præbeat morsui aut malevolentiae obnoxium) quia carpere facilius est, quàm imitari. Erunt qui vitio dabunt, me hac ætate ad altiores disciplinas prouectum & ciuilia negotia tractantem, tanquam postliminiò, hisce præteriti æui studijs animum adiicere. Quibus ego tam iniquis iudicibus responsum volo, me illud tempus, quod à grauioribus oneribus feriant cōceditur ingenio, libenter huic rei dare, humano animo dignissimæ. Nulla siquidem existit pars vitæ hominis, quæ humanioribus litteris nō recreetur. Quin & ipsa senectus extrema oculis capta, earum rerum, quæ in his studijs legere, recordatione, in corporeæ lucis deliquio, claritatem mentis & hilaritatem inuenit, fortunatas Insulas, Heliconem & Tempe sibi fingit, & in

DEDICATORIA

& in vigilia mentis semper viuit. Et qui his litteris non sunt instructi, earumque deliciis non capiuntur, plebique mentis oculos sibi eruentes in contumeliæ tenebras incidunt. Quidam enim aleæ lusui infami, nullo precio redimendos vitæ dies impendunt inutiliter, in quo qui callidissime circumuenit, is optimus magister esse dicitur, si felix iactus, a calamitatem est illecebra, & damni vestigium secum trahit. Et qui abest magis ab officio humanæ celsitudinis, in qua nati sumus, quam videre ad fori biuium stantem veneranda canicie senem, plebis captantem fabulas, vel in exedra apricando, non philosophiam aut sapientiam sed deliramenta tractare, & immixtum leuibus hominibus, prætereuntem vnumquemque virum vel feminam notare, & plurimos cachinnos aut sanna proficere? Et quo nihil

bar-

EPISTOLA

barbarius, conuiuijs non propter æqualium sermonem & amicorū cœtum delectari; sed ebrietatem ad noctis gallicinium commensationibus intempestiuis producere; & nisi vinolentia accesserit, suum conuiuatorem inamœnitatis, & illiberalitatis accusare & sic bibendo & sterrendo Phœbi & animi lucem tollere. At mihi postquam mens forensibus causis est defatigata, vel litigatoribus componendis operam dedi, remotiore cauea hos lusus spectans, quàm tunc cum illa studia tractando superiore ætate scriberem vel dicerem, voluptati est eorum recordatione; tanquam symphonia aut cithara demulcere mentem, exemplo grauium in Rep. Romana virorum. Et simul has merces ita vobis propono, vt inde incipiat alia expectare, si hisce quotidianis occupationibus liberatus, mecum viuere

con.

D E D I C A T O R I A

concedetur, tranquilliusque æuum
 ducere, & huius generis, aliâque al-
 tioris energiæ studia, apud vos in ru-
 tico otio, laribusque paternis, pro-
 cul ab urbano strepitu tractare fami-
 liarius, posteaquam nunc focis au-
 tis, diisque penatibus, vnde bellorũ
 iniuria exturbati fuistis, restituti es-
 tis. Huc & ego admissus vobiscum,
 & his qui partium nostrarum erunt,
 tranquillius æuum ducentibus pacis
 ac humanitatis studijs animũ oble-
 tabimus, terrestri cœna, cibisque
 nemptis contenti, vt priscorũ mos
 fuit. Huc licebit ad symbolum affer-
 re vnicuique (omissis vulgi studijs,
 in quibus prauæ opiniones, ac leui-
 tatis iudicia plerumq; dominantur),
 quod quisque vel ex arte, vel vsu, vel
 doctrina, vel lectione cognouerit, in
 communem sermonem esse dedu-
 endum, ex quo in ipsa solitudine
 immensa erit animorũ coniunctio &
 natu-

EPISTOLA

naturæ communitas vt ex ipsis colloquijs astantes liberi, prudētia præcepta, exemplaque haurire possint, & præoccupare rudes mentis tabulas virtutum pigmentis. Ex hac autē secessione sequetur fructus multorum malorum obliuio, vel certè mitigatio, quorum aspectus in ciuitate est grauior, ob hominum nouorum auaritiam, sublati ciuium prærogatiuis, vbi vitia tegit frequenter religionis ac pietatis vmbra, quo nihil pestilentius excogitari potest. Et qui talem fucū faciunt, labijs Christum, corde Crassum adorantes, fortunæ cothurnis sublati, philopluti ad Plutonium grauiore casu ex cœlo exturbabuntur, à Christo pauperum & infontium assertore & vindice. Et nos hanc philologiam exercentes in vestris prædijs, Pompeianum fingemus aut Tusculanum, demum compendioso via veniemus Betaniā

aut

DEDICATORIA

aut Emaus, vt saltem vergente ad
vesperam vita, à vitiorum morte sus-
citati, cum Christo cœnare possi-
mus, & adoptionis iure, cœlestis re-
gni hæreditatem cernere. Quod vt
nobis vobisque contingat, Deum
Opt. Max, rogo.



Ad

IVSTVM IVDOCVM DECVLEONEM

Philosophum, Oratorem, Poë-
tam. Ioan. Stullius Medicus.

Quid laude prius in te ueham, quid admirer
Iudocē? verborūne copiam suauem;
Seu dictis Orator, Poëta seu cantas?

An veritatem rebus in suis nudam;
Historicus ubi, vel ubi grauis Sophus prodit?
Qualem boni loquuntur esse te; militem,
Aequi tenacem, pristinamq; constanter
Fidem professum semper; utque summam
Dicam, bonum; talem loquuntur & clamant
Tua scripta, qualem plurimus cliens sentit;
Gnauum, sagacem, Iuris affatim doctum,
Paucis, prudentem: partus ingenij talem
Ostendit. & qualem videmus & scimus
Commilitones nos tui (tuo leti
Consortio, seu nos liquore demulces
Bacchus suo; seu nos Apollo cum Musis
Et Pallade; sono benè cadente delectant)
Hilarem, iucundum, candidum, rotundumque,
Condire sermones lepore selecto
Mirisque callente facetijs, miris
Argutjs, coloribusque; quem dicas
Licet, hominum dulcedinem, voluptatem:
Talem tua monumenta se palàm monstrant.

*Vt ergò te presente nos restauramur
Fimusque meliores, peritioresque;
Tristesque languidi que reficimur; coram
Fit gaudium, recreatio, iocus, risus;
Procul dolor, gemitusque, luctum, cura;
Et in bonum redire sanguinem sensim
Molitur amens bilis & iners phlegma:
Ita quoque tua qui scripta legerit tantum,
Hanc euidenter cernere metamorphosin
In se valebit, & volet iterum posthac,
Poteritque quum volet tua relegens tantum.
Sed quid ego vanè iacto? sicut est omnis
Incerta vita; sic caduca sunt cuncta,
Ioci, lepôres, gratiæ, venustates;
Mors una quæ tandem rapit modis multis.
Vt iam tua legens sit beator; quippe
Tenens manu quod tollere nequeat fatum.
Proinde summas tibi tenemur utrique
Referre grates, Iuste, quod voluptate
Non modò caducâ nos beaueris, verum
Et sempiternâ; cui nocere nec Momus,
Nec Zolus, nec Parca poterit infesta.*

Qui quærit, inuenit.

IVSTO



IVSTO DECVLEONI

*I. C. Orationes, Epistolas & Car-
mina sua publicanti.*

CVR, postliminiò, propè quondam quod
puer ætas,
Primigeno dixit, scripsit; lusitue calore
Impete & ingenij, iam declinantibus annis
Selectum relegis, maturæ mentis amussim,
Et perpendiculum chartis iuuenilibus addens
Informem fœtum, molemq; chaosq; papyri
Formas, & vitæ per prælum sufficis auram,
Ingenij vt soboles, geniq; superstes & hæres
Vera tui maneat terris, quam cælibis æui
Vir, vice gnatorum post fata relinquere possis,
Est præli pretium tantum post interuallum
Incoctum curis, atque incessante cerebri
Versum iucundè librum dare, sparsum flore
& adore,
Ingenij genique tui tinctumque lepore.
Ergo age luce bea hunc fœtum, fac liber in
auras
Atque manu-missus* veniat, non præcociis
ortus
Intempestiux aut genesis damnabitur, æui
Nam tecum, ver, æstatem autumnumque
pereggit.

Cum-

Cumque bonus prorsâ & vorsâ sit, iure co-
rollam

Inde tibi duplicem plectas, tria membra quod
vnus

Contineat, sit Iuste tuo tua triga triumpho.

Fœlix ipse æui, quod in æuum traduce vitâ.

Viues, Augustæ tria per miracula pennæ.

I. B. pangebatur, septimo eidus
Octobris Anni Christiani
c10. l0 c. xii.



IVDO.

IVDOCO DECVLEONI
felicissimum ingenij sui foetum
emittenti gratulatur G. Snell. Cor-
tracensis poëseos amator.

Progenitam Iouis ex cerebro pragnante Mi-
neruam,

Rite poëtarum scripta vetusta canunt.

Aemulus en cerebro Deculeo noster, opimi

Fecundo ingenij pignora pulchra parit.

Quàm multi thalamo infelici pignora patres

Tristitiæ causam progenuere suæ,

Felix qui talem gignit sine coniuge prolem!

Quæ beat æterno nomine grata patrem.

Quam cum fratre nouem venerantur amanti que

Nestentes capitiserta decora sacro. (Sorores,

Aequali hinc genitam nixu sibi castâ Minerva

Gaudes, & alternas iungit amica manus.

Ducit & ad bifidi fastigia celsa merentem

Montis, ubi sedes fama perennis habet.

Hæc ait, En geminas cape me tribuente coronas,

Immortale quibus nomen, honosque vigent.

Sit prior ornatus Patris, excolat altera prolem,

Donec terra, polus, sidera, pontus, erunt.

Vivite, nec tacitis obliuio tecta tenebris,

Nec damnum morsu linor edaceferas.

Cortraci pridie Calendarum
Octob. 1612.

Clynck.

CLINCK DICHT,

er eeren Van M. Ioos de Cuyle,
Licentiaet inde Rechten.

Aett Steden drye end vier, in Griecken
land noch strijden
O gheest-rijcke Cortrijck) vvie van hun
heeft ghebaerdt
un strijds beschrijuer (blind) voor Troyen
vvijd vermaerdt
an vvien zy gheen ghelijck, en souden vvil-
len lijden. (blijden
Laett vry den Mantuan, vā Maro hem ver-
nd dat strijdbarigh Room' van Naso clouck
van aerdt
en Tuscan van Petrarco, die Gallen onver-
vaerdt
an Ronfart, du Bertas, end' ander nu in tijdē
Ydel is hunnen roem, end' v gheensins ge-
lijck
Vant ghy hebt voorts ghebracht (o gheest-
barigh Cortrijck
en Apollo ghelijck, (onder vvien dat ick
schuile)
Poet' end' Orateur, daer toe Licentiaet
shy, die uyven naē, brynght tot den hoogh-
ster graet
/raecht ghy my vvie datt is? t'is Meestes
Ioos de Cuile.

T'werck gheeft ghesinghe
I. de la Rue

DE CL. V.

I V S T O I V D O C O

DECULEONE I. C.

Cum vitæ actæ diarium me-
ditaretur.

I Vri & æquarum cultor Deculeo legum
Dum spatium vitæ respicit omne sua,
(Sine lares coluit patrios, siue cetera regna,
Lætus agens æui tempora verna sui,
Parisiis, Dolamque, & Apollineas Vercellas,
Quæq; loca obiectis, Iura, tuere tuo)
Quot sibi lanificæ scribebant pensa Sorores,
Oti stare sui tot monumenta videt.
„ Nulla recordanti lux est ingrata gravisque,
„ Nulla subit cuius non meminisse velit.
„ Ampliat ætatis spatium sibi vir bonus : hoc est.
„ Vivere bi, vita posse priore frui.

I. C.

I
IVSTI IODOCI
DECVLEONIS

CORTRACENSIS
ORATIONES.

EPISTOLÆ ET

CARMINA

ORATIO HABITA DOLÆ

*In magno auditorio Iuris Civilis,
ingressuro lectionem Philo-
sophia.*



In nulla clarissimorum
hominum auctorita-
te (quibus roganti-
bus mos gerendus
fuit) mea sponte, ve-
lut huius ætatis ven-
to aliquo, impetu quodam ac morbo
potius animi, quàm iudicio aut con-

A filio

filio, in hunc locum (in quo exstant summorum virorum & magna auditorum frequentia celebratorum vestigia, quæ omnem mediocris ingenij spem infringunt, industriamque timore debilitant) ineptè & tanquã desultorius in quadrigarum curriculum insiluissem, (Auditores:) non sine causa multorum in hoc concursu litteratorum hominum animos hæc inuerecunda ambitio atque inconsulta offenderet contentio, magnam gratiæ ac beneficij vestri, si quid rectè ac ornatè dictum foret, iacturam facerem. Si verò & splendoris nihil, vt quæ verè non elaborata, nec ab ubere expressa est, mea haberet oratio; odium pro beneuolentia, pro studio occultam inuidiam colligerem, & pro venia, in iustissimam inciderem reprehensionem. Sed nunc neque adolescentiæ spiritus iniusto impetu aliquid tentârunt, quod rationis

tionis statera nō examinauerit prius: honestæ cupiditatem laudis ita rexit modestia, vt existimationem & studiorum fructum, qui adhuc in herba est, vno momento temerè ad hanc aleam nunquam adduxisset, nisi vestris adiuta monitionibus, huius suggesti auctoritatem contingere suassisset. Quapropter hoc vestræ humanitati tribuite, hoc meis precibus concedite, vt in hoc munere, quod vobis hortantibus suscepi, mihi detis veniam, si neque dicendi facultas neque orationis vbertas, quæ ab ingenio minimè fœcundo elicitur, voluntati vestræ atque expectationi par sit. Plurium enim bonarum artium perfectam scientiam postulat hoc professionis munus, quibus qui omnibus est instructissimus & ad vnguem ita est efformatus, vt omniū vestrū sententijs, Oratoris summi, Poëtæ boni, acuti Philosophi, exa-

Etique Rhetoris nomen mereatur, in illo homine diuinitatem quandam ingenij suspiciam. Quapropter si ad hoc orandi genus, ad quod neque natura me satis finxit, neque erudiuit vsus, me detruxit voluntatis vestrae necessitas, omnis adhibenda est cura & meditatio, vt, si non omnino decorè, at quàm minimè indecorè hoc faciam. Neque interim, dum ad id me paro, quisquam dicat studij vestri bencuolentiæque comparatũ esse patrocinium; quòd per medias Academiae Dolanæ laudes hæc dictio discurret, cuius quidem fundamenta vbi ponam facile reperio, & cui primas sim daturus video; sed quo actu finem faciã, non æquè prospicio. Siquidem (vt hinc dicere exordiar) sapientissimum cogitandum est eum fuisse Principem, & huic regioni diuinitus datum, qui primus ad facinus hoc præclarissimum animũ

ad-

adijciens, de humana in vniuersum
 societate benè merendo cogitans,
 ad immortalitatem sibi strauit viam
 & rectum iter tenuit ad sempiternæ
 lucis decus capeffendum, ad quod
 Deus posthanc vitam, sublatis huius
 mundani theatri aulæis, omnes, qui
 patriam auxerunt, vocat. Si antiqua
 illa ætas eos homines admirata est,
 qui mortales passim ab agresti illa vi-
 ta ex syluis & agris, ad humanius vi-
 uendi institutum adduxerunt, & ci-
 uilium legum iugo submiserunt, eo
 quòd cæteris sapiētix opinione præ-
 starent: si postquam illi in viuis esse
 desierunt, ardentissimum desiderium
 Deorum cultum & diuinis honoribus
 testati sunt, quantò magis huius fa-
 cti debet increbescere memoria, qui
 ex omnibus terris ac ciuitatibus ac-
 citis in maximarum scientiarum
 studijs præstantibus viris, tot artibus
 repleuit ac disciplinis optimis Bur-

gundiam, vt ex his parietibus nō mur-
tis, Dolana Academia pullos exclu-
dat, qui ad exterarum nationes magno
studiorum fœnore remeantes, Res-
pub. aut nouas fundant, aut in-
choatas præclarissimis ornamentis
augent, aut labantes, in ipso occasu,
suis consilijs sustentant. Et quidem
in eodem gradu apud posteros locā-
di sunt, qui designatæ areæ ac iactis
fundamentis, magnis impensis, ma-
iore nominis fama, superstruxerunt,
& vestigijs laudatissimis insistendo,
quod morte præuentus primus au-
ctor, efficere nequiuit, si quis auspi-
cijs in secundis ac tertijs hærentes,
suppleuerunt. Parietenim passu am-
bulant, qui in idem opus operam, la-
bores ac pecuniam conferunt: Hi
principio manum admouendo, il-
li tamquam fastigium imponendo.
Quodnam est genus studij nobilis,
quod scientia assequi, vel humana
mens

mens optare possit, aut cognitio tractare, quod non ad exemplum Romæ, Louanij, Parisiorum tractatur Dolæ: siue ad res magnas illud pertinet, aut forensia negotia, siue animum hisce curarum æstibus ac molestijs defatigatum à foro, subfellijs, curiæque ipsa distrahere velis, & velut in portu, moderato otio ac quiete uti. Nihil ego mediusfidius hisei Patribus Conscriptis illustrius, hoc purpurato senatu nihil vidi alibi augustius: quæ maiestas in iudicij confessu! quæ grauitas in sententia! quanta prudentia in consilio! quanta in iure dicendo experientia! Nimis longè progrederer, si quot commodain plebem, quanta iuris scientia in Academiæ alumnos hinc promanet, explicare inceptero. Neque hoc meum nūc est propositum, singulorum laudes, qui in hoc consilio Burgundix sententiam moderantur aut hu-

manitatis artes præclarissimas profitentur, dictione persequi: alio enim die mihi in hac causa laborandum esse diligentissimè constitui: tametsi non video quid viris grauissimis, aut hisce qui Doctoratus insignibus decorati, triumphabundi hoc omnium scientiarum Capitolium ascenderunt, meæ vocis eloquium possit adijcere. Sed fortè neque præsentem vestram expectationem frustrasse videbor, si in prædicandis hisce duobus vestræ urbis ornamentis, paulò longiùs euagabor. Primùm, quis nō videat omnes artes, quas vbique magnificere solent homines, omnesq; ciuiles disciplinas in hanc ciuitatem commigrasse, cunctósque ex cunctis populis, qui bonarum rerum studio accenduntur, huc tamquam ad mercatum celeberrimum confluere, & tamquam sua sponte patriæ exilio sese damnantes, & auulsos à parentum cha-

charissimorum amplexu, ac iucundissimo propinquorum usu, sese hîc in disciplinam erudiendos tradidere: ad quod, præter latissimè effusam in omnes mundi partes doctorum famam, in primis inuitat summa securitas ac tutela vrbs, & quòd pace longissima à bellis quiescat vniuersa regio inuictissimi Hispaniarum Regis Principis nostri clemētissimi defensa potentia. Et quidem Iurisprudentiæ florentissimum et opusculum suspicite. Nusquam alibi leges tractantur maiore utilitate, sanè ipsa Iuris nutrimenta, ad captum eorum qui nondum longiùs in hoc studio sunt progressi ad commune iudicium & incipientium intelligentiam. At si studij perpetuitate ac laudabili pertinacia, perseverantiâque longiore, illa omnia, quæ dispersè in multis libris, latèque continentur vel more & longa consuetudine adoleuerūt,

A 5 vel

buntur (Auditores?) aut quæ gratia excusabit? Solavestra charitas atque amor invidiæ eximet, & illud studium, quo me iuuvistis, odio subducet & malevolentia. Et sic apud me inibo rationem, nihil satis commodè fieri posse omnibus; satis esse si maiori parti prodest. Nequaquam institutum alioquin egregium, deferendum est, quia paucorum animo morem gerere non possumus vel voluntati satis facere. At rursus illud perterret, quòd in longo & multo sermone, qui in populum effunditur, illa quæ vitio subiacent, aut in errore versantur, citiùs animadveruntur, quàm ea quæ ornatè & præclare dicta sunt, laudatorem inveniunt. Sed neque si Isocratis in dicendo elaborata facultas, neque Theophrasti suavitas inimitabilis, aut Demosthenis acerrimum ingeniũ, vel Ciceronis accurata facundia, subsequen-

quentis ætatis viros incurfu tarda-
uit, ita neq; mihi, quamuis illa præ-
stantis ingenij vis deficit, ab hac pro-
fessione, regalibus cohonestata sti-
pendijs, abstinendum arbitror: quòd
esset, aut angusto animo laborem fu-
giendo, aut anxie dedecus extime-
scendo, virtutem abijcere, quæ in su-
blimi suam sedem collocavit. Quin
magis erigere me debet, acriores-
que admovere stimulos, ampli ho-
noris expectatio, & vestigia illa in
quibus tot summi viri institerunt, in-
tuendo, ad eandem laudis metam
propellere. Quippe in hac publica
functione, si amicorum meorum vo-
ta explevero, quænam potest esse ac-
tio futuræ gloriæ commendatior,
& ad decus accommodatior quàm
eum viris, omnibus disciplinis instru-
tissimis & Doctoribus famosissimis
huic loco, tamquam equo Troiano,
perpetua ad posteros demanante fa-
ma


ma includi? Iurisprudentiam si quis tenuiter profitetur, quia tamen Resp. eius ministerio optimè fundatas & florentes habemus, & aditus ad honores aperit, impentèque quæstuosa, facile laudantia repperit ora, animosque earum spe, quarum cupidinibus plerique mortalium capiuntur, inflectit. Medendi quoque ars, tametsi laboriosa, qualis læna est? popularem facit, & nobilitati gratam sui necessitas: ad hæc incurandis corporibus, quàm in eradicandis animi inueteratis morbis, homines plus pretij & operæ ponunt, eosque magno emunt, qui offensam ac læsam valetudinem in integrum sese restitutos profitentur. At Philosophia omnium scientiarum origo & fons vberrimus, mater & procreatrix omnium laudatarum artiũ, illa in primis pars quã suscepimus, & culturam animi continet, quantis
buc-

buccis indiget, antequam emollitis auribus, facta fide, in animo humano locum inueniat? Quin omnibus penè inuisa, vulgares præcipuè fugit, in purgatissimis quibusque mentibus eligit domicilium. Mihi tamen est tentandum in tanta paucitate amicorum, vt aliquod seminarium huius præclarissimæ virtutis inueniam; & aliquot morales surculos inferam. Vos itaque (Auditores) qui tantum oneris hisce humeris impositum intelligitis, quantum non tacita vestra opinione, at manifestis iudicijs attribuistis, futuram assiduitatem, in bonam partem capturos spero, eumque hominem qui suam fidem, laborem, industriam & seipsum totum vestris sese offert obsequijs, conseruaturoido confido, vestra humanitate leuabitis, & in vestram fidem recipietis, vt omnes scire, possint plus hominum

num

num doctissimorum in me valuisse
existimationem, quàm ego de me
ipso ausus fuisssem concipere. Et ita
me de hoc loco discedere existimo,
vtea, quę pro consuetudine & more
qui ad hoc designati sunt, egi, parta
benevolentia, vestris mentibus in-
hæreant.

DIXI.



ORA-

O R A T I O

*Habita Dola in magno Auditorio Iu-
ris, ante explicationem libro-
rum Aristotelis de
Anima.*

SI quis vestrûm (Auditores)
expectat , quas ex vniuersa
Philosophia mihi ad explican-
dum sim sumpturus partes , confi-
deret ipse secum , quænam in toto
hoc sapientiæ studio sit humano a-
nimo & ad ponendum quæstio fru-
ctuosior, & ad cognoscendum scien-
tia præstantior. In quo, si nihil inue-
niet, cui vel ego dignius ingenij mei
& industriæ tribuam operas, & vos
ipsi maiore studio & delectatione si-
tis audituri, non hærebit iudicare,
quid me sentire conueniat. Nam ta-
met si nulla Philosophiæ pars sit ste-
rilis

rilis, hic tamen omnium fons est v-
berrimus, ex quo notitiam eius par-
tis humanitatis nostræ delibamus,
per quam sapimus, intelligimus, iu-
dicamus, ratiocinamur, ac Dei im-
mensam cognitionem nostræ ratio-
nis gyro comprehendimus. Itaque
non (si ego huius sententiæ mihi
auctor forem) vos me hac in re meq;
commoditati gessisse morem puta-
re debetis: sed omni qua decet fide
ad hanc tractationem accessisse, vt
à corporis indagatione & cogitatio-
ne, ad cognoscendas aliterius nostræ
naturæ causas, à primo tempore
fluentes, ad æternitatem imitandam
animum vestrum ac studium accē-
derem. Siquidem, quæ de animo su-
scipitur institutio, ad veritatem o-
mnem percipiendam plurimum
momenti adfert (vt inquit Philoso-
phus) qua nihil est, quod sub intel-
lectum nostrum cadit, quod æquē
ma-



22 I. DECVLEONIS

magnos amores excitat, neque alia
 virtus est tantum sui læna & conciliatrix. Alijs enim animantibus à natura cursus, alijs corporis immanitas est data: homini verò mentis sagacitas ac indagatio innata, vt, quibus initijs ac tamquam seminibus hoc vniuersum, tum res singulæ ortum, causasque principales sunt fortitæ, cognoscat: ad extremum, quæ nostræ mentis cum Deo sit cognatio. Vos autem si fortè aliò trahat cupiditas, hanc veniam date mihi, quòd; ad syderum, quæ cœlo ad mortalium stuporem inhærent, conuersionem ac spaciorem ipsorū dimensionem distantiamque, quo aspectus ex se inuitat; vos non dimittam. Nolo enim vos extra vosmetipsos egredi, vt quibus sit terra subnixa ponderibus, aut qua voragine maria hæc eadem continet, ignisq; sit libratus in altissimo loco:
 sed

sed ad Delphicum oraculum remittam, quo quisque mentem suam animumque iubetur cognoscere. Cuius ego primum vobis dignitatem ac excellentiam summam, tum utilitatem proponam: ut quid in se habeat delectationis hæc doctrina, vos prius sentiatis, quam ego dicere incipiam. Neque perterrere vos debet, quod perobscura de animo sit quæstio, neque satis explicata sit eius definitio, & quod tam varia ab antiquis Philosophis, de hac doctrina litteris mandata sint, ut molestum sit inter se dissidentes annumerare sententias. Quin potius propinquis spatijs eorum studiū sequi, & eandem vos induere cōuenit personam, ut cū illos ipsos ultro omnes voluptates corporis circumcidisse, & vitæ commoditates habuisse pro derelicto cernatis & res charissimas abdicasse, cibi potusq; legē sibi ipsis di-

dixisse, vt perpetuis habitantes & pernoctantes curis cognoscendi quid in homine sit omnium optimum; vos omnem moueatis lapidem, ne ab ijs, assiduitate & cursus celeritate, in hoc studio vincamini quibus Euangelij lux tam auspiciatò illuxit, & fidei Christianæ opitulatur charitas. Et quidem quid (post Deum) animo sagaci & mente bona, hoc orbis terrarum domicilium habet maius ac præstantius? Nam cum magnam varietatem ac copiam scientiæ complectatur hominis natura, hæc vna est pars, qua diuinas res æternasque contemplamur, tum reliqua nostri portio, quæ ex terra orta est, ab eadem alitur & sustinetur, quam & augendo tuetur, etiam motum & sensum, qualem in bestiis videmus, præbet: ex quibus ad res salutare appetitus, & noxias fuga ac decessus procedunt, Cæterum his
 omni-

omnibus supereminet ratio, ad eos
motus continendos & laxandos:
hæc recta & constans à Deo creatur
sed corporis concretionem ac caligi-
ne, tenebrosis erroribus aspergitur,
& opinionum prauitate imbuta à
natura quidem desciscit aliquantu-
lum. Est inquam hic animus nostra-
rum actionum omnium & dux &
magister, & totius corporis clauum
tenet, qui si cadit non tam volunta-
ti, quàm suo hospiti plus æquo ob-
sequens, cursus errore fallitur.
Quidnam est quod nos mundi prin-
cipes ac gubernatores efficit? an pe-
dum velocitas, qua tum à feris, tum
à mansuetis animantibus superamur,
sicut in cæteris functionibus vitæ
vincimur? an oculorum acumen?
an lacertotum robur? nihil minùs;
Quin & ipsa corporis forma nihil est
egentius, nihil magis omnibus in-
iurijs expositum, tametsi eum om-

B

nium

nium animantiū simus adepti pulcherrimam. Verūm animus est humanus, quo præterita recordamur, præsentia intelligimus & futura multò antè præuidemus. Eius consilijs recti honestique apprehensione, omnia ciuilis vitæ officia continētur, societas coalescit, & amicitia retinetur. Ille oculis lumen, pedibus ingressum, brachijs fortitudinem, linguæ sermonem, per omnes sese effundens partes, præbet. Quæ denique est fera, quæ bellua tam immanis in syluis, quæ volucris in aëre, in mari piscis, qui, vbi ad suas artes atque energiam sese conuertit animus, in hominis potestatem non veniat? Sed abeamus paulisper, & ruptis huius carceris vinculis, in lucem animum ad seipsum reuocemus & secum esse cogamus. Etenim quàm præclarè omnes antiqui Philosophi hæc naturalia inuestigantes, de animo

mo senserint , eorum decreta manifestè demonstrant, inter quos nullus est qui terram animi parentem, tanquam ignobile genus indignumque dixerit. At ea quidem disputatio sum est habitura locum, omniaque à nobis excutientur , quando ad eius immortalitatem demonstrandam procefferimus. Nam neq; cum Empedocle expedit animam immergere sanguini, eamque cruentam appellare aut sanguineam cum Virgilio, neque subtilem illam quidem, sed intricatam de numeris opinionem amplectimur libenter: multò minùs Dicæarcho assentior, animū constituentī ex symphonia ac concentu, cū ipse sit vegetus ac motuum effector operatorque : nerui autem in testitudine non nisi aliunde incitati sonum edant. Democriti autem sententia , & cum eo ridētis belli homunculi Epicuri eijcien-

B 2



da

da & explodenda est, affirmantis ex fortuito atomorum concursu, vt omnia, sic animum oriri. Igneum eū esse fortasse placeret, nisi sacrarum litterarum oracula iuxta Platonis & Aristotelis opinionem, diuinam eius naturam originemque aperirent: est enim animus ipso sole, alijsque semper ignibus quiddam clarius & illustrius. Et hoc sanè vnusquisque vsu sentit, cū ad solis radios oculorum acies hebescit: in ipsum autem cælum ad Dei vsque Maiestatem considerandā, mente feramur, quæ & eius visu delectatur ac pascitur, vt corpus cito. Est ergo animus non ex primorum seminum congressu, vt brutorum spiritus ex temperie elementorum natus & auctus vna cum membris, sed corpori formatus, inspiratus, & Dei omnipotentis ore, singulari opere immissus & priuilegio datus. Omnem Philosophiæ curriculum

sum ab ipso carcere usque ad metam percurramus, videbimus substituisse sapientes in hoc ortu, non secus atque cum ad supremam illam intelligentiam, quæ Deus ipse est, quærendo & disputando peruentum erat: quod nihil melius, nihil maius, neque cogitari neque sperari potest. Et illa vis est intellectus nostri ac dignitas, cum nihil reperiat in terris sui simile, vel hominis ingenio excellentius, ut ad maximum illud ac summum bonum feratur, cogitatione, & principatum quemdam assimulatum & effictum sanè in terris nascisci desideret: adeò mens generosa quietis ac humilitatis est aspernatrix, ut quantum per illud terrestre domicilium (quod ut testam cochlea circumfert) ipsi est permissum Deo suo auctori simillima fieri gestiat. Etenim illa est nostri pars, quæ ad Dei imaginem est formata & ef-

fecta immortalitatis capax ac æternitatis æmula, non ex telluris semine producta, non sanguini innatans aut quatuor elementorum curru circumlata, sed ineffabiliter per omnes venas diffusa manans: Non ex vnionis frequentia coactus numerus sed tanquam corporis propria virtus multarum concitationum ac munerum præclarorū causa efficiens & princeps: non harmonia deses ac iners, quæ non nisi ad plectri vel digiti humani ictum excitatur, aut follibus inspirata per interualla sonat, sed corporis priuata motrix ac rectrix: non fortuitorum & temerario indiuiduorum corporum concursu coalescens, sed sempiterni Dei consilio & beneficio ad humani fastigij augmentum & nostræ conditionis dignitatem: Denique ad auctoris Dei admirationem & cultum data anima. Longum esset (Auditores)

tores) omnia dicere: vos ipsi diiudicate, quantum in inferioris generis rebus, ut his quæ tellure oriuntur ac pullulant, & in animalibus ipsis, illa vis de qua sermonem facimus, potestatis sit sortita, cuius officium est in tot herbis frigore adustum & enecatū penè excitare caulem, illūque fronde vestire ac floribus decorare, & incluso semine continuare familiæ seriem: adeo etiam talium rerum anima per omnia terræ nascētia serpit ac diffunditur. Quicquid in viventibus rebus est venustatis ac pulchritudinis, & si qua laudē ac honorem meretur dignitas in homine, illam animæ beneficio possidemus, cuius ratio nobis cum Deo communis est, æternāque habetur. Denique huius studij fructus ac utilitatis magnitudo in corporis facultatibus cernitur & tot magnarum virtutum ac doctrinarum vis exclat.

rescit. Quorum tamen hoc emolumentum maximum, & cæteris omnibus rebus præstat, Dei & sui ipsius cognitio, hominum causa hunc mundum & Dei & hominis cõmune domicilium esse fabricatum, & tanta rerum varietate nostro generi ab opifice summo esse prouisum, edulij ad cibum, ad potionem vino, aëre ad spiritum concesso, & demũ suo nomine nos dignando, vultu diuinitatis animo nostro impresso, relicta spe eiusdem diuinitatis ac æternitatis adipiscendæ. Scilicet ad quid prodesset admirabilis illa membrorum fabrica ac neruorum compaginato & figura corporis excellens, nisi spiritu pulmoni ab anima immisso, vitam largiretur? Neque hoc quidem est magnificum adeò, nisi ad viuendi harmoniam tam solertẽ & accuratam, ratio accessisset, memoria & intellectus, quibus homo

reco-

recordatur se ad rerum cælestium
 spectationem & hæreditatem crea-
 tum esse, eamque esse suo generi
 tamquam hæredi suo & necessario
 deferendam: nisi ingratitude de-
 generando sese indignum præstet,
 qua paternis bonis exclusus, perpe-
 tuis ignibus sit mancipandus. Quin
 superiores de Auscultatione Physica
 libri, ita ab Aristotele conscripti
 sunt, ut huic scientiæ famulentur, &
 tanquam adminiculatorij accedant,
 continentes in genere totius naturæ
 initia ac causas primas. Hisce progym-
 nasmatis, ac veluti præparatorijs
 libris præmissis, ad animæ explica-
 tionem Philosophus procedit. A-
 nima, inquit, est illa forma, quæ ru-
 dem & indigestam vagamque mate-
 riam in statu suo stare facit & collo-
 cat: est eadem motionis agitatrix,
 ac quietis procreatrix, in ijs rebus,
 in quibus perfectainest, non temu-

lento modo, casu vel aliena auctoritate, sed propria virtute dominatur, non tanquam causa extranea & accedens, sed sine qua res perfecta absolutaque esse nequit. Ad huius etiam intelligentiam pertinet, quod ab eodem de generatione & interitu rerum in scriptis est relictum. Siquidem sine anima, num stirpes de terra profiliunt? num virgulta germinant? arbores frondescunt ac florent, suasque protrudunt gemnas vites? Sed nullo fine hæc terminabitur quæstio, si ad eam profligandam hoc modo ulterius progrediar. Relinquamus plantas & omnes, quas benignissima terra producit, herbas & legumina, hoc vniuersum, quod vulgus magnificat, lacertorum firmitas, pedum celeritas, nitidum caput ceruice concinnè coniunctum, totumque corpus illustrans oculorum lumen, ceteraque humani corporis

poris elaborata figura, quidquid habet in se admiratione dignum, quod per sensus exteriores, tanquam per internuncios peragitur, hoc animæ munus est & beneficium. Linguae plectrum sine hac fileet & eloquentia obdormit, visus in oculis deficit, articularum pulsus, agitationesque cessant, & fugit vita: acceptum pulmones aërem non reddunt, neque respirant: stomachus nihil concoquit, aut in reliquum corpus diuidit. Denique eius viribus illa admirabilis omnium membrorum administratio absoluitur, conficiturque. Et, quod præstabilius est, hæc eadem anima rerum simulacra & imagines foris à sensibus haustas assumptasque incredibili solertia in vnum cogit ac retinet, in quibus exactissima optione utitur, alijs ad intelligentiæ & phantasiæ examen, mentisque iudicium adductis ad ex-

cutiendum, alijs euolare iussis aut neglectis: atque iterum quibusdam fidissimæ traditis memoriæ custodi, tanquam depositum, contenta quibusdam mediocrem adhibuisse considerationis moram. Latissimè ergo patet huius doctrinæ vsus. Nā præter eas vtilitates quas enarrauimus, sine eius notitia, inane est & nullum Medicinæ studium. Hisce enim de Anima libris, quomodo vitæ actiones sanguinis vehiculo per omnes corporis partes traducuntur, describit, membrorum totiusque corporis naturam designat Aristoteles. Non tamen meum nunc est institutum (cui alius erit proprius locus & perpetua disputatio) de omnibus organis corporis humani, quibus facultates suas anima peragit, dicere, totumque microcosmum partitum membratim explicare, sed simpliciter vobis ostendere horum librorum
vtili-

utilitatem maximam. Quin & initia Philosophiæ, & quæ de moribus est disputatio, hisce finibus regitur. Est enim animus humanus appetitionis & voluntatis rector, virtutum ac vitiorum clauum tenens, rectorum ac honestorum studiorum fons, omnis rationis & officij, quod ad vitam est, origo. Hæc autem cum quisque vera in se esse sentiat efficacius, quam ego dictione consequi queam, ex inspectione rerum naturalium voluptatem capiat, necesse est. In qua consideratione eius partis, quæ infiniti est temporis, regula honestatis inest & ad multas res obeundas expedita facultas procedit, impressum reperitur Diuinitatis vestigium & à mente æterna defluxa resplendet imago. Eadem scientia ex hisce fontibus dimanās, Theologorum scholas repleuit & Christianorum otia maximè detinet. Quapropter vobis

in

in hoc studio currentibus & hæc studia suscipientibus, omnia quæ citra naturam nostram, & quæ ultra eandem ascendunt, cognoscentibus multum debet in vobis efflorescere sapientia ad agendam ætatis rationem, afferre commodum & ad virtutis & summi boni contemplationem voluptatis incrementum. Quid illum potorem cicutæ habuisse in animo cogitabimus, quem mulierculæ importunissimæ quotidianæ rixæ ab hac Philosophia diuellere non potuerunt, qui in ipso momento, quo ex hac vita ei migrandum fuit, palam ostendit quem fructum ex hac doctrina hauserit. Vobisne huius maximi otij tempus quod nati estis & ætatis pars amenissima effluet, quibus non vxor obgannit domi, sed materni amoris fouet affectus: non rei familiaris cura distrahit, sed genitoris indulgentia & parentis

rentis vtriusque alit crumena, tam remissi eritis cordis ac humilis, ut quas habeat, qui in vobis viget animus, vires, intelligere negligatis. Agite, proponite vobis Pythagoram illum Samium, Empedoclem, Anaxagoram, Democritum, Platonem ipsum, tot sanctos nostræ professionis viros, qui in eremum ac solitudinem secesserunt, ut huic studio melius vberiusque vacarent. Quid illos degustasse existimabimus quâ insatiabili delibutos gaudio? adeo ut illis illecebris (quibus plerique mortalium non inescantur modo, sed in scopulos impingentes nauem comparatarum virtutum allidere solent) illi nec semel quidem illarum blanditijs voluptatum applauderent neque mouerentur obstipi. Vos itaque hortor ac moneo, & istum, quo nihil neque diuinius homini, neque præstantius datum est, obtestor animum

ne

ne hanc quam parauimus disputationem, qua quid ipse sit & quam habeat vim, explicabitur, vestras aures sine fructu prætergredi patiamini, neque diutius velitis in hac caligine & ignorantia versari: sed eum cognoscite spiritum, quo vita æterna cognoscitur, eamque viam, qua ex hoc corpore in patriam solidæ beatitudinis estis emigraturi, quo ipse animus præsentis vitæ ærumnis defatigatus, noctesque diésque aspirat, vbi cum Iesu Christo æuum æternum estis victuri, vbi est sedes Dei & Agni.

DIXI.

O R A T I O

*Habita Dole in Collegio Professorum post adaptionem le-
cturae publicae.*

QUOD fuerit Triumvirum professionum hesterno die de me decretum (Professores clarissimi) satis intellexisse vos existimo, qui honestissimi de me prolati iudicii sui, ingenuarum artium Decanum nō modò testem iuratum esse voluerunt, sed sententiam consignatis membranis ad beneficii sui ac tacti perpetuitatem tradiderunt, Et ita quidem confectæ sunt tabulæ, ut non sine elogio & commendatione singulari ad vos dirigantur. Quam testificationem plenam laude, mei augendi magis honoris causa adiecisse se dixerunt, quàm

quàm quòd (quæ vestra est prudentia & æquanimitas) in animum vel-
lent inducere, aliquid vos contra
morem vestrũ , & huius Academiæ
statuta facturos. Illi, quod eorum
fuit, iuris & potestatis sine exceptio-
ne aliqua in me contulerunt, pro-
fessorem regium & voce sua & scri-
pto declararunt. Cæterum hoc be-
neficium, tametsi sit maximum, nũ-
quam tamen desiderandum putavi,
si sapientissimi huius Collegij socie-
tate mihi carendum foret. Quapro-
pter vos mihi rogandi estis, vt quod
illi non oculis, non vultu & verbis
tantũ & voce significarunt, sed
scripto & sententijs expresserunt, se-
cupere & velle, vestra prona volun-
tas comprobet, & in me factam hu-
ius muneris impensam, non quantã
cupiebant, sed quantam potuerunt,
vos, huius confessus additõ honore,
amplificetis. Nolite committere,

Pro

Professores, vt, quem nō impari esse doctrinæ vsu huic subeundo muneri perspicuis testimonijs declarastis, aliquis sparsus à maleuolis, vel vltro susceptus scrupulus suspicionis, huius grauissimi Concilij aditu, & hoc loco amplissimo (qui ad idem munus delectis viris nnnquam clausus fuit) prohibeat. Sed forsità, qui vestræ iustitiæ esse voluistis, vt in officij, honoris ac emolumentorum partem venirem, vestræ sapientiæ minimè esse putabitis hominem vsque ab Oceano Boreali huc profectum, cuius notitia ac fama non antè quàm vultus ad vos peruenit, temerè in conclaue admittere. Quamobrem animis vos huic causæ adesse rogo, vt audientiam faciatis, vt antequam percurram orationem, quæ propria est huic instituto, pauca & modicè de meipso dicere possim, quæ vobis auscultantibus non iniucunda, mihi autem

autem hoc tempore dicere est necesse : hoc tamen præfatus, ut quæ admodum neque meus mos est, & innatus pudor abhorret, modestia fugit, ita tamen hoc in genere verfabor, ut qui me nouerunt vetustiore amicitia & interiore, nudam veritatem explicuisse, in meas laudes me excurrisse nunquam fateantur ultro. Quàm spaciola mihi ad currendum in ipso statim exordio est aperta area! quàm copiosa & plena veritatis dictio enascitur de Ioannis Deculeonis patris mei, viri optimi, præstantia! ad quem his durissimis temporibus, si quæpiam fama nunciauerit me apud vos in tantam gloriæ segetem mitti, quantam mediocris hæc eruditio & ætas in patria vix tranquillis rebus sperare posset, lacrymæ seni præ gaudio decident illicò, qui quæ me terra exceperit, ignorat. Nam à senis latere decessi
nun-

nunquam longius, nisi studiorum causa, priusquam fatalis illa calamitas, quæ ut cancer immedicabilis serpendo tandem in patriam irrepfit, & denique ut nebula in amænos incidens palmites, florentissimam Europæ regionem Flandriam depasta est, gloriam ac decus Belgij defloravit. Quæ belli deflagratio, accēsa hæreseon ac seditionum face, illud habuit tempus, cū amplis ille perfunctus honoribus, ex vitæ laboribus ac Reipublicæ molestijs in quietis ac tranquillitatis locum, sese maximè recipere debebat, & suam senectutem in meæ adolescentiæ sinum deponere. Tunc ego consilium secedendi in aliquam solitudinem procul ab eo, cepi, turbinum bellicarum ac sacrorum omnium profanationū pertæsus: vnde factum est, ut turbulentissimæ tempestates repentè exortæ, cum hoc otij fructu fraudarent:

rint:

rint: & nobis pariter virtutis paternæ, hæc artes celebrandi ac recolendi potestatem ademerint. Nam vt illa sentina malorum sese effundere ac seminarium sceleratorum hominum ad nos transferri cœpit, ita ab eius amplexu auulsus, illam charissimam canitiem, illum vultum iucundissimū deserui, vt si ad omne vitæ tempus amantissimi genitoris aspectu carendum foret, tanta acerbitalis violentia, quantam intercessisse me silente, vobis fit credibile. Parisijs aliquot menses commoratus, Augerij Gisseni Busbequij familiaritate & mensa vsus, eius cōmendatione in Italiam profectus sum, vbi in Illustris ac reuerendissimi Ioannis Francisci Bonomij, Vercellarum Episcopi, & Nuncij Apostolici tectū ac mensam admissus sum, donec ei à Romano Pontifice ea Legatio in Heluetiam decreta est plena pietatis

tis ac religionis : cuius statim ille
profectionis me voluit esse comitē,
laboris participem, & functionis te-
stem, eiūque meam nauauī operam
assiduē per plerosque Heluetiorum
pagos. Nunc si in vitio ponitis, mol-
lis ac parum virilis animi esse dicitis,
quòd patriæ visendæ charitas ac pa-
rentes alloquendi desiderium, ab il-
la virtutis ac solidæ pietatis regula
me separârīt. Fateor sanè, hoc cum
alijs multis mihi commune esse.
Quot etenim exstiterunt viri mag-
nanimi & veterum & nostra memo-
ria, qui cū & opibus & honoribus
magnis vti possent procul à suis ; o-
mnia tamen hæc, natalis soli amoris
vehementia superauit. Siquidem
aureo vellere diues Iason & Colchi-
co regno potitus, & Medæ cōiugio
beatus, abstinere incunabulis haud
potuit. Quid tot præclari bellorum
duces, qui in longinquam militiam
abeunt,

abeunt, nonne & gloriam & patras
 opes ad suos transferre satagunt? I-
 taque vt Heluetiæ finibus excessi,
 superato monte Iura, Veluntionem
 veni: vbi quorundam amicorū sua-
 su idem genus studij sum professus:
 cum neque anni tempus, neque no-
 ui de bello apud Belgas redintegra-
 torumores, meiter institutum per-
 agere paterentur, sed subsistere co-
 gerent. Hinc est in hanc ciuitatem
 factus gradus, hæc via ad notitiam,
 hic ad nouum hunc honorem de-
 cursus, ex illius ciuitatis vicinia egre-
 gio viro Antonio Garnerio notus esse
 cœpi, dein vobis omnibus. Habetis
 peregrinationis meæ rationem. Non
 igitur tanquam de religione Catho-
 lica peruersè sentiens aut Maiestatis
 reus, aut patriæ exitialis ciuis, extur-
 batus sum: sed spontè mea, omnium
 perditorum perfidia irrumpente il-
 luvie, bonis in carcerem coniectis,

reli-

religioni vi illata, furori nefariorum hominum cessi vltro. Hæc omnia ita se habent, vt dixi, Professores, & in his omnibus nullū delictum videtis, nullamque causam habetis, cur externo quàm inquilino, adueniente quàm innato minùs credatis, vel in secretius concilium non admittatis. An verò artiū doctoratus in dubium vertitur? Profero tabellam, quam si lubet, altè recitet scriba. Hæ sunt litteræ, quas non fauor aut cōmendationis beneuolentia expressit, aut beneficij gratia præscripsit, sed testificatio absolutæ omnium bonarum artium Cyclopædiæ & honestissimorum studiorum asseueratio, & veritatis efficacia tribuit. Ciuitatis Louanienfis publicum sigillum multi vestrū agnoscunt, sed manum subscriptoris pauci: attamen hæc satis magna sunt argumenta, non irrepisse me in has tabulas, sed iure meo

C

me

me obtinuisse. Quid igitur est (Professores,) cū aperte videatis me in nullo latere mendacio, non ex latebris aut tenebris, sed Vesontione, vicina ciuitate & regionis Metropoli huc profectum, non inimicis terris oriundum, sed ex fœderatis populis processisse, cur cunctamini me in hunc sacrum numerum adoptare, qui omnium Auditorum gratia, nulla vestra querela Professoris nomen est adeptus? Sed talis sanè omnium vestrū sensus, hoc significare cogitationes vestræ videntur, huc inclinare voluntas vestra, vt non tam oratione impetratum quàm incredibili vestro erga me amoris concessum esse dicatur huius loci beneficium. Hoc Triumviri, hoc spississima Iuuentutis corona, quæ me dicentem audiuit, hoc istius ordinis consors eximius vir Antonius Garnerius rogat, vt amplissimi huius Collegij vsuram præstetis.

stetis. Et ego idem obtestor & obsecro, per non obscuram, quam nudius tertius aspexi, erga me affectionem per illud studium amorémque, quo hæc artes prosequimini, per hanc communem, & recenter adeptam honoris concertationem, & Professoris dignitatem, vt in hoc Collegium adoptetis. Cuius facti vestri iucundus erit exitus; vobis non grauis, mihi autem gratosus & honorificus. Cuius beneficij, quæcumque me complectetur terra & fortuna, nunquam sum futurus immemor.

DIXI.

C 2

ORA-

O R A T I O.

*Habita Dole in solemnitate Do-
ctoratus*

MATHIAE VVOLFII.

SI quis eius oneris publici, quod mihi incumbit non ignarus, admiratione teneatur (clarissimi Iuris interpretes, Senatores amplissimi, quiq; ad huius Doctoratus festiuitatem conuenistis Auditores ceteri) quòd ab optimarum artium disputationibus repente ad hanc causam, quæ propria Iurisconsulti esse videtur, orandum accesserim, is consilium meum ante non improbet, quàm intelligat, me hoc negotium suscepisse rogantibus viris auctoritate præpollētibus, vt Mathiam VVolfium vobis commendatum, orna-

ornatúmque reddã, cui neque ingenium, neq, exercitatio vlla sufficiet, nedum ego ex vmbraculis Academicísque parietibus in hanc clarissimam conspectus vestri lucem, rudes eloquentię voces proferendo, vestris iudicijs sententijsque agitandas, tãtí viri longè latéque diffusis laudibus, mea dictione adiungere aliquem cumulum potero. Vereor itaque ne secretiore lingua à vobis audiam, quod à vicino Chremes apud Terentium; *Tantúmne abs re tua otij tibi est, aliena vt cures, eaque quæ nihil ad te pertinent?* Quapropter si id non voce professoria facere me creditis, facile impetrabo, vt meo mihi iure liceat & vos in partes conficiam meas: vt fateamini non à meo officio seiunctum esse, cùm rectè viuendi præcepta à Philosophis, monumentis tradita, explicem, laudare quoque eum hominem, quo neminem ad Iuris-

autem hoc tempore dicere est necesse : hoc tamen præfatus, ut quæadmodum neque meus mos est, & innatus pudor abhorret, modestia fugit, ita tamen hoc in genere verfabor, ut qui me nouerunt vetustiore amicitia & interiore, nudam veritatem explicuisse, in meas laudes me excurrisse nunquam fateantur ultro. Quàm spaciola mihi ad currendum in ipso statim exordio est aperta area! quàm copiosa & plena veritatis dictio enascitur de Ioannis Deculeonis patris mei, viri optimi, præstantia! ad quem his durissimis temporibus, si quæpiam fama nunciauerit me apud vos in tantam gloriæ segetem mitti, quantam mediocris hæc eruditio & ætas in patria vix tranquillis rebus sperare posset, lacrymæ seni præ gaudio decident illicò, qui quæ me terra exceperit, ignorat. Nam à senis latere decessi
nun-

nunquam longiùs, nisi studiorum causa, priusquam fatalis illa calamitas, quæ vt cancer immedicabilis serpendo tādē in patriam irrepfit, & denique vt nebula in amēnos incidens palmites, florentissimam Europæ regionem Flandriam depasta est, gloriam ac decus Belgij deflorauit. Quæ belli deflagratio, accēsa hæresen ac seditionum face, illud habuit tempus, cū amplis ille perfunctus honoribus, ex vitę laboribus ac Reipublicæ molestijs in quietis ac tranquillitatis locum, sese maximè recipere debebat, & suam senectutem in mæ adolescentiæ sinum deponere. Tunc ego consilium secedendi in aliquam solitudinem procul ab eo, cepi, turbinum bellicarum ac sacrorum omnium profanationū pertæsus: vnde factum est, vt turbulentissimæ tempestates repenti exortæ, cum hoc otij fructu fraudarent:

rint:

rint: & nobis pariter virtutis paternæ, hæc artes celebrandi ac recolendi potestatem ademerint. Nam vt illa sentina malorum sese effundere ac seminarium sceleratorum hominum ad nos transferri cœpit, ita ab eius amplexu auulsus, illam charissimam canitiem, illum vultum iucundissimū deserui, vt si ad omne vitæ tempus amantissimi genitoris aspectu carendum foret, tanta acerbitalis violentia, quantam intercessisse me silente, vobis fit credibile. Parisijs aliquot menses commoratus, Augerij Gissleni Busbequij familiaritate & mensa vsus, eius cōmendatione in Italiam profectus sum, vbi in Illustris ac reuerendissimi Ioannis Francisci Bonomij, Vercellarum Episcopi & Nuncij Apostolici rectū ac mensam admissus sum, donec ei à Romano Pontifice ea Legatio in Heluetiam decreta est plena pietatis

tis ac religionis : cuius statim ille
profectionis me voluit esse comitē,
laboris participem, & functionis te-
stem, ei que meam nauavi operam
assiduè per plerosque Heluetiorum
pagos. Nunc si in vitio ponitis, mol-
lis ac parum virilis animi esse dicitis,
quòd patriæ visendæ charitas ac pa-
rentes alloquendi desiderium, ab il-
la virtutis ac solidæ pietatis regula
me separârît. Fateor sanè, hoc cum
alijs multis mihi commune esse.
Quot etenim exstiterunt viri mag-
nanimi & veterum & nostra memo-
ria, qui cum & opibus & honoribus
magnis vti possent procul à suis ; o-
mnia tamen hæc, natalis soli amoris
vehementia superauit. Siquidem
aureo vellere diues Iason & Colchi-
co regno potitus, & Medæ cōiugio
beatus, abstinere incunabulis haud
potuit. Quid tot præclari bellorum
duces, qui in longinquam militiam
abeunt,

abeunt, nonne & gloriam & patras
 opes ad suos transferre satagunt? I-
 taque vt Heluetiæ finibus excessi,
 superato monte Iura, Vesuntionem
 veni: vbi quorundam amicorū sua-
 su idem genus studij sum professus:
 cum neque anni tempus, neque no-
 ui de bello apud Belgas redintegra-
 torumores, meiter institutum per-
 agere paterentur, sed subsistere co-
 gerent. Hinc est in hanc ciuitatem
 factus gradus, hæc via ad notitiam,
 hic ad nouum hunc honorem de-
 cursus, ex illius ciuitatis vicinia egre-
 gio viro Antonio Garnerio notus esse
 cœpi, dein vobis omnibus. Habetis
 peregrinationis meæ rationem. Non
 igitur tanquam de religione Catho-
 lica peruersè sentiens aut Maiestatis
 reus, aut patriæ exitialis ciuis, extur-
 batus sum: sed spontè mea, omnium
 perditorum perfidia irrumpente il-
 luvie, bonis in carcerem coniectis,

reli-

religioni vi illata, furori nefariorum hominum cessi vltro. Hæc omnia ita se habent, vt dixi, Professores, & in his omnibus nullū delictum videtis, nullamque causam habetis, cur externo quàm inquilino, adueni quàm innato minùs credatis, vel in secretius concilium non admittatis. An verò artiū doctoratus in dubium vertitur? Profero tabellam, quam si lubet, altè recitet scriba. Hæ sunt litteræ, quas non fauor aut cōmendationis beneuolentia expressit, aut beneficij gratia præscripsit, sed testificatio absolutæ omnium bonarum artium Cyclopædiæ & honestissimorum studiorum asseueratio, & veritatis efficacia tribuit. Ciuitatis Louanienfis publicum sigillum multi vestrū agnoscunt, sed manum signatoris pauci: attamen hæc satis magna sunt argumenta, non irrepisse me in has tabulas, sed iure meo

C

me

50 I. DECVLEONIS
me obtinuisse. Quid igitur est (Professores,) cū aperte videatis me in nullo latere mendacio, non ex latebris aut tenebris, sed Vesontione, vicina ciuitate & regionis Metropoli huc profectum, non inimicis terris oriundum, sed ex fœderatis populis processisse, cur cunctamini me in hunc sacrum numerum adoptare, qui omnium Auditorum gratia, nulla vestra querela Professoris nomen est adeptus? Sed talis sanè omnium vestrū sensus, hoc significare cogitationes vestræ videntur, huc inclinare voluntas vestra, vt non tam oratione impetratum quàm incredibili vestro erga me amoris concessum esse dicatur huius loci beneficium. Hoc Triumviri, hoc spississima Iuuentutis corona, quæ me dicentem audiuit, hoc istius ordinis consors eximius vir Antonius Garnerius rogat, vt amplissimi huius Collegij vsuram præstetis.

ORATIONES. 51

stetis. Et ego idem obtestor & obsecro, per non obscuram, quam nudius tertius aspexi, erga me affectionem per illud studium amorémque, quo hæc artes prosequimini, per hanc communem, & recenter adeptam honoris concertationem, & Professoris dignitatem, vt in hoc Collegium adoptetis. Cuius facti vestri iucundus erit exitus; vobis non grauis, mihi autem graciosus & honorificus. Cuius beneficij, quæcumque me complectetur terra & fortuna, nunquam sum futurus immemor.

DIXI.

C 2 ORA-

ornatūque reddā, cui neque ingenium, neq, exercitatio vlla sufficiet, nedum ego ex vmbra culis Academicisque parietibus in hanc clarissimam conspectus vestri lucem, rudes eloquentię voces proferendo, vestris iudicijs sententijsque agitandas, tāti viri longē latēque diffusis laudibus, mea dictione adiungere aliquem cumulum potero. Vereor itaque ne secretiore lingua à vobis audiam, quod à vicino Chremes apud Terentium;
Tantūmne abs re tua orij tibi est, aliena ut cures, eaque quæ nihil ad te pertinent? Quapropter si id non voce professoria facere me creditis, facile impetrabo, vt meo mihi iure liceat & vos in partes conficiam meas: vt fateamini non à meo officio seiunctum esse, cū rectē viuendi præcepta à Philosophis, monumentis tradita, explicem, laudare quoque eum hominem, quo neminem ad Iuris-

prudentiam solidiore Philosophia & litterarum præsidio animum appulisse memini. Hoc vnum ergo magnopere dolet, quòd eius incredibili ingenio (ad quod exornandum excolendumque Musas cum Gratijs numquam magis concordibus votis suas dotes contulisse apparet) extollendo, parem afferre eloquentiam nequeam: & quòd in viri doctissimi laude, rerum præclarissimarum pondere oppressi, facundiæ riuuli, verborum penè exsiccato alueo, languidiore sententiarum fluctu ad aures vestras dimanabit oratio. Nam quanta potest esse huius exigui temporis oratori permessa ad dicendum portio, vt tam varias virtutes, quæ, in quacumque vitæ eius partem inclinat nostra cogitatio, agmine quodam effusæ occurrunt, in has angustias conferam? Hoc igitur apud vos statuere debetis, quod picturam considerantibus

tibusvfu venit, vt, cùm in parua tabula numerosas bellatorum copias humana industria exprimere laborat, multa hominum millia sub armorũ vmbra latere videantur: sic rerum laudandarum molem, non verborum exilitate vos metiri decet, sed ampliora omnia maioraque, quàm dicendo quispiam assequi queat, cogitare debetis. Multa silentio præteribo: plurima in quibus spaciari mihi licet, vno verbo perstringam. Idcirco audito solo patriæ eius nomine, eam iam concipere debetis opinionem, non vulgarem virum eius regionis genium ad nos misisse. Est igitur Iuliacum Candidati nostri patria, in qua reperiuntur, quæ admirari solemus, summa. In primo vocabuli limine, elucent antiquæ nobilitatis insignia, eo quòd eam urbẽ suo nomine inter tot Belgij oppida Iulius Cæsar est dignatus, cui moder-

nus Iuliacensis Princeps nostros æ-
uo multis virtutibus minimè cedit,
pacis amore & continentia etiã lon-
gè superat. Est in ea regione, quæ ab
hac vrbe Metropoli est cognomina-
ta, clemens cæli temperies, pascua
irrigua, fœcunda arua, syluæ, flumi-
na, fontes: cæterisque rebus ad vi-
tam faciendam necessarijs affluit, vt
neque abs Geldria frumentum, ne-
que à Frisia boues, non ab Ardennæ
syluis ligna, neque à Flandria pannos
petere debeat, omnia eius incolis do-
mi nascuntur, soli fertilitate ad vsum
etiam finitimorum exuberante fru-
gibus. Huic syderum occultæ bene-
uolentiæ parenris vtriusque accessit
cura & sollicitudo, qui vt ipsi inter
Iuliacenses clari erant & honesti, ita
in educandò instituendóque suo fi-
lio, qua parentes sedulos decet cura,
versati sunt; non vt vulgus sapiendo,
qui liberos gignunt, vt in ijs se oble-
ctent,

ætent, sed illi vt familiæ stirpem per
Dei gloriam propagent, facibusque
maioribus illustrent, se suosque proge-
nitores, non tam oris delineamentis
quàm morum optimorum & virtu-
tum similitudine exprimant. Itaque
à Deo sumentes principium, ne hæ-
reticorum puer, prauis à teneris im-
butus erroribus, à salutis æternæ sco-
po præuaricaretur, & ne cum hac la-
be omnis dignitatis & familiæ augē-
dæ spes, vt tenera planta neglecta,
intercideret; quod ipsi per se præ-
stare non poterant his præceptoribus
erudiendum tradiderunt, à qui-
bus non solum litteras discere, sed &
veræ pietatis, fideique Orthodoxæ
semina capere posset. Non ignari
pueritia rectè informata & instituta
quantum momentum habeat ad re-
liquum vitæ spatium feliciter & ho-
norificè peragendum. Postquàm ve-
rò ad pubertatis annos perueniteius

ætas (in qua plerumque peccatur ab
 alijs parentibus, liberiùs viuendi po-
 testatem dando) ille à suis ad Eburo-
 nes ablegatus est, vt ibi maiores lit-
 terarum progressus faceret sine hæ-
 reseus periculo, in ea ciuitate, in qua
 Princeps Sacerdos vtrumq; clauum
 tenet Reipublicæ, qui & opibus am-
 plissimis potens, & tucndæ religio-
 nis Catholicæ ardore accensus, cam-
 pestem à suis finibus longè arcet, po-
 pulumque sub veteri sacrificandi ri-
 tu continet. Posteaquàm Gramma-
 ticæ, Poësi & Rhetoricæ satis operâ
 dedit, Louanium ad Philosophos au-
 diendum profectus est, tum vt ea quæ
 in omni munere vitæ præstanda sunt
 humanitatis officia, disceret; tum
 vt rerum naturalium abstrusas laten-
 tesque causas, quibùsque exordijs o-
 mnia nascuntur, & quid post occa-
 sum esse desinerent, syderum ortus,
 interitus, raptus, stationesque ac
 celi

cæli ipsius circumuolutiones, quæ in aquis & sublimi aëre generantur, intelligeret. Quibus scientijs adiecit illam artem, quæ de his non modò disciplinis, sed etiam de omnibus alijs differendi rectè, rationem complectitur. Et in hoc triplex Philosophiæ studium, tam diu incubuit, donec fructus quem faceret non poenitebat. Demum ei post priuata Gymnasia in puluerem venire permisum est, & publicè in communi artium liberalium schola, de his, quæ sub præceptoribus didicerat, potestas respondendi data. In qua arena ita pugnavit, vt vnus extiterit, qui omnia sophismata explicare, captiosas argumentationes soluere, & syllogismorum nexibus se extricare cum laude poterat. Illi hæc lucta litteraria auctoritatis plurimum & existimationis apud æquales peperit, & eius diuulgata est fama, ita vt non medio-

cribus propositis præmijs à potenti-
 bus viris inuitaretur ad multas res
 iam tum eius utilis futura opera. Du-
 orum Principum natis priuatim eru-
 diendis Coloniam Vbiorum vocatus
 est. In quo munere ita versatus est,
 vt sui non fuerit immemor, quin
 quicquid in vtriusque Iuris volumi-
 nibus scriptum, audiendo interpre-
 tes, & indefatigabili labore, perpe-
 tuisq; vigilijs, legendo hauserit. In
 hoc otio diu multumque occupatus
 à fori strepitu & litigantium clamo-
 ribus abstinuit, donec diuerso actus
 numine, ea quæ erant, iam præcepta
 Iuris in animo, ad publicas actiones
 contulit, per omnes iudicij formu-
 las exercendo se, Leodij primū, tum
 Spiræ. In vtriusque huius ciuitatis
 luce hominumque frequentia versa-
 tus, quantam omnes sciunt ibi esse
 maximam, exantlatis tot laboribus,
 tam longo ac difficili emenso, Iuris
 pelago,

pelago, in hanc Academiam venit. ut Colophone studijs imposito, à Magn^{co} hoc Cancellario, vobis (Professores) approbantibus, Doctoræ laurea decoretur. Eius itaque nomine, Magnæ Cancellarie, fidem tuam rogo obtestorque, idem ut facere velis, honestorum adolescentium cœtus postulat, qui nudiustertius eum de Iure respondentem audiuerunt. Hoc terræ Iuliacensis & Cliuensis Serenissimus Dux expectat. Hoc Louanium & Colonia desiderant, ut alumnum suum ad se Doctorem remittas. Reuerendissimus Episcopus, idemque Serenissimus Princeps Eburonum poscit: & augusta Spirēsis Curia efflagitat, Quamobrem, si lubet Cancellarie, ego pro te eum bono esse animo iubeo, ut ex tuis manibus nunc expectet hoc immortalitatis decus, Iuris vtriusque insignia. Collige, ornatissime V Vol.

fi,

O R A T I O.

*Habita Dole in solemnitate Do-
ctoratus*

MATHIAE VVOLFI.

SI quis eius oneris publici, quod mihi incumbit non ignarus, admiratione teneatur (clarissimi Iuris interpretes, Senatores amplissimi, quiq; ad huius Doctoratus festiuitatem conuenistis Auditores ceteri) quòd ab optimarum artium disputationibus repente ad hanc causam, quæ propria Iurisconsulti esse videtur, orandum accesserim, is consilium meum ante non improbet, quàm intelligat, me hoc negotium suscepisse rogantibus viris auctoritate præpollētibus, vt Mathiam V Volfium vobis commendatum, orna-

ornatúmque reddā, cui neque ingenium, neq, exercitatio vlla sufficiet, nedum ego ex vmbra culis Academicísque parietibus in hanc clarissimam conspectus vestri lucem, rudes eloquentię voces proferendo, vestris iudicijs sententijsque agitandas, tãti viri longè latèque diffusis laudibus, mea dictione adiungere aliquem cumulum potero. Vereor itaque ne secretiore lingua à vobis audiam, quod à vicino Chremes apud Terentium;
Tantúmne abs re tua otij tibi est, aliena ut cures, eaque qua nihil ad te pertinent? Quapropter si id non voce professoria facere me creditis, facile impetrabo, vt meo mihi iure liceat & vos in partes conficiam meas: vt fateamini non à meo officio seiunctum esse, cùm rectè viuendi præcepta à Philosophis, monumentis tradita, explicem, laudare quoque eum hominem, quo neminem ad Iuris-

prudentiam solidiore Philosophia & litterarum præsidio animum appulisse memini. Hoc vnum ergo magnopere dolet, quòd eius incredibili ingenio (ad quod exornandum excolendumque Musas cum Gratijs numquam magis concordibus votis suas dotes contulisse apparet) extollendo, parem afferre eloquentiam nequeam: & quòd in viri doctissimi laude, rerum præclarissimarum pondere oppressi, facundiæ riuuli, verborum penè exsiccato alueo, languidiore sententiarum fluctu ad aures vestras dimanabit oratio. Nam quanta potest esse huius exigui temporis oratori permessa ad dicendum portio, ut tam varias virtutes, quæ, in quacumque vitæ eius partem inclinat nostra cogitatio, agmine quodam effusæ occurrunt, in has angustias conferam? Hoc igitur apud vos statuere debetis, quod picturam considerantibus

tibus vsu venit, vt, cùm in parua tabula numerosas bellatorum copias humana industria exprimere laborat, multa hominum millia sub armorũ vmbra latere videantur: sic rerum laudandarum molem, non verborum exilitate vos metiri decet, sed ampliora omnia maioraque, quàm dicendo quispiam assequi queat, cogitare debetis. Multa silentio præteribo: plurima in quibus spaciari mihi licet, vno verbo perstringam. Idcirco audito solo patriæ eius nomine, eam iam concipere debetis opinionem, non vulgarem virum eius regionis genium ad nos misisse. Est igitur Iuliacum Candidati nostri patria, in qua reperiuntur, quæ admirari solemus, summa. In primo vocabuli limine, elucent antiquæ nobilitatis insignia, eo quòd eam urbẽ suo nomine inter tot Belgij oppida Iulius Cæsar est dignatus, cui moder-

nus Iuliacensis Princeps nostros æ-
uo multis virtutibus minimè cedit,
pacis amore & continentia etiã lon-
gè superat. Est in ea regione, quæ ab
hac vrbe Metropoli est cognomina-
ta, clemens cæli temperies, pascua
irrigua, fœcunda arua, syluæ, flumi-
na, fontes: cæterisque rebus ad vi-
tam faciendam necessarijs affluit, vt
neque abs Geldria frumentum, ne-
que à Frisia boues, non ab Ardennæ
syluis ligna, neque à Flandria pannos
petere debeat, omnia eius incolis do-
mi nascuntur, soli fertilitate ad vsum
etiam finitimorum exuberante fru-
gibus. Huic syderum occultæ bene-
uolentiæ parenris vtriusque accessit
cura & sollicitudo, qui vt ipsi inter
Iuliacenses clari erant & honesti, ita
in educandò instituendóque suo fi-
lio, qua parentes sedulos decet cura,
versati sunt: non vt vulgus sapiendo,
qui liberos gignunt, vt in ijs se oble-
ctent,

stent, sed illi ut familiæ stirpem per
Dei gloriam propagent, facibusque
maioribus illustrent, se suosque proge-
nitores, non tam oris delineamentis
quàm morum optimorum & virtu-
tum similitudine exprimant. Itaque
à Deo sumentes principium, ne hæ-
reticorum puer, pravis à teneris im-
butus erroribus, à salutis æternæ sco-
po præuaricaretur, & ne cum hac la-
be omnis dignitatis & familiæ augē-
dæ spes, ut tenera planta neglecta,
intercideret; quod ipsi per se præ-
stare non poterant his præceptori-
bus erudiendum tradiderunt, à qui-
bus non solum litteras discere, sed &
veræ pietatis, fideique Orthodoxæ
semina capere posset. Non ignari
pueritia rectè informata & instituta
quantum momentum habeat ad re-
liquum vitæ spatium feliciter & ho-
nорificè peragendum. Postquàm ve-
rò ad pubertatis annos peruenit eius

C. 5. ætas

ætas (in qua plerumque peccatur ab
 alijs parentibus, liberiùs viuendi po-
 testatem dando) ille à suis ad Eburo-
 nes ablegatus est, vt ibi maiores lit-
 terarum progressus faceret sine hæ-
 reses periculo, in ea ciuitate, in qua
 Princeps Sacerdos vtrumq; clauum
 tenet Reipublicæ, qui & opibus am-
 plissimis potens, & tuendæ religio-
 nis Catholicæ ardore accensus, eam
 pestem à suis finibus longè arcet, po-
 pulumque sub veteri sacrificandi ri-
 tu continet. Posteaquàm Gramma-
 ticæ, Poësi & Rhetoricæ satis operâ
 dedit, Louanium ad Philosophos au-
 diendum profectus est, tum vt ea quæ
 in omni munere vitæ præstanda sunt
 humanitatis officia, disceret; tum
 vt rerum naturalium abstrusas laten-
 tesque causas, quibûsque exordijs o-
 mnia nascuntur, & quid post occa-
 sum esse desinerent, syderum ortus,
 interitus, raptus, stationesque ac
 celi

cæli ipsius circumuolutiones, quæ in aquis & sublimi aëre generantur, intelligeret. Quibus scientijs adiecit illam artem, quæ de his non modò disciplinis, sed etiam de omnibus alijs differendi rectè, rationem complectitur. Et in hoc triplex Philosophiæ studium, tam diu incubuit, donec fructus quem faceret non pœnitebat. Demum ei post priuata Gymnasia in puluerem venire permissum est, & publicè in communi artium liberalium schola, de his, quæ sub præceptoribus didicerat, potestas respondendi data. In qua arena ita pugnavit, vt vnus extiterit, qui omnia sophismata explicare, captiosas argumentationes soluere, & syllogismorum nexibus se extricare cum laude poterat. Illi hæc lucta litteraria auctoritatis plurimum & existimationis apud æquales peperit, & eius diuulgata est fama, ita vt non medio-

cribus propositis præmijs à potenti-
 bus viris inuitaretur ad multas res
 iam tum eius vtilis futura opera. Du-
 orum Principum natis priuatim eru-
 diendis Coloniam Vbiorum vocatus
 est. In quo munere ita versatus est,
 vt sui non fuerit immemor, quin-
 quicquid in vtriusque Iuris volumi-
 nibus scriptum, audiendo interpre-
 tes, & indefatigabili labore, perpe-
 tuisq; vigilijs, legendo hauserit. In
 hoc otio diu multumque occupatus
 à fori strepitu & litigantium clamo-
 ribus abstinuit, donec diuerso actus
 numine, ea quæ erant, iam præcepta
 Iuris in animo, ad publicas actiones
 contulit, per omnes iudicij formu-
 las exercendo se, Leodij primū, tum
 Spiræ. In vtriusque huius ciuitatis
 luce hominumque frequentia versa-
 tus, quantam omnes sciunt ibi esse
 maximam, exantlatis tot laboribus,
 tam longo ac difficili emenso, Iuris
 pelago,

pelago, in hanc Academiam venit.
vt Colophone studijs imposito, à
Magn^{co} hoc Cancellario, vobis
(Professores) approbantibus, Do-
cturæ laurea decoretur. Eius itaque
nomine, Magn^{ce} Cancellarie, fidem
tuam rogo obtestorque, idem vt fa-
cere velis, honestorum adolescenti-
um cœtus postulat, qui nudiuster-
tius eum de Iure respondentem au-
diuerunt. Hoc terræ Iuliacensis &
Cliuensis Serenissimus Dux expe-
ctat. Hoc Louanium & Colonia de-
siderant, vt alumnum suum ad se
Doctorem remittas. Reuerendissimus
Episcopus, idemque Serenissimus
Princeps Eburonum poscit: & augu-
sta Spirēsis Curia efflagitat, Quam-
obrem, si lubet Cancellarie, ego pro
te eum bono esse animo iubeo, vt ex
tuis manibus nunc expectet hoc
immortalitatis decus, Iuris vtriusque
insignia. Collige, ornatissime V Vol.
fi,

62 I. DE CVLEONIS

fi, tibi paratos dulcissimos sudoris tui fructus. Immárcessibilem accipe tuæ virtutis partam gloriam, qua nullum maiorem Acedemia Dolana dare potest, quo te sibi sempiterno amoris pignore obstringat.

DIXI.

O R A T I O

*Habita Dole ante explicationem
librorum Topicorum
Ciceronis.*

INCREDIBILIS vestra attentio & alacritas summa, qua differendi artem ab Aristotele traditam apprehenditis (Auditores) & concio tanta, quantam hic locus habere non consuevit, non mediocre spem addidit, animúmque erexit, ut illam disciplinam (in qua nō parua

parua res acta est & explicata, Porphyri quippe Hagoge & Categorijs cognitis totius artis iacta sūt fundamēta) credam vobis magis magisq; cordi fore. Cæterum huic erga me p̄pēsissimæ voluntati, cū vos amore & beneuolentia pares, labori autem meo diligentiam vestram penē equalem esse cernerem, illico tota mentē ac studio in hanc cogitationem incubui, vt pomeridianis horis, alterā illam Dialecticæ partem, quæ de Inuentione est, huic quæ Argumenti cōtinet rationem & præceptionem, coniungerem: vt quæ inuestigando essent inuenta & eruta orationis firmamenta, copulare appositè & copulata conuertente ratiocinationis vinculo, suo quæque loco & tempore disponere sciretis: tum in priuatis disputationibus, in vmbra & otio, tum in lucem, hominūque vulgus orationem vestram spargentes, prodire

dire possitis, & cum ornatis, gravibusque viris dicendo aptè aliquando contédere. Etenim hoc meum semper fuit consilium, vt illam artem, quæ est de re qualibet rectè disputandi, ab ea quæ disertè & copiosè dicendi doctrinam tenet, numquam separarem: quarum vtriusque tanta inter se est coniunctionis vis vt tempore & amplificatione quadam inter se, non re ipsa distincta mihi esse videantur. Itaque vtroque genere cognito, nō est difficile illius exemplis in omni quæstione vti, huius autem præceptis omnem causam controversiamque & ad populum concionem accommodare, etiam ab ingenio non magno, Sed hoc dum diu multumq; mecum cogito omnemque viam ac modum accuratiùs perpendo, à priore consilio in aliàm sententiam abij, vt omissis Topicorum libris Aristotelis (qui longam latæque

que sparsam scientiam habent) Ciceronis de eadem re compendium amplexarer. Cuius quidē mei instituti, quæ fuerit causa & ratio, breuiter hoc tempore vobis aperire proposui, ne inconsultè vobis & temerè in hoc iudicium deflexisse videar. Et quidem hoc futurum spero, vbi satis animum aduerteritis vestrum, & ad meum calculum rationes vestras adduxeritis, vos mecum eandem viam libenter ingressuros. Equidem ferè hunc omnium vestrū esse video studiorum cursum, vt gustatis illis disciplinis, quibus ad omnem humanitatem imbuimur & ad vitam degendam erudimur, per legum peritiam, alij ad quæstum, alij ad honores, omnes ad aliquam Reip. partem, sitis ituri. Cui proposito vestro vt felicibus auspicijs inaugurari possitis, ex quo quæso portu per Iuris pelagus nauigaturi, ventis prospici-

riori-

rioribus anchoram soluere potestis, quàm ex hoc argumentorum mercatu viaticum ad vniuersam profectiōem vestram necessarium comparaturi? Nulla est etenim vitæ pars, nullum officij genus in priuata, nullum munus in persona publica, quod Dialecticam non desiderat, in congressu, in senatu, in concione, in iudicio, ad erumpendū (si necesse erit) ex argutè ratiocinantium ausis, aut è conuerso ad aduersarium affigendum argumētorum clauiculis. Quæ omnia si expoliantur disertè & ornatè dicentis facundia, rudi materiæ vltima ac speciosa si accesserit facies, quæ audientium animos, vt pulchritudinis conciliatrix, alioquin nutantes, in quam velis sententiam inclinet, Oratoris erunt assumptæ partes. Propriùs autem inspicite vtriusque scientiæ fructus, dum vmbatili palæstra intra parietes vnus alterum ser-

sermonis reticulis inuoluit & inuolutualij alijs feliciùs & citiùs sese liberant, eiusdem disciplinæ beneficio. Et rursus, cùm pomeridianis horis, saturnalibus diebus eandem dictionē latè copioseque effunditis, ornatam omnibus coloribus ac floribus magna cum laude & auditorum applausu, exercitij vestri in arte oratoria actiones explicabitis. At contra quàm ieiunè, tenuiter, incautè, imperitè captionum affigitur scopulis, qui huius artis destituitur energia, quando ipsum animi sui sensum, neq; vrbane neque gratiosè ad stuporem audientium valet excolere. Cæterū hic locus id me postulare non videtur, vt longa & efficaci oratione hoc studium in genere vobis commendē, eius commoditates omnes in medium proponendo, quos inflammatos satis propriæ vtilitatis studio video ad hanc scientiam pants velis, pro.

properare. Sed in hoc mihi tantum elaborandum est, ut ipsam docendi viam, quam aggressuri sumus, gratam acceptamque vobis reddam. Quod facile impetraturum me confido, si omni ex parte hoc meum propositum ardenti vestro desiderio hauriendi artem differendi, conforme esse cognouero. Habetis autem initio duas res, quibus perfectus orator & causarum patronus efficitur: in idem conuenientem Ciceronis operam, & Trebatij voluntatem, cum in illius scriptis consummati Oratoris respiceret imago, in huius autem petitione magni & memorabilis Iurisconsulti succedat consentiens voluntas. Quorum vtriusque sententia commoti & auctoritate grauissimorum virorum adducti, prolixam illam inueniendorum argumentorum rationem pluribus libris ab Aristotele traditam, meo hac in re subscribentes iudicio,

vel

vel potiùs morem gerentes, vt cum hac compèdiosa methodo commutetis libenter, hortor. Quamquam à summo illo Philosopho grauatim recedo, neque vitandi laboris causa, ad hoc consilium confugio, sed quid à me commoditas vestra postulet, considero. Hoc insuper vos in animū vestrum inducite, in ipsis iam legum elementis versari, vbi vel Sceuolæ vel Aquilij sententias, vel alius à Cicerone nominati Iurisconsulti responsum, ad dialecticæ artis concludendi modum accommodare vos, & agendis in foro causis adaptare docebo. Præterquā quod alterum hoc eius rationis ad vos peruenturum sit emolumentum, quod ea quæ breuibus præceptis tradita est doctrina, & faciliùs vestris animis succedet & fidelius à memoria conseruabitur, & à tanto auctore dicendi profectum documentum, Magistri commendabit fama

fama & æstimatio, minúsq; vos pigebit cum celeberrimo Iuriconsulto Trebatio, vos ad eandem disciplinam dare formandos. Siquidem illa prolixa, quæ apud Aristotelem est, Topicæ explicatio, ei tempori accommodata est, quo summis Philosophis summus venit honos, & illæ scientiæ, quæ nunc habentur in pretio vel nondum inuentæ, vel hominum iudicio sine decore iacebant. Etenim hoc antiquum & diuturnum Philosophandi institutum, hoc nostro seculo apud Theologos tantum suam laudem & veterem consuetudinem obtinet. Ast quia breue est humanæ vitæ curriculum, paucis vel nullis Philosophiæ studiorum scopus ultimus quæritur, sed plerique ea adiutrice ad honorificam vel quæstuosam scientiam properantes, vtuntur, vel in carcere, vel in medio stadij cursum studij Dialecticæ præcidentes,

tes, longo labore & fastidio pertæsi, Dialectica à limine salutata, aliò se transferunt. Ideóque hoc iniui consilium ac rationem, vt longi temporis, & inextricati laboris, vos à necessariæ artis cognitione, tædium non auerteret, operæque factæ minimè pœniteret, Vos itaque, per id, quod in vobis esse vidi ardentissimum discendi desiderium, oro, & per eum, quem litterarû meritis acquisitum, à vobis amorem mihi deberi iudico, obtestor, vt hoc persuasum habeatis nullam vobis ad Iurisprudentiam facem præferri posse splendidiorem, neque vllum esse libellum, quem maiore cum fructu, tum ad respondendum de Iure, tum ad quodlibet causæ genus tractandum, versare manu, & mente euoluere possitis,

D I X I.

O R A -

O R A T I O

*Habita Dole ante explicationem
libri secundi Ciceronis
de Legibus.*

PRÆCLARO ordine, meo sanè iudicio (Auditores) de Legibus suscipitur institutio: quo per Philosophiæ præcepta, emollitis, informatisque animis vestris, altior disciplina subiret. His etenim libris, qui de Anima ab Aristotele inscripti sunt, vos in naturæ vestræ cognitionem traduxi. Et Tusculana Ciceronis disputatione aduersus omnes corporis cruciatus, mortemque ipsam tolerandam fortiter, armaui. Ab vtraque autem disciplina, ad copiosè in concione, argutè in circulis apertis Rhetoricæ & Dialecticæ riuulis, ad omne Reip. munus ho-

hominumque societatem, atque ad officium multas commoditates sumere docui. At si hac via, explosa feritate, mansuetudini parata est sedes: ebullientibus corporis voluptatibus iniecta temperantiæ frigida, aduersus inutilem formidinem, timoris auerruncatio reperta, venris ac gutturi vitio sobrietatis medicina obiecta, alijsque animi tempestatibus & corporis ærumnis, tranquillitas moderatioque imposita: quidnam potius fuit, ita perpolitæ vestræ mentis tabulæ insculpi, quàm iustitiæ notionem? quæ adeò in reliquas virtutes propagines emittit, ut à nemine, qui hac caret, illæ rectè coliqueant. Ipsa siquidem cum sit perpetua animi affectio, tribuendi cuique quod suum est, Deo quidem cultum religionemque suppeditante pietate, decernit, & hominum societati amorem & beneuolentiam

D procu-

procurat quibuscumque potest officijs. Nam hoc natura nos monet, & in hoc nati sumus, & hisce duobus officijs pietatis & honestatis, Reip. salus continetur, quam vna cum ratione Deus hominum mentibus in-
seuit. Hæc est autem illa naturæ vis, quæ obnitentibus erroribus, ineptijs, vitijs, morbis, ad id, quod rectum est & bonum, tendit: quod omnes sapientes, duce Natura, appetunt: & vt inquit Apostolus: *Gentes quæ legem non habent, naturaliter quæ legis sunt, faciunt, & legem non habentes, ipsi sibi lex sunt*, hoc est, formula bene recteque viuendi, quam ipsa ratio, qua nati sumus, dicat. At primùm ipse Deus per Moysen, deinde prudentissimi viri ad conrinendum vrbium cœtus ac ciuium communionem ex ea ratione recta ac confirmata, instinctu naturæ legem fixerunt, cuius id caput est, vt ea quæ recta sunt præ-

præcipiat facere, & vetet delinquere. Harum autem legum Iustitiæ tabulas, quas Romani à Græcis in suam ciuitatem intulerunt, tribus libris Ciceronis, introductis ad hoc personis Marci, Quinti & Attici tripartito sermone vobis explicare, omisso primo libro, est propositum, simul vt hac opera, Philosophiæ studio summam manum imponamus. Hoc tantum præmonitos vos volo, hunc nostrum laborem non euagaturum ad eam interpretationem Iuris, quod libris Pandectarum continetur, collectum ex Iurisperitorum responsis (non enim mihi tantum sumo) sed circa has legum scaturigines residendo, huius auditorij vmbraculo pro quercu Mariana vtemur. Considerate autem harum legum institutionem, tanquam originem cultioris vitæ, & nascentis vrbis, quæ ab ea lege quæ nusquam scripta est, proma-

nauit : & abs huius obseruantia nata est Iustitia, quam qui exercent, iusti vocantur, & qui contra faciunt, iniusti. Verùm enimverò vbicumque offendetis Ethnicorum sacra ac ritus, eos non imitari, sed admirari tantùm iubeo, eorùmque ardorem sequi, qui falsa opinione illusi, aut mortuorum hominũ simulacra, aut rerum vita carentium imagines venerantes, tam castè sacris operati sunt, Poëtarum fabulis aut vulgi errore sine aliquo veritatis argumento inhærentes. Sed quoniam nō infrugifera est hæc disputatio, altiore ab origine, hanc rem, si lubet, eruamus, hūc fructum exspectantes, quem rei vetustas faciet commendatiorem iucundiorẽque. A principio sacræ litteræ nobis prodiderunt primum hominem ab opifice Deo, vna cum huius vniuersi fabrica, esse cõditum ac in Paradiso constitutum, Principem

pem ac monarcham reliquorum animantium, ac tanta dignitatis affinitate cōdecoratum, vt ipsum Deus & consilij & noui operis participem fecerit, adductis ad eum recenter formatis omnis generis bestijs, quæ vt præfectum suum reuereri assuescerent, eiûsque parere nutibus, nominibus, quibus singulæ ab ipso sunt vocatæ, impositis, non nisi eius decreto abire iussæ sunt. Huius autem nomenclatoris corpus ex eadem argilla atque telluris foetu, quo cæteræ feræ atque plantæ sata sunt, idem auctor quidem finxit, sed propinquiore ac certiore gradu agnationis eum sibi adiunxit, cū non ex eodem elementi luto eius vitam suscitauit, sed magis propriè de singulari aura ei in faciem particulam inspirando, animam ingenerauit ornatam ratione, consilio, omnium artium solertia, & in primis sui conditoris noti-

tia resplendente, omnibus virtutibus, quibus ad vmbilicum est perducta hominis natura, quæ sibi boni rectique lex erat. At posteaquam tot ornamentis decoratum hominum genus, sibi subrogatum vidit Satan, colubri astu abutens, technam struxit, & primum illum parentem, præuaricantem tanta nobilitatis ac honoris possessione, depauit, & deinceps stirpem nascituram imperij dignitate spoliata, in malorū chiliadem deiecit. Hinc ingenitæ nobilitatis & naturæ splendor ac diuinitatis igniculi caliginem induerunt, incumbente in rationem, prauis appetitus, superbiæ, ambitionis, intemperantiæ libidinis & aliorum vitiorū pondere: quo præualente, homo se ipso factus deterior ac infelicior, contrā quam iubet lex (quæ cum ipso nata est) ab inchoata illa beatitudine sursum deorsum in mille motus ac tem-

tempestates rapitur. Quapropter operæ pretium fuit, domicilio Paradisi (quod ei cum numine commune fuerat) expulso, statûque moto, eius intelligentiæ, tanto lapsu humi affixæ ac obscuratæ, aperto scriptæ legis tramite, tanquam prætentante viam baculo, per moribundæ vitæ tenebras ad boni rectique metam monstrato calle, peccati scopulos docere declinare. Adeste igitur (Auditores) discendis legibus operam dantes, purgatis auribus & mente ne utiquam peregrina, ut imperare vobis ipsis & Reip. gubernacula, mandando & prohibendo, singulis quod iustum est distribuendo, capeßere noveritis, erudimini, Deo in primis pietatem, tum populi charitatem exercere. Verum dum in hoc sum, operam ac studium collocaui, ut legû cognitionem, dignitatem ac utilitatē inflammatis avidè apprehendatis, ne

rancidam carnem aromate conditā vobis proponere videar, sed de Iouis Optimi Maximi tabulis descriptas delicias degustandas dare, vnum Legis, quæ de religione est, primordiū audite. *Ad diuos* (inquit Cicero) *aduenito castè, pietatem adhibento, opes amonento : qui secus faxit, Deus ipse vindex erit.* Quàm augusta verba (Auditores) quàm plena sanctimonix? quibus iustitia erga Deum, quæ religio appellatur, describitur, si sublata multitudinis dictione vni bonorum omnium Largitori Deo apponantur. Christianis omnibus, paulò immutatis verbis, primum est præceptum; *Diliges Deum ex totis animi tui viribus, ei que soli seruias.* Hoc est primum & magnum mādātum in lege (inquit Christus.) Deo igitur cultum impensuri castè adeamus. Castimonia, ait Cicero, animi (in quo sunt omnia) nec tollit casti-

mo

ftimoniam. Inceftum dierum numero vel aquę afpersione tollitur: animi verò labes, nec diuturnitate vanefcere nec manibus elui poteft. Per Deum, Auditores, vos obfecro, ne tam facram interpretationem Ethnici hominis otiofis auribus prætereatis, fed altiùs veftre memorię infixite, neque patiamini iftud fidei Chriftianę lumen, ac æternorũ præmiorum fpem, ipfamq; Chrifti crucẽ sterilem in vobis emarceffere, neque eum fequi ducem pigeat, qui, tametsi fidei noftre luce deftitutus, tam præclare tamen ac sincerè de religione fentit. Hoc equidem magnoperè metuo, imò clamo & obteftor, ne hic religionis doctor, cum magna caterua fui fimilium, buccinæ fonitu Chriftiani ordinis homines fiftente ad fupremum agni tribunal, obuiam prodeat & feignitiem diuini cultus exprobret & tandem ingrati-

tudinis ac perfidiæ præiudicijs ag-
 grauatos, causam nostram ex mani-
 bus, clementis alioquin iudicis, eri-
 piat, nequicquam deprecante seue-
 rum *ψήφισμα* omnium cœlitum cō-
 fessu, quin æternis ignibus trada-
 mur cruciandi inimico vindici, cum
 canibus, veneficis, impudicis, homi-
 cidis, mendacibus, & idolorum cul-
 toribus, quibus omnibus est interdi-
 ctum nuptijs filij Dei. Non etenim
 solus incestus, sed quæuis impudici-
 tia castimoniam tollens, sacris arcet
 ritibus, nisi, quod temporis longissi-
 mi non eluit flagitium præscriptio,
 hoc culpæ agnitio, subsequente pœ-
 nitudine, Christi gratia purget, ac
 integritati restituat, arisque reddat
 idoneum. Proximum est, vt accedē-
 tes ad Deum, pietatem adhibeamus.
 Est autem pietas (vt alibi ait Cicero)
 Iustitia erga Deum, quam religionē
 dicimus, qua sublata, non potest
 stare

stare fides, humanique generis societas, suffragante Diuo Augustino, qui pietatem dicit esse veracem Dei cultum: qui esse non potest sine amore casto & sancto: quia ipse Deus sanctus est, integer, perfectus & secretus ab omni contagione turpitudinis. Ideoque tunc ipsi homines Deo propè accedunt, cum mens vacua terrena fœce, & distorquentibus cogitationibus, atque à corpore profusis voluptatibus, ut vultu & habitu membrorum, sic spiritu rebus diuinis operam dare contingit. Cæterum cum omnium mortalium vnus ac constans sit ortus interitusque, quauis cursus, qui inter carcerem & metam vitæ medius est, fortunæ beneficio variè vel extollatur vel deprimatur, postremum fuit lege sancire, ut opes à sacris amouerentur. Cuncta siquidem elementa cum sint communia, & exposita vniuerso viuen-

tium generi, & Deus ipse idem omnium sit parens ac conditor, filij sui corpus præbens manducandum, vna eadēque Ecclesiæ participatio-
 ne vnum animal rationis particeps selegit, à quo, impressa sui notitia, adorari sese ac coli voluit, vt eius absolutam expletamque omnibus numeris naturam ac bonitatem contēplando imitaretur, & seipsum ab omnibus illecebris segregando, ad eius voluntatem, se vitamque suam conformet: hoc autem, vt præstet homo, non auro opus est, aut argento, non Oriente deportatis lapillis, alijsque, quæ tellure continentur opibus; sed mente, consilio, ratione & voluntate castitatem, & pietatem exercente, ab illis ipsis rebus, quæ pretiosa vulgo, lauta ac in delicijs habentur, quā longissimis intervallis intelligentiam ac sensus auocando.
 Quia nihil horum in Deo est reperi-

re,

re, præter ipsas solas virtutes, quibus homo ei placere, & similis fieri potest. Non ergo expedit nos esse reges ac locupletes, aut honore præfulgentes ad litandum: sed eas iubemur adhibere dotes, quibus ipse, qui eas exposcit, communi nascendi conditione donauit castitatē, pietatem, munditiam, pudorem, charitatem, fidem, spem, munificentiam, & si quæ sunt aliæ iustitiæ comites. Et qui secus faxit, eum non æstimabit insontem Deus, sed vindex violatæ legis erit. Ecquid igitur nobis proderit fucus, inuersa facies, distortum collum sublati oculi, manusque, vel sphærulæ gestæ precariæ; si in labijs nata, ac desinens est veneratio? Quid mille gestus, barbatam quasi simiam referentes; si aliud ore, aliud corde erimus loquentes? &, vt habet Euangelium, si viduarum domos deuorantes, longam fecerimus orationem, quando

quando detractis religionis & sinceræ pietatis larvis, destituti harum, quas modò dixi, virtutum præsidij, vindictæ diuinæ feremus calculum, frustra adleram pœnitentiam remos flectentes. Sed ne cancellis suis nostra sese efferat oratio, cursum vnde abiuimus instituamus. Qui lautitias vendunt, gustanda quædam empturientibus porrigere consueuerunt, qua illecti suauitate, plus nummorũ impendant. Sic ego primitijs legum explicandarum exordio nostri officij instillatis, hoc opinor effecisse me, vt libenter audituri sitis progredientem ac interpretantem hoc opus. Istas leges duodecim tabularũ, à principio vna cum natura ipsa profectas esse mōstrauĩ, priusquam litteris mandatæ sunt. Cæteræ verò leges, scita, Senatusconsulta, Prætorũ edicta ac Principum decreta, ac sapientum responsa ad populorum salutem,

lutem, Rerump. ac urbium pacem
ac tranquillitatem, pro temporum
ac morum necessitate lata & recepta
ab hisce dependent, eadem ratione
ac recto iudicio mentis dictante. Cu-
ius sanè intelligentiæ ac sani iudicij
tanta est vis, vt tametsi lex nulla de
sacrificijs erat à Deo aut homine lata,
Abel tamen de primitijs gregis, opti-
mum quodque pecus & maximum
Deo Opt. Max. offerendum esse iu-
dicarit. Et quamuis homicidij nulla
foret constituta pœna, non idcirco
minùs conscientie scelere obstrictus
est Cain, qui fratrem Abel occidit,
hoc tam crudele facinus contra legē
à natura sancitam ac vetantem, qui
commisit. Post religionis autem præ-
cepta hoc propositum mortalibus
cunctis esse debet, vt quod sibi fieri
desiderant, idem faciāt alijs, cōscien-
tiæ rectæ arbitrium ubiq; examinan-
tes: quæ si turba & tempestate mala-
rum

rum affectionum diiudicare rectum non poterit ad hæscæ leges, aliâque Iuris scripti decreta erit confugiendum, & ad hominum scita, actiones ac viuendi officia dirigenda. Demû ex hoc portu anchoram soluentes, pansis linteis vela vos dare ventis iubeo, & per Iustiniani sinum, magno illi pelago vtriusque Iurisprudentiæ fartam tectam cimbam credere, hisce prælectionibus munitam instruatamque aduersus omnes scopulos, ipsamque nauseam ac tædium multorum interpretum, ac variâtia gentium statuta vsûsque dispares. Hoc quoque pacto futurum confido, vt istud totum studium, posteaquam hîc luseritis, vobis minùs difficile ac scabrosum sit futurum. Horum fontium aquæ aspersione tanquam initiati, ex priatis ingenijs vestris, omnes salebras alacriter superaturos, in me recipio. Huc ergo, Nobiles Adole-

scen-

ſcentes, animo & ſtudio vos totos addicite, atque vniuerſam naturæ vim, quam minimis prouidentia recenter formatis vobis inſculpiſit (memoriã dico, intellectum & voluntatem) in hunc laborem collocate. Hoc ipſum ſeminarium omnium virtutum veſtra ignauia ac deſidia nō ſinatis decreſcere, ſed amore præſtantiffimæ ſcientiæ, inductam caliginem erramēto primi parentis, magno niſu reſarcite: ſic apud homines gloriam, apud Deum operæ veſtræ fructum ſempiternum accepturi. Juſti enim & qui homines iuuerint multos, tanquam virens folium in cælo germinabunt.

D I X I.

O R A

O R A T I O

*Habita Dole in Doctrina Bernardi
Warchij & Heßeli Bossemij, eo-
dem die quo auctor Iuris u-
triusque auctoritatem
adeptus est.*

N V N Q V A M ego æqua in
laude Oratoris ponen-
dum esse iudicaui (Sena-
tores amplissimi, Iuris interpretes
clarissimi, cæteri que, qui ad hanc ce-
lebritatem conuenistis, Auditores)
parémque postulare prudentiã, quæ
ad accusationem in foro, vel vitupe-
rationem in concione est accommo-
data oratio, & hoc dicendi genus,
quod ad exponendas insonandásq;
doctissimorum & ad vnguem effor-
matorum virorum auribus, duorum
Adolescentum nobilium & doctrinæ
fa-

fama celebratorum laudes, dictione
cōparatum est. Illic enim ad verū cri-
men multa affert communis in vitiū
invidia, mentisque offensæ contur-
bataque peculiare odium: quæ tan-
tò tenaciùs auditoribus affiguntur,
quantò stomacho maiore, & tumen-
tioribus buccis expressa hominum
animis illabuntur. Hic verò neque
Oratoris animus plus æquo sibi in-
dulgens, valet. quicquam efficere,
neque obsequij aliquid præstare fa-
vor, quò veritatem fucatis commē-
titijque adumbret coloribus. Me-
minisse enim debet patronus in mi-
serabilium reorum periculis, homi-
nes ferè ad commiserationem flecti
sponte, nullamque esse in afflictā
fortuna partem, in quam dentem fi-
gat liuor: quippe cū & veteres ini-
mici vindicta contenti, similitatem,
si non prorsus deponunt, cettè mi-
nùs exercent. Contrà verò florentē
bono-

bonorum vitæ statum, egregiâque facta clâm mordere consueuerunt homines. Quocirca hoc mihi tantò laboriosius, difficiliusque, in Bernardi V Varchij, & Hesseli Bossemij causa obuenit orandi munus, quòd illi, & cum illis vos omnes (Auditores) neque meæ existimationis, neque fidei esse putabitis in eorum laudibus colludere: neque tot clari Belgæ, quorû nobilissima ac gratissima me cinctum stipatûmque cernitis corona, meritæ eorum gloriæ aliquid affingi, excogitarique patientur, quod si non dictum sit, vel ipsorum familiæ antiquis progenitoribus, vel illis ipsis silentij iniuriam factam esse palâm arguunt. Habet namque nescio quam contumelię speciem cælata virtus, vbi eam potissimùm clarescere oportuit. At nunc hoc sibi persuasum habet Bernardus V Varchius & Hesselus Bossemius, omne meum studium,

ope-

operam, ingenium, industriam ac laborem, consecratum addictumque esse decorandæ honestandæque veteri eorum amicitia, cuius oportunitatem Deus aliquis in hunc diem contulit, & ad exemplum pertinere voluit, quo ad Iuris utriusque Doctrinam illi, ego ad Licentiæ honorẽ recipiendum, huc conuenimus. Cuius rei memoria tantò diutius apud huius Academiæ alumnos fixa hærebit, quòd ex Belgarum diuersis prouincijs, iisdem bellorum effusi tempestatibus, fortuna huc coëgerit tres Iuris candidatos, vt sempiterno facti sui testimonio, hunc diem posteris consecratum redderent; illi docturæ suæ laurea; ego disputatione publica in eos parata & laudatione præmissa, vobis cernentibus Iuris interpretandi potestatem adipiscerer. Sed quænam esse potest in me nata cum primis elementis, vel usu conciliata
dicendi

dicendi facultas (Bernarde VVar-
 chi) quæ stirpis antiquissimum stē-
 ma, longamque maiorum tuorum se-
 riem apud Arlunenses publici Scribæ
 officio fungentium, enarrare dignè
 queat? Tu itaque hanc excusationis
 causam accipe, & si infra tuas laudes
 dictionem esse sentias, cogita eâ am-
 plissima tua, maiorumque tuorum
 præconia exiguo temporis spatio ex-
 plicanda, & verborum paucitate clau-
 sa esse, quibus accedit viriū nostra-
 rum exiguitas. Quamobrem (Audi-
 tores) si sapientissimi hi Belgæ, præ-
 claro & honorifico habito de me iu-
 dicio, hocce die mihi has orâdi par-
 tes mandarunt, æquumne est, vt, eas
 angusto humilique animo excludē-
 do, inter Arlunenses vnus, alterius
 apud Frisios familiæ honestæ, de me
 conceptam spem fallam, aut ita in-
 eptè sim arrogans, vt violata amicitia,
 & contempta patriæ charitate,

peri-

periculum effugiendo, eorum causæ
hoc potissimum tempore ad laudē
sempiternam augendæ, inc subdu-
cam? Est itaque Bernardus VVar-
chius Arluni natus, quod oppidum
est in Ducatu Luxemburgensi per-
celebre, ex ea familia, quæ cum ipsi-
s vrbis mœnibus vetustate ceter, in
quā per omnes gradus agnationis,
officium publici Scribæ perseuerat,
tanquam gentile, pari fide & auctori-
tate: tanta certè integritate, vt etiam-
num hoc tempore penès eius patrē
idem munus perdūret. Is cum diuer-
sos ex coniuge suscepisset filios, hūc
satis agitatum Grammaticæ cunis &
exercitatum Dialecticæ disputatio-
nibus, ad explicandum eius artis la-
byrinthos omnes, ad Iuris studium
Louanium misit: deinde Coloniam:
hinc Ingolstadium: Spiram quoque
ad augendum varia cognitione ani-
mum, profectus est. Cui desiderio
cūm

cùm satisfecisset, & ad Iuris fastigium peruenisset, hanc Academiam elegit, in qua lauream Iuris nancisceretur: tum quia in ditione inuictissimi Hispaniarum Regis est sita, tum quia à bellorum tumultibus lōgè est remota, fidâque inuenta est extra seditionum ac discordiarum Belgicarum tempestates, statio. Hic est ille Bernardus V Varchius sancto ac graui parēte natus, quem & ille præ cæteris liberis diligit, quem maximè idoneum iudicauit, qui maiorum suorum vestigia calcando, non modò laudabiliter, & integriter vitam agendo, patriæ utilis esset futurus ciuis, & suis propinquis honorificus necessarius, sed qui claritudinis facē præferret, qua reliqua posteritas illustrioribus accensa radijs, ad altiora gradiendum viam apertam micantēque intueretur. In huius vitæ probitate sedatis moribus excellēti-
que

que virtute ad sempiternam gloriam
tendenribus passibus, illa Iacobi
VVarchij canities ac senectus efflo-
rescit: hac fama atque existimatione
summâque laude filij, pater, velut
participante adolescentiæ calentis
sanguine, ætatem agit floridam, at-
que hoc Atlante nititur. Ecquid
vos, clarissimi Professores, purpura-
tîque patres Amplissimi, qui quem-
que nostrum ex longinquis oris huc
appellentem, oculis vestris notare
soletis, & considerare quibus utimur
interiore amicitia, ex vultu incessu,
capillis, colore, cæterisque corporis
lineamentis, ac statura ipsa, ex ser-
mone, disputatione, actione, assidui-
tate studiorum, iudicare consuevistis
quis Adolescens vobis apparet Ber-
nardus VVarchius? An teter aspe-
ctus ignobilem, ac truculenta facies
inamabilem vobis exhibet capite
Gorgoneo? Nihil mehecule tale
E cer-

cernitis. Quin plana & exporrecta frons, mentis intus benè consciæ testimonium perhibet, probitatisque certissimum indicium. Non cælato-rem callidum, versutum, veteratorē, fallacem, sed ingenij recti, aperti, liberalis & iusti adolescentis signa cernitis. Atque vtrumque eius oculorū benignum sedatūmq; lumen, quantam animi maturitatem ac verecundiam præsefert! vt ex hac summa capitis specula totius corporis clauum gerentem mentē prouidam & custodem datam, diuinare quiuis facile possit; adeo non pœnitet cū egregia forma esse natum, cū & illa suum habeat omē, vt ait Porphyrius in Categoria de specie. Non enim temerè summi Philosophi, rectricem animā in oculis habitare, dixerunt, & ex eorum habitudine mentis malaciā, aut horrēdas tempestates portendi. Venio ad famam atque existimationem
quam

quam adolescentia summo cum pudore atque castimonia peracta apud tam varias, quibuscum agit, gentes ac populos peperit. Hoc genus laudis ego si taceam, si nullæ exstant tabulæ (exstant autem frequentes,) loquitur summa eruditio, quæ sine assiduitate studiorum, magnâque vigilantia comparari nequit. Et quàm feliciter & fortiter citra omne naufragium pudicitia, Sirenum præternavigando scopulos, ad hunc portum enavigauerit, argumento est tam variarum disciplinarum peritia ac fidelis memoria. Doleo à tempore reuocari orationem meam, non patitur breuitas, me meo cursu uti, cui, quâuis inuitè, mos gerendus, ne cæteris actionibus constituta dies, hac prædicatione eximatur. Ideoque in Hefselij laudatione imitabor sedulam apem, quæ mâne ad pastum euolans, & ingreuentem metuens tempesta-

tem, reperta pabuli copia, summa
quæque delibatur. Est namque Hesse-
lus Boslemius apud Frisios honestis
ortus parentibus, quorum tamen si
non fuerunt possessiones amplæ, cu-
ra tamen & sedulitas in erudiendo
filio fuit maxima. Embricæ omni ge-
nere earum literarum, quibus homi-
nis ingenium exornari solet, doctis-
simis vñus præceptoribus, est instru-
ctus. Hinc Louanij, emenso Philoso-
phiæ curriculo, studij Iuris funda-
menta iecit, Coloniae auxit, Duaci
maiora incrementa addidit, & de-
mum peragratis multis Germaniæ &
Gallo-franciæ urbibus, Dolæ colo-
phonem imposuit. Sæpius vos acu-
tissima argumenta spargentem audi-
uistis, & disputationes sustinuisse ma-
gna cum laude, adeo ut mea oratio-
ne, ea, quam apud vos adeptus est, e-
ruditionis summa fama minimè cre-
scat. Nimis breui orationis curricu-
lo

lo tot prætermiffæ laudes sunt circū-
scribendæ. Equidem fi quis laudare
eius prudentiam folam vel fortitudi-
nē prædicare in aduerfis, & fubduâ
anchora lōgius à continēte & portu,
paffis velis, vt dignis encomijs virtu-
tem extollat, dicēdo ferri velit, nul-
lum finem habitura eft oratio. Qua-
propter mihi temperando, hoc vnū
addam, non vulgares viros, vtriusque
regionis genium, ad nos miffæ; qui-
bus nescio an plus ipfa hæc alma A-
cademia debeat, quòd eam præ om-
nibus elegerint, à qua Docturæ infi-
gnibus donari cuperent: an verò il-
li ipfi, huic Academiæ, quòd eos in
nobilium litteratorum ordinem ado-
ptare dignata fit. Ceterum fic statui-
mus, quòd hæc amantiffimum fuum
partum nullo tempore obliuioni tra-
det: illis verò ampliffimi honoris e-
largitrix & auctor nunquam excidet
Dola: fed hoc ipfum beneficium per-

petua recordatione exosculabūtur. Iccirco te, Cancellarie, in primis obnixè rogo, vósque Professores obtestor, vt hoc honore non grauati eos afficiatis. Quippe cū hoc vestrum præ ceteris omnibus voluerint esse officium; in super & hoc munus à vobis poscit tam longinqua profectio: hunc diem tanquam natalem in hac potissimū ciuitate celebrare desiderarunt, vt huic Academiæ tantū deberent, quantū naturæ solo, quod ipsis viuendi dedit principium, & fortè tantò plus, quantū corporea, mentis cultura pretiosior existit.

DIXI.

*Finis Orationum Iusti Iudoci
Deculeonis.*

IVSTI IODOCI
 DECVLEONIS
 CORTRACENSIS
 EPISTOLAE.

aliquot.

IVSTVS IODOEVS

Deculeo Anthonio Murino.

S. D.



PI SCOPVS Ver-
 cellensis cum fami-
 liaribus, quorum nu-
 mero me adoptavit,
 ex ciuitate in mona-
 sterium Francisca-
 norum mendicantium secessit in ip-
 sabrura : credo, vt saluatorum &
 deductorum quotidiana officia, qui-
 bus

bus à negotijs sæpe auocatur, declinet. Eadem est hîc, quæ in vrbe, viuendi & dormiendi regula, in qua se vbique ducem præbet: neque ipse quicquam vel decernit asperius, vel flagitat importunius à nobis, quod ipse auctor, vel accuratiùs vel citiùs nō confecerit. Quin plerunque suos cubicularios, excubitor ipse vigilantior, è somno voce sua anteuertit.

Duodecim numero Adolescentes sumus & totidem quibus vehimur equi, habitu pullo ad domesticæ religionis formam composito: vnus Anthonius Carisana, est sacris initiatus, qui antistitis nostri est sacrificus & amanuensis, tametsi vicarij opera non vitur in sacris, nisi grauiore premente morbo; quippe cū ipse, non nisi sacris operatus, accumbat. Eius erga me charitas est summa, meaque opera vitur in vertendo suæ legationis, qua fungitur pro Pōtifice

tifice Romano per diœcesim No-
uarrensem & Comensem, rationa-
rio, ex Italico sermone in Latinum.
vale, Vercellis. CIO. IO. LXXVIII.

LAVRENTIO STRATIO
S. D.

NIs i probè mihi cognitus ef-
set animi tui candor ac probi-
tatis perspecta integritas, ego tuas
litteras styli habere nasû suspicarer.
vel certè egrè ferrem te in me laudā-
do modum excedere, tametsi id fa-
cis venustè & eleganter, sed tempe-
rare facit amor in te meus & chari-
tas non ficta, cùm tu mutuis officijs
adfueris semper, non possum adduci
in finistram opinionem. Etenim cū
me à te diligi gratissimum sit & à te
laudari honorificum; ita tamen mo-
dicè exsequendum est, ne veritatis
maior quàm obsequij ratio habita
E s esse

esse censeatur. Amandi magna est libertas: amorem verò omnitempo-
re & vbiq; locorum & apud quos-
vis & quacumq; oratione exprimen-
di, non eadem est facultas, & si facul-
tas, non par gratia. Rursus non ita
moribus sum agrestis & incultus vt
amicum laudantem auerfer. Sed ma-
gnam video mihi impositam prouin-
ciam, dum equis velisque eò tende-
re debeo atque eniti, vt talis euadam
qualem me esse tuis litteris & frequē-
ti sermone prædicasti, neque erit in
posterum viuendi, morésque obser-
uandi molesta conditio, dummodo
quantum profecerim, meliórque ef-
fectus fuero, non pœnitebit, si quæ-
re buccinatore fuerit bene viuendi
facta alluuio. Pudore & dolore affe-
ctus sum, posteaquam vidi Professo-
rem illum librum, ex quo suis audito-
ribus prælegebat, compactum abie-
cisse, cum ego eius audiendi & salu-
tan-

tandicupidus, tanto silentio astiterim auditorij cancellis, quanto Narcisci monumentum frequentari dicitur in Bœotia. Verebar ne in me bilem euomeret. Optabam eellebori poculum ad manum habere, quo eius morbi subitum incendium exstinguerem. Quid enim aliud agam, quàm ridere otiosè in portu, tempestate ereptus, cucullato tonante Ioue Vale. Vercellis. III. Cal. Decemb. CIO. IO. LXXVIII.

E I D E M.

E piscopus Vercellensis statuta Diœcesana imprimenda curat, & me archetypo præfecit. Huic operi tres penè ad desperationem infudamus. Auctor id volumen vult quàm minimis characteribus excudi: credo, vt, cùm sit amplo exuberantique oratione ab ipso scriptum,

E 6 ad

ad circumferendum tamen fiat facile, angustè pressèque clausum. Typographus est vnicus in hac ciuitate, & is Gallo-francus & Latini sermonis ignarus, & iracundior Adria. eius insaniam auget frequens ebrietas, quod fastidij nostri caput est. Singulæ paginæ à typis uvidæ, erroribus à me notatis, rursus ab auctore recognoscuntur, attamen frequenter est quod vtriusque nostram limam euadat mendum. Vnde quotidie, imò penè in singulas horas cum homine cerebroso & ebrio, mihi est paratum bellum: dum ille tantisper superfedere irascitur, donec erroris notæ corrigantur ad exactum Episcopi iudicium, ne penetrent per cuncta exemplaria. Aliud malum est, quòd festinanter cupit absolui totum ante tempus legationis in Heluetiam: unde vereor, ne tumultuosior opera abortum sit paritura. Sic semper aliud

im-

impedimentum efficit, quò minùs, uti statueram, inuisere te possim, non committam tamen, si me expediero, quin te visam. Vale, Vercellis.

III. Id. Maij. CIO IO. . LXXIX.

E I D E M.

Quartus dies est à discessu nostro: & id omne tempus datum est prouinciali Synodo habitæ à Cardinali Boromæo cum octodecim Episcopis. De huius Archiepiscopi pietate summa, multa audiueram, cumque obiter salutaueram, cum Mediolano Vercellis Taurinum versùs, iter pedes caperet, paucis comitatus familiaribus, ad venerandum sacrum linteum. Sed nunc interiore notitia & alloquio, hospitio & mensa, cognoui supra famam esse quæ audiui & vidi. Hinc erit iter in Helvetiam. Comi si moram traxerimus, de
sta-

statu meo ad te scribam. Nescio ante
posthac videbo. Si te contingat in
Belgium euntem, Cortraco iter fa-
cere, de me parentibus narra omnia
prospera. Vale. Mediolano.
CIC. 10. LXXIX.

IACOBI VVILFVGLIO

Sacerdoti.

QUod pro summa tua in me hu-
manitate atque amore, quo me
diligere voluisti, debeo, præsto offi-
cium litterarum, simulque meam fi-
dem liberare enitor; hominisque, istâ
tuam charitatem mutua dilectione
pensantis, hoc primum argumen-
tum edere conor. Badæ adhuc resi-
demus. Conuētus pagorum Helue-
tiæ tardiùs peraguntur, magno tædio
Legatorum, qui hîc ex multis regnis
& Rebusp. adsunt. Interim omnes,
quibuscum intercessit mihi negotiû
aut

aut colloquium, amicè tractant & officio salutant : etiam ij qui religione dissentiunt; vel quia aliquid in nobis est non astutum, quod eam benevolentiam mihi conciliat : vel abiecta (propter gentilitiam cognationem & linguarum germanitatem) sinistra opinione, interiùs & liberiùs sese mihi insinuant. Hæc tamen officia mutua, modicè à me tractantur, ne consuetudo popularis odium apud nostros mihi creet, cautioque adhibetur, ne quid ineptè, aut intemperanter, contra decorum eius loci atq; existimationis, qua apud Legatum vtor, committam, & proinde vituperetur ministerium nostrum. Et sanè in hoc genere virtutis, dum studium ac operam pono, ne hæc iuventus me præcipitet in aliquod dedecus, hoc præ oculis statuo, eam labem ad me, meosque parentes non modò perrepere, sed ad iniuriam nostri

nostri legati ultra spectare? Tametsi enim eius proprius lapsus sit, qui virtute excidit, ea tamen infamia aberramenti ad eum progreditur, cuius auctoritate fulcitur, qui offendit. Nō enim, quemadmodum parentibus filij obtrungunt & necessario habentur, sic ego lege naturæ in hanc familiam sum adoptatus: & qui domesticum tolerat probum, eiusdem videtur probator, quia negligenter corrigit, & famam suam, alioquin integram, culpæ alligat. Ad extremum, hoc reliquum est, summam tuam humanitatem pro honorario habeo, habiturusque sum, donec viuam, & quocūque officij genere remunerabor, efficiamque nedum ut verjuram fœneratō faciam, sed æris tui nexu me expediam, si obsequijs huiusmodi solutionem statuis fieri posse. Vale. Badę. Nonis Augusti. CIO. IO. LXXIX.

E I D E M.

Quantum ego tibi debeam, sentio equidem, propter egrægiâ tuam in me ainando charitatem. Tuus enim & tui similium amor, me dolorum & grauiſſimorum patriæ caſuum, ſi non obliuiſci, atque prorsus exſtinguere memoriam facit, certè de ſolito pondere & grauamine aliquid demit & præſentis temporis acerbitate percuſſum animi ſtatum, ad moderationis, rationisquæ æquilibrium adducit. Et ſanè ſecundum Deum, cuius numine vbique propitio uſus ſum, non video, cui id acceptum maximè referre debeo, niſi literis & morum ſimplicitati, quæ iſtus tuæ prudentis ac ſapientis gratiæ eſt conciliatrix. Equidem hoc negotium, quod mihi commendas, ita erit cordi, ut nuſquam meam fidem
vel

vel studiū defuisse expostules. Hoc etiam nomine Episcopo nostro gratum futurum confido, quòd, cū te propter non vulgarem doctrinam & probitatis existimationem, quam apud populum tuum tenes, diligit, me ad eius viri commendationem applicuisse, qui suæ integritatis iam opinionem obtinet. Quæ de inhospitalitate eorum hominum, quos honoris causa, & offensionis metu taceo, submersæ, vt scribis, sic gesta sunt, eam sane Belga quidā culpā ex eodem ordine & familia, verbosius priuatim vsq; ad lacrymas purgavit; Rectoris solitudinem prætexens, in quo ciuilioris vitæ desideratur urbanitas. Tanta tamen mansuetudo Episcopi nostri ac moderatio existit, vt nihil inde offendiculi vulgo obiectū sit, quod sermonē dederit hominibus in ea regione, vbi multi aversa fide viuunt. Vale. Lucernæ. 1579.

E.L.

EIDEM.

GRavius ad me scribis de Schafu-
fianorum illata contumelia, quā
se res habet, neque quisquam ex co-
mitatu ad conuicium aut iniuriam
retulit. Siquidem ab oppidanis, qui
fide à nobis dissentiunt, nedum ho-
noris aliquid exspectabamus, ne mo-
ram quidem trahere cōstitueramus,
quia non sunt de Christiani Pastoris
ouili. Oppidum tantum perequita-
uimus, & sanè properanter: scis enim
quàm nusquam cessare permittat is
cui paremus. Quantum ego præter-
uectus, per nebulam audire potui,
arbitror quosdam stupefactos specie
aut clamore mulorum, quos asinos
esse autumabant. Alij magis insana
admiratione capti, simile hominum
genus, quasi pro monstro aut lemu-
ri-

ribus habere: opinor, quia pullati omnes, & nullus erat, qui gladium aut armorum cæterorum quid gestaret. Tertij suo idiomate nos *Phaffen* vocabant, & hi rationi maximè consentanea iudicabant. Vides quàm nulla sit offensio vel iniuria, quæ publicam postulet querimoniam. Cum nos *Phaffen* appellant, audiuius nō grauitè, quod non sumus, tametsi de habitu arbitrentur. Cum mulos nostros, asinos appellant, quale hoc est conuicium, quod inter animalia ad tribunal Leonis ventiletur, cum asino patre nascatur mulus? Itaque cum nemo sit, qui se inscribat aut accuset, me deprecatore periculi non egent Scafusiani temerè perciti, Apud te tamen (mi V Vilfugli) considera quis vsus sit futurus eius scloperì, quo me donare voluisti, hominem animo tam tranquillo ac securo, cuius etiam gestatio æquè ut ac-

ceptatio est interdicta. Neque, si liceat auctoritate eius, qui nos inermes esse voluit, ego qui irruentibus bellis, patria excessi, cōmittere non debeo vltro, vt me armis onerem, quorum tractationem neque didici, & ne discere cogerer, fortè contra meum Principem abutendo, orbatum rebus carissimis mea me fortuna huc adduxit, vbi docemur equitare sine gladio & pera. Summa hæc est, quod mihi gratissimum & iucundissimum, quòd ego persuasum habeo me omnino ab te amari: ne hæc opinio me fallat effice, paria à me accepturus. Annæ sorori tuæ officiosè salutem dico, & te benè valere opto. Tugij. CIO. IO. LXXIX.

E I D E M.

FAcilè adducor, vt credam Abbatia profanis hominibus, quos ego
go

ego, ibi vidi, professionibus & facultatibus monasterij præfectis, fucum fieri, fidemque pronam, quam eorū consilijs adijcit, eius existimationi derogare, nedum eris iniuriam irrogare. Et fortè temerè perculsus fuit eorumdem hominum sermone & ipsorum persuasionibus ad talem sensum perductus, vt opinaretur vehementem curam restituendæ vitæ Ecclesiasticæ, quæ in Nuncio Apostolico prædicatur, asperitatem esse, omnemque quæstionem ad exturban- dum ordine spectare: magnam eius eruditionem ad cōtemptum eorum, quos minùs eruditos offenderet, nōsque domesticos externos suspectos tāquam sinistri ominis viros & regionis Italicę, ex qua profecti sum⁹, solo augurio Germanicæ simplicitati timendos. Atque hoc fine consilij factum esse arbitror, quòd morbum simularit, ipsūque Episcopum ægrè in

in colloquium adiniferit suam præ-
texens inualetudinem: tantum po-
tuit apud humilem, demissumque a-
nimum, quamuis pietatis non me-
dioeris, non prudentium hominum
auctoritas. Equidem quorum modò
imprudentiam, nunc improbitatem
licet appellare, quia vultu inamœno
& tetrico & moroso infensi nos ob-
servabant. Quin & ad equos nostros
eorum inhumanitas spectauit, pabu-
lum corruptum exhibendo. Ex qui-
bus sanè is equus, quò ego vehor fe-
liciore fortuna, propter vectorem
Flandrum, usus est: cæteris ad præ-
sepe in summa inedia, fœnum appo-
situm fastidiētibus, cum meus, quòd
sibi erat oblatum, odoriferum, aui-
dissimè in aluum demitteret. Me
quoque ipsum multa vrbanitate ex-
ceperunt, ad commestationes non-
nunquam inuitando, poculâque mâ-
ne absynthitæ largiora. Hanc tamen

in-

in signem Abbatis culpa illatam iniuriam sine aliqua querimonia pertulit is, cuius potestas erat legationis honoraria postulare. Huius monasterij situs est amœnissimus plurib⁹ de causis, quam Epistola claudere queam. In medio Rheni fundatum est, non procul inde, ubi per salebras & saxa præceps is fluuius magno fragore & spumantibus undis cadit. Supra, extra insulam, in continente est oppidum, olim (vt fama est) per amplum: nunc muris orbatum. Id per descensum, ponte tribus arcubus fulto, monasterio iungitur. Neque temere Rheniamœnitas appellatur, quam si non vidisti, ultro, quamuis libris affixum, ad profectiorem compellere potest. Vale. Constantiæ. c15. 15. LXXIX.

Apo.

Apostata cuidam.

MEam, an Collegæ culpam imprudentiam, an tibi benè precer, nondum satis constitui. Siquidē non oleum modò & operam (vt aiunt) perdidisti, sed meipsum in magnum discrimen vitæ, irridenibus rusticis, adduxi. Illum ipsum pagum, cuius tu Parochus es, quia signum salutiferæ Crucis in apice præsefererebat, religionis orthodoxæ obseruantem existimauimus, & ad hoc signum, tanquam ad pharum, iter direximus. Cum extra viam publicam deflectere nequiremus, vndarum ex repentinis imbribus collectarū impetu, penè obruti sumus. Per inæquales vortices sequebamur quendam Heluetium, equo alto & robusto vndas secantem, veluti locorum peritum. Verùm quia equi nostri erant

F

hu-

humiliores, nō modò longè nos antevertit, sed ex oculis, conspectūq; abiit, priusquam nos flumine expediremus; in diuersa latera sese voluentibus equis nostris, & modò illuc vadum explorantibus, cū sepe numero vltra aluum voragine haurirentur, natatus impetu cœnum fregerant, lorisq; solutus meus ferebatur à *μυφίβιος*. Eminus cōgregati, tanquam ad spectaculum rustici, non sine cachinno, excipiebant. Quæ sūma erat tam infortunatæ delegationis, vbi mandata exposuimus auctoris nostri: tu quem Catholicum sacerdotem opinati sumus, Sardonicum mouisti risum. Deinde à te in templum intromissi, viginti circiter ligneos offendimus calices abiectos negligenter post basim & inter rudera veteris altaris, in quibus plurimis telis texuerunt araneæ. Quam indignissimam profanationem loci, abomi-

mi-

minatione conspicati, de fide, viuendi quæritu te interrogauimus, vbi illico protulisti Cathechismum Calvinianæ hæreseos, cuius placitis tu tamen minimè à te subscribendum iudicasti. Hîc paucis ego te cùm interrogarem, qua fronte, ea quæ tu in umbratili minimè probas, pro fidei Christianæ anchora doces? Respondisti in hæc verba, extensa ad rusticos manu; Isti volunt sic. Agedum bone vir, quid voce hac à te excogitari potest maiore perfidia? Hoc demum est verba pro farina vendere. Cur tu plebem falsa doctrina deuinctam retines. Cur te eius religionis doctorem profiteris, cuius tibi dux est turbæ agrestis? aut quare tu, qui Catholicus audire vis, communitatis ab Orthodoxa Ecclesia secedentis intercessionem metuis? Iam non audis vocem in throno sedentis te appellantem, Utinam esses calidus, aut frigidus!

scio opera tua, quia neque frigidus es, neque calidus: quia tepidus es, incipiam te euomere ex ore meo. Igitur quia diues isthic es & locuples, ad aurem loqueris. Quis ex non amentibus istius cōsiliij iudicium probabit, Offendimus & alium tui similem chamæleonem, cui cūm Apostolica auctoritate interdiceretur concubinæ cohabitatio, ille planè respondit, se non id probaturum, sed poti' deserta plebe Catholica ad Hæreticos abiturum. Quod possum præsto, moneo vt respicias, quibus honoribus excidisti, tecum mediteris ac cogites quid intus sentis, reclamante Christianæ ac veræ religionis disciplina & conscientia, quæ cum facto tuo dissentit, ac dispar contendit. Vale. Syluanix. xi. Cal. Augusti CIO. ID. LXXIX.

Geor-

Georgio Vißsingelio.

I Oannem Vißsingelium nepotem tuum, auditorem meum, iuvenem propter morum probitatem & in litterarum studijs ardorem magnum, mihi charissimum, commédare nihil opus est. Ipse enim quanti apud me sit, quotidie experitur, neque puto in eo amando me à te vinci. Sanguinis enim propinquitate tu ei patrius es, ego dum eius ingenium, mentémque ad præcepta liberalium artium formo ac dirigo, vitæ benè sapiéntérque agendæ dux sum, & parens alter. Et sanè quemadmodum matres patribus blandiri solent ad communes liberos amādum magis, naturam amorémque accendere, alioquin propensissimum, dum suam effigiem, formámque in ijs expressã contemplari iubent: ita ego, tametsi

omnes, qui in meam disciplinam sese dediderunt, vehementer diligam, Ioannem tamē Visingelium præ cæteris in oculis gero, propter eximiam erga omnes æquales modestiam, & erga me obseruantiam, in Deum pietatem, & religionem orthodoxam, qua & ego gaudeo. Hæc summa sit, quia vrget tabellarius, eum mihi ita esse curæ, vt quem vnicè diligo, meque eum ita amare, vt isti patrueli amori neutiquam cedam. Vale. Bisontio, c. 15, 15. LXXX. IV. Non. Ianuar.

CAROLO GOSMARINO

S. P. D.

VEnit ad me nudiustertius Maricotus tuus expostulatum iniuriam grauem à me factam Ioanni Hūgaro collegæ meo. atque ita eius causam egit, vt non modò ad reprehensio.

hensionem omnia eius dicta tenderent, sed præter molestiam quam afferebat, ita nullum vociferandi faciebat finem, ut eius iurgatio ad contumeliam apertè spectare videretur. Rogavi, sobriè ac seriò, an ioco indigne à me factum exclamaret: ego ad voluntatem Hungari, ita meam confirmo & ad eius utilitatē me adiungo, ut eius existimationis & commodi ubiq: rationem habeam. Mutuis inter nos certamus officijs: simultatis nullū unquam fuit vestigium neq; in accubitu neq; in congressu, neque in cathedra, vel tantillum eius pristino honoris vel ex asse, vel ex parte detrahitur. Cū hoc docendi munus publicum mihi proponeretur, cum appensione dimidiati stipendij, ego eam stipulationem promisso obsignare nolui, priusquam eius animum pertentarem. Ipse apertissimis verbis respondit, hoc partitum onus

mecum, non modò sibi molestum non fore, sed periucundum ac gratũ: seque mihi multum debere professus est, qui laborum alteram partem subeam, stipendio ipsi manente integro, ac decessum iam pridem meditantĩ ante ingressum meum. Si ambitionem parat, sanè successor opus est; si manebit, equidem maiore oneris parte leuabitur, sine vllò suo dispendio. Hoc non velle planè inopis consilij est. Rursus si successorem vel socium postulat, quem potius expetere debet, quàm eum qui studio, beneuolentia, amore, omniq̃ue officij genere eum persequitur. Si autem subirasce statuit, is ego omnium hominum sum minimè cui succensere debet. Verùm quod coniectiõne augurali assequi videor, illi vt multis alijs vsu venire potest, vt iactato & præmeditato discessu, quãdo is pro foribus est, quæuis tamen
mora

mora gratior sit, lentâque ducatur
pœnitudine: quæ cùm fastidium pa-
riat, nihil mirum, si morosior, nunc
me, nunc alios suæ ægritudinis incu-
set. Neque incredibile est nonnullos
esse, qui inter nos dissidium quærunt,
quorum pestiferis palpationibus, si
is aures præcluderet, ut ego ijs forti-
ter constantique fide resisto, instituta
nostra amicitia nunquam labasce-
ret. Attamen nescius non sum ex a-
more homines multum mutari. Ac-
cidit nuper, quòd me (qui sum ho-
mo planè incallidus) ad eam duxerit
domum, ubi moratur ea puella, quã
uxorem ducturus dicizur, prorsusq;
interrogaret, quid sentirem? dixi;
liberalem faciem, sed corporis statu-
ram breuiorem: mores videri non in-
fuaues: opinatus me spectatorem de
forma interrogari, non de maiori-
bus aut censu, quæ me fugiebant. Il-
le tam fidelis amici extortum respõ-
sum

sum puellæ retulit, atque hoc est, quod ipsa nunc irascitur, tempestates ciet, sponsumque in me accendit. Ego, qui Martem armatum fugi, ne eius hymenæo bellum facere cogerer, Palinodiam cecini,

Si brevis est, non despicias; brevis ipsa voluptas:

Fortè nec in longo est corpore longa magis.

Reliqua non scribo, ne existimes me cum homine non sapiente ad eandem insanie restim choreas ductitare. Multæ opiniones concurrunt, nullatamen solida causa est, quæ in mentem venit cur ego illi in suspicionem veniam, sine cuius voluntate ad prouinciam non veni, & postquã veni omnibus officijs amicitiam eius colui, ab omni dimicatione semper alienus exstiti, & ne vllam quidem illum ipsum desiderare autumo. Cæterum illorum improbitas, qui præ-

ci-

cipuꝛ nobilitatis auditores communes in me excitant, mihi grauis est & molesta, quæ ad ignominiam procedere videtur, cuius sum magis impatiens, quàm damni illati. Superiores rumusculos omnes vnius æstimo assis aut minoris. Ego grauitè & cōstanter meam auctoritatem inuolaram esse volo. Qua in re, vbi in posterum sinceritatē meam ac submittentem sese rationi animum habuerint cognitum, desinent maledicere, atque ex moderatiore disciplina per me restituta, vberiores, præstantioresque ipsi, parentesque eorum fructus capient, magnoque laudis fœnore ad me reuertetur, ad modicum tempus tolerata calumnia eorum, qui me iniucundum aut seuerum dicunt, vbi clarior, notiorque erit explorata mentis meæ integritas. Te autem iucundissime Gosmarine, pro mutua amicitia, parique litterarum

studio, rogo, obtestorque, vt me in-
 quilinum aduersus huiusmodi varias
 obtrectationes tuearis atque defen-
 das, tantique sceleris auctores, qui
 meum Collegam voluntate seiunge-
 re nituntur, si quos offenderis, pro
 re nata, iudicioque tuo, consilium
 mutare facias. Vale. Bisontio. C I D.
 10, LXXX.

Guillelmo Placentio.

DE rumusculis isthuc afflatis
 de migratione mea, nihil lit-
 teris hoc tempore committere sta-
 tui. Quid sit, tu sentis, qui politus &
 ad vnguem factus homo es. Nolo ta-
 men propterea existimes, de pristino
 amicitiae foedere aliquid esse remis-
 sum, vel tuam fidem in dubitatione
 venisse; sed cum nihil adhuc explo-
 rati habeam, ægrè patior ex affirma-
 tione spem, vel ex hæsitatione solici-
 tudi-

tudinem frustra capere tuam erga me restibilem caritatem. Ideoque in præsentī nostræ coniunctioni satisfacere videbor, si tibi gratias agam maximas, quòd exploratum habeā, te amicitio rem esse meę salutis & honoris, quàm expectare aut sperare ausus fuerim. Rectoris animus, qui erga me semper fuit liberalis & benignus, in dies fit beneuolentior, Collegij & Ciuitatis amœnitas, cœlique clementia magnoperè reficit. Et sanè, quem situm vr̄bis natura ad habitādum homini exstruxit gratiorem, aut quis loci genius defatigatis animis quouis labore, ad reponendum accommodatior? vbinam delubra tottantisq̃ue nascentis religionis vestigijs inclita? quam si hominum vita morēsque deformarint, petre ipsæ, structuræque sacrarum ædium pri-scæ simplicitatis æmula, integram efflare nusquam cessant? Hoc spec-
tacu-

etaculo me sapenumero pascō & solitudine campi Martij, & murmure præterlabentis Dubis & obiecti Dianæ montis, abstractus à vulgo cogitationes reuoluo. Hoc ad te scribo, vt non temere credas me hanc sedē libenter mutare. Vale. Bisontio. c. 10. 10. LXXX.

Ferustio Bergerio.

CRebris & non obscuris nuncijs ad me perferebatur, meū prouincialem Dola migraturum, eaque occasione cœpi inire consilium, animūque ad primas docendi partes appellere, fultus atque filius maximè indubitata eius amicitia, quam commodissimam arbitratus sum ad sterrendam in ea petitione viam. Dein bellorum casus, eadem temporum malitia, incolas Burgundiæ fecit. hostium patriæ exosi causam, sponte extor-

torres ambo. His accedit studiorum similitudo, hæc eandem docendi prouincia, in qua hîc versor, eius antea pressa vestigijs, hæc cathedra prius illustrata doctissimis prælectionibus eius, multaque alia fidem fecerant, eius amicitiam non anxie esse implorandam, sed sponte paratam promptamque fore. Quapropter paucissimis verbis ad eum scripsi, ut si uxorem ducturus, relicta Dola Ledesonerum cogitaret aut quauis alia causa ea conditione amplius uti nollet, ex ipso scire possem. utrum ea, quæ frequens fama ferebat, veritate niterentur prorsus placere & cupere me per eisdem gradus ad honoris apicem scandere, atque in ea contentione & turba competitorum, eius consilij uti. Hisce meis litteris nihil amplius respondit, quam si parem doctrinam huic muneri præstare me posse considerem, ei demicationi
me

me accingerem. Quo responso magis accensus sum ac inflammatus, ut altius volarem, & ad destinatam laudem & gloriam adipiscendam omnem curam ac industriam (etiam cum existimationis meae periculo, si repulsam paterer) cogitationesque collaturus. Equidem cum antehac leuiter admodum conditionem mutare, & Dolam discedere cuperem: nunc eius litteris, propemodum fastidiosis, id ipsum fortiori animo contendo. Quid enim hoc aliud est, quam non dissimulater non modo abijcere amicitiam, sed obscure in super iniquum esse, cuius diligentiam, amoremque tot vinculis astrictam, omnem meam spem, expectationemque superatam putavi? vel quouis iudice in amicitiae offendit officiis, qui cum coniunctissima rei bene gerendae habeat auxilia, non tantum nihil pollicetur, sed ut lenissime dicam, homi-

mi-

minem sibi amantissimum fastidit. Absit tamen, quòd stomachum mihi faciat, aut impetum frangat, tamen si hæc contentio non mediocresturbas secum mentis afferat. Nam si palam factis meis conatibus frustra illius professionis arcem tentauero, & alium Academiæ Dolanæ pulpita calcare contingat, nōne tibi magnum æstimationis naufragium hîc comparatæ fecisse videbor? Ne tu, si quodcumque in horto nascitur Nepenthes toto dolio Arbosiano temperatum propines, solitam mentis hilaritatem reducas. Rogo per tuam amicitiam, quæ in omnibus meis actionibus adiutrix fuit hætenus & consiliatrix, quid de hac mea voluntate sentis, ad me perscribas: te enim huius negotij gerendi clauo præfigo, qui diiudicare potes optimè, qui & vitæ & ingenij nostri vires perspectas habes. Vale. Bisontio. c. 15. LXXX.

EI.

LVDOVICO LAVTIO.

Verustas nostri amoris postulat
quæ ab eo tempore consuevit,
quo iisdem præceptoribus in studio
Philosophico Louanij vñ sumus, &
mensa, & tecto, & status rerum Bel-
gicarum, & temporum cursus, fortunæ-
que communis conditio, quæ te mi-
hi successorem parat, hortatur, vt ti-
bi id gratuler, qui magnitudine in-
genij semper præcelluisti, nunc in re-
lictam à me prouinciam gloriæ suc-
crescendo, per mea vestigia vocari.
Tibi sacris initatio, vel ad sacerdo-
tium pergenti, Bisontium est magis
commodum: mihi autem Iuris stu-
dium postlimino repetenti vberio-
res fructus promittit Dola. Ibis ad
ciuitatem amplam, liberam, Impe-
rialem, antiquam, Commentarijs
Iulij Cæsaris celebrem, & Romano-
rum

rum habitatione illustrem, & paulò post tempora Apostolorū Christiana fide imbutam, & inde ijs templis & aris ornatam, quæ anum Metropolitim decent, & adhuc retinet: unde Basiliensem, Gebennensem, Losanensem, & Heduensem Ecclesias peperit filias & neptes. Hic tibi est Capitolium tribus portis in vrbis planitiem descendens, quarum media adhuc retinet auratam arcus triumphalis formam; ab altera parte, quæ ad meridiem est Tarpeia surgente rupe. In summa planitie Ecclesia S. Stephani, vbi bis quotannis monstratur vnum ex linteis, quibus inuolutum fuit corpus Christi. In decliui intra portam triumphalem, Ecclesia est S. Ioannis cathedralis & Archiepiscopi Basilica, qui nunc est Cardinalis Balmenfis. In ciuitatis medio est campus Martius, vulgus vocat *Champ-mars*, & vrbis impendens

dens rupes, vltra flumen Dubim
 Campus Dianæ, dictus Romanis, In-
 digenis hodie *Champ-diane*. Exstant
 ruinæ veteris aquæductus ab illis ex-
 structi. Ex rupe est excisa porta, quæ
 in urbem aditum præbet, alluente al-
 terem viæ latus Dubi fluuius, qui for-
 re olim Artarius erat. Hic ciuitatem
 ambit & per insulam facit, parte sui
 per alueum in Campum Martium
 demissa. Mira aëris temperies, vnde-
 quaq; incumbenribus viniferis col-
 libus, qui purissima præbent vina.
 Rector Collegij Ioannes Nodotus,
 Theologus, Doctor Parisiensis, pie-
 tate melior & doctrina, quàm œco-
 nomia, Collega inter alios, Ioannes
 Iolius, sacerdos pius & doctus, quod
 ibi rarum est. Reperies & provincia-
 lem Baltazarem Dornæum siue à
 Spina, Monachum ordinis S. Do-
 minici. Hæc ad describo, vt non te-
 merè oblatam conditionem dimit-
 tas

tas Dolam te inuito ad festa Paschalia. Hæc tibi arx videbitur, si Bisonium spectes. Belgicè conuiuabimur vel si mauis Burgundicè, ab ouo usque ad capream assam, cum iure oxalis, vino Arbosiano discutiente præteritorum piscium phlegmata, & ad tuam gratiam aduocabo aliquot Belgas mundos & elegantes adollescentes, qui hîc luri operam nauant. Vale. Dola.

EIDEM.

CUm vnâ essemus, terentem manibus te vidi quendam libellū, quem Ecclesiasten esse duxi, & pro uerbia Salomonis, & te apperiente inspexi esse Catullum & Tibullum, quorum versus acutissimos admirari te dixisti, & in eos parare te quasdam annotationes. Hîc ego, liberè quidē, sed non satis præmeditatè respondi,
in

in nugas fatigabis ingenium tuum,
hoc grauitè ferre te animaduerti, &
audiui: sed eius dicti elapsi tunc pur-
gandi neque locus erat neque tem-
pus. Non sunt illi poëtæ mihi nunc
ad manus sed memini horum alterũ
sic scribere in exordio,

*Cui dono lepidum mecum libellum,
Arido modo pumice expolitum
Corneli, tibi: namque tu solebas,
Nostras esse aliquid putare nugas.*

Absque controuersia lasciuus v-
terque est poëta, & talia sunt eorum
carmina quæ legere licet inter parie-
tes, recitare decorè non decet, ne-
que in conuiuio, neque in triuio, nec
in confesso, nec congressu. Pecca-
tum lapsus est humanæ infirmitatis,
peccata autem vel scripto mandare
vel recitare publicè, nequius est quàm
clàm perpetrare. Nequitia Catulli &
Tibulli & similium dũ occulta erat,
fuit minoris offendiculi, donec illi
suam

suam Venerem, non cœlo lucique natam, sed nocte furtoque conceptam manifestarunt versibus in lucem editis. In eodem gradu nequitię sunt, qui vel in comestationibus, aut alio hominum cœtu, ea quę prauè vel libidinosè egerunt, in sermonem deducunt, in re flagris punienda vel lacrimis expungenda, laudem & applausus quæritantes. De euersione currus si gestiat auriga, omnes vectores in eum insurgent, & pugnis mactabunt ad necem vsque, vel obtorto collo duci curabunt fraudis aut imperitię reum. Planè vitandus est qui sanis corporibus suum vlcus affricat. Si Catullum & Tibullum, tuis elucubrationibus illustratos nobis dabis, legentibus, aut planè & seriò id ages aut non ex animo. Si seriò id ages, non potes non lasciuus haberi interpretres, qui lascium elegeris argumentum. Meminisse te conuenit quòd

quòd nugæ in ore sacerdotis , sunt blasphemix ; in ore adolescentis prophani, sunt facetix. Si frigide & non ex animo id agis , operam utiq; perdes & oleum. Terentianum est, *Mhi quæ ingenium haberes, indicio fuit oratio.* Sed ego omnium hominum ineptissimus sum , qui sus Mineruam. Amabo vicissim admoneri abs te officij mei. Interea videbimus quis sit futurus partus tuarum lucubrationum, & vtrum passer Catulli,excludet Phasianum Laidis. Sed hîc dum ludimus in carcere, vide ne serò te poeniteat, si ad metam lucis euadet opus amatorium , quod frustra conaberis suppressere, vbi adoleuerit in messem, vt quondam Pius Pontifex omnem dedit operam ad abolendum amores in adolescentia editos : Cardinalis Bembus, suos Azalanos : & Franciscus Petrarca de sua Laura edita carmina , tametsi nihil

hil inhonesti contineant. Vale.
Dola.

IACOBO BENINGIO.

FInitis vendemijs, quin in ipsa vē-
demia te expectauimus, & per-
cipuè tui desiderio tenetur cui effi-
giem tuam reliquisti *μνημόσυνον* ar-
gento cælatam. Quidam tuorum te
armatum Iuriconsultum aiunt, &
vt Trebatus olim Cæsaris, sic te Du-
cis Parmensis castra per formidādas
acies quandoque sequi. Ad me fac
scribas, si te amplius huc aduolatu-
rum sperare debemus. Quid dico
aduolaturum, cui tot præsto sunt ef-
fedarij, si modò ad nos non desit re-
deundi voluntas: tametsi ab hoc ge-
nere hominum cauendum esse Cice-
ro scripserit Trebatio. Labet autem
hac epistola pro nostra consuetudi-
ne, & fiducia veteris amicitiae, & stu-
dio.

G

dio.

diorum coniunctione tecum iocari. Bossemius & V Varchius Doctoratū cogitant. ego intra Iuris Licentiæ gradum me continebo. Si quid tua perseverantia in Belgio, & virtus conciliare tibi potest, ut mancas non dissuadeo, tametsi id fieri non potest sine hîc tui desiderio. nos interim procul à clangore tubarum Dolæ in otio litterario perdurabimus. Salinas, Polymnium, Arbosium, Leodesonarium, & his adiacentia vineta perlustrauimus. Dijboni! quot ubique salutationes, lepóres, suauitates, plausus, iucunditates, vrbانيتates, venustates, & occurrentium amicorum humanitates experti sumus, inuitantium, rogantium & cūcta officia beneuolentiæ impendentium. Affuit vna Guillelmus frater tuus, venit & Bleteranco Malanus, Vesuntione Lautius, & Quingeio Helesinus, omnia capita lepidissima, animæ melleæ &

& absque felle, candidi homines, Polymnij Rector Collegij primus nos commestatione excepit, non Saliari cœna, sed viatica, condita leui vino, & vernaculo, salita lepórum suauitate, sermonum sapientia, in orbem circinnatis argumentis, adiuncta túmetrica, tum prosa oratione, quibus nostrúm quilibet sui ingenij promus scientiæ ac doctrinæ afferebat symbolum: nec defuit Musica, quam referebat Echo sub famosa rupe impendente canentium vocibus. Nullus fuit qui hanc honestam voluptatem, & ab insolenti lætitia temperatam hilaritatem non pluris fecerit cunctis Crœsi diuitijs, vel Sardana-pali delicijs; vndique lætis, præterquam tui carendum quòd erat. Hoc Lautiusverbum excipiens interrupit & improbavit, totius symposij gaudium iniquum esse subsistere vnus absentis amici desiderio, qui fascino

inductus sponte huius regionis quietem, cum bellorum Belgicorum turbine commutavit: & qui potest pati esse sine nobis, nos etiam debere vicissim æquanimiter esse sine ipso, eiusque perferre absentiam. Halesinus reditus tui promissi moram purgavit nuptiarum istic tuarum obiecta mentione. Ego dixi hîc esse quod ames, ideoque magis mirari me tam longum tuum decessum, & quid sit quod sub Boreali axe ad Oceanum magis istîc, quàm hîc caleas. Rursus Halesinus, Quin & ipse Boreas Ori-thyam: fiat bonis auibus, non refert ubi, si satis bene. Quasi verò (inquit Beningius Iunior) augurij aliqua diuinationo sit quæ nuptiarum regat comitia, ad quæ si omnium sapientum concurrant consilia, nihil certi ac solidi valent decernere, cum cuique quod fors obtulit, in hoc vitæ actu, fortiter ac prudenter sit ferendum.

Sed

Sed ego, inquit, scire velim planè, quamobrem plerosque viros doctos incōgruis copulatos videamus⁹ vxoribus: neque mihi respondeatis vt in Iure, Non omnium reddi potest ratio. Mox placuit omnibus super hac quæstione ampliùs disputare, quia conuiualis visa est: & primæ partes datæ sunt Malano, quia in ordine maritorum esset. Is facetè, vt aliàs semper, eloquenti facundia, ferè in hunc modum dixit. Posteaquam pleròque mortales, inquit, casibus infortunij obnoxios esse cernimus, neque consilio posse res humanas regi, adeòque verissimum esse, sic vitam esse hominum, vt si ludas teiseris, vbi minimè cadit quod optas, & in consiliorum discussione pleraque fallunt, pauca felices habent euentus, ita vt plus casus quàm ratio dominetur, ego ad exemplar cuiusdam tabulæ, vxorem

duxi, in qua ex duobus dolijs diuersis, ex vno adolescentes velatis oculis, puellam; ex altero puellæ iuuenem in coniugium extrahunt, æuum simul peracturi, vt fors dabit. Itaque quæ mihi obtigit vxor, brevis est status, & vicissim hætenus breues sum expertus rixas & coniugij incommoditates. Vos vt idem sequamini exemplum non hortor, sed vestro vos arbitrio permitto libero. Id si tollitis, vt Calvinistæ, necesse est ex dolio promatis, quæ cæco amorì obtingat vxor. Huic non absimile est quod in finibus Morauia circa nuptias geritur: vbi est quædam secta Anabaptistarum, apud quos in conclauì ex ordine quot Iuuenes, totidem puellæ constituuntur ex aduerso, in tenebris & lumine accenso, vt sibi occurrant sine delectu, hanc quisque habere vxorem compellitur. Lautius huius sermonē excepit, exordiēs per versus

Ca.

Catulli, — *Suus, inquit, cuique attributus est error,*

Et non videmus, mantica quod in tergo est.

Quis est ita armatus omni scientiarum præsidio, qui non semel infan-
niuerit oppugnatus, si non expugna-
tus, heroïci amoris telis venientibus
annis? vel quis per Floralium castra
impunè ad Eleusina sacra peruenit,
cùm ne dijs ipsis sapere simul & ama-
re datum est,

Quin, *Nec in una sede morantur
Maiestas & Amor.*

Hæc autem calamitas tantò acriùs
exercet adolescentiam, quò est na-
ta generosius ingenium. Da mihi
versatili ingenio Vlissèm, nec for-
mosum,

*Attamen equoreas torisit Amore
Deas.*

Da Herculem, qui clauam & pel-
lem leoninam, calathò & fuso fœmi-

neo mutauit. Sampsonem omnium
 qui fuerunt fortissimum: Dauidē ipsū
 sanctitatis nomine eminentem, Ex-
 clamaui Nomenclator *πρωτολάης*
 & Dei cōsiliarius Adam, visa mulie-
 re, Propter hanc relinquet homo pa-
 trem & matrem. Itaque cū in vi-
 ris doctis sit huiusmodi heroicus spi-
 ritus, & excelsus, & in multis mēra
 simplicitas, & non ficta veritas, non
 est mirum si citò capiantur. Termi-
 natam Lautij orationem excepit
 Symposiarcha: &, Nondum, inquit,
 explicatum est cur eruditi ad ineptas
 potius quā commodas vel congru-
 as inclinantes, infoelicem & infau-
 stum fortiantur thalamum. Halefi-
 nus sumens loquendi partes sic intu-
 lit. Partita mea erit responsio. Mul-
 tos, ait, videas ex castris Musarum
 vel studiorum, post tirocinium exire
 priusquam rude donati sunt, in pro-
 cinctu cadunt, vel in porta faciunt
 nau-

naufragium, priusquam vndas cognouerint. Alij insigni sciētiarum apparatu, & multifaria cognitione præditi, fortunæ alis destituti, inopia & egestate circumuenti, haustam doctrinam ad metam experiētiæ & praxeos deducere nequeunt. Ideoque tædij impatientia rem non nouam aggredientes, exoletam aliquam viduam propter opes in partem domus asciscunt. Alij ne cogantur per diuturnam operam, & laborum inexhaustos tropos emergere exre angusta, & tenui supellectili, quantumuis malis moribus educatam, & peioribus vel vilibus parentibus ortam, modò locupletem, ducūt virginem: & sic totius vitæ nauigationē ad perpetuæ infelicitatis allidunt scopulū, vel miseræ inhærent arenæ, & pro fida diuinæ & humanæ rei socia, dæmonium meridianum, vel nocturnā Empusam inducunt, quæ irrequie-

tas tempestates ciet, & sic Mydæ aures gerētes, sese vulgo ridendos præbent, nequicquam ipsis proficiente solida eruditionis anchora. Alios videas qui maiestatis tot disciplinis exculti, animi fascēs hianti, submittentes auaritiæ Reip. exenteratoris filiæ sese exagitandos tradunt, & discordibus animis, ad coniugij aratra veniunt, suæque socordix poenas lunt. Alius nostrum succedens huic orationi, vt audio, intulit; Hactenus in feminas cula est faba, quasi verò omnes litterati adolēcentes abs vexillis Musarum, ad Legum regulam vel ad Medicinæ aphorismos probati, vbi ad scalmum nuptiarum admoventur, statim optimi sint patresfamilias, & ita ad amissim coniugij directi, vt digni sint quibus nubat Africanus foror. Quin multi sunt quos decebat magis post scenam latere quàm in proscenium prodire, nisi

nisi, vt Socrates olim, vultu comico
cothurnatas vxoris rixas sapienti re-
gimine didicerint moderari. Nā, Ci-
cerone teste, omnes studiosi vel in-
geniosi sunt melancholici: vnde nō
mirum, si quidam ad res vxorias sūt
inepti, & talpis cæciores, vt cochleæ
cornibus prætentant viam. Sympo-
siarcha sermonem ordienti tuo fra-
tri, propinata vini patera, abrupit.
Dorica harmonia finem fecit. Hæc
ego ad te scripsi tanquam totius læ-
titix breuiarium, vt cognoscas offi-
ciose, quàm vehementer te amem,
& absentis ratio quàm mihi sit cor-
di, vt simili studio vicissim ad me scri-
bas de statu rerum Belgicarum, & qua
spe istic maneat, si me amas fac scia,
simul vt purgem tuam moram cui re-
ditum promisisti, & fortè dictus dies
præterijt. Vale. Dola. c. 10, 10. LXXXIV

IACOBO NODOTO

S. T. Doct. & Collegij Bisontini
 Rectori.

E Am pecuniæ summam, quæ mihi apud te reliqua erat, ex subductione annui stipendij & emeriti, quā isthîc numerare te ex pactorum cōventionē æquum erat, tibi tamen ut commodarem, ac tuis rationibus magis, quàm meo animo obsequer, tametsi difficilem solutionem verebar hic attributam, accepi à tutoribus Sigonij; qui in ære tuo erant: & sic clauum clauo pellens, sine intertrimento fidem tuam, meo pænè dispendio, redemisti Balthazari Gerardo, qui sub te aliquando litteras didicit, nunc meus hîc est auditor, eius negotij expeditionem planè acceptam ferre debeo. is nodum mihi
 so-

soluit, iuxta tuam professionem. Ceterum vehementer doleo, te quærimoniarum de me, neque modum facere, neque finem; quin mea causa vniuersam gentem nostram perfidiæ acculas. Quatandem in culpa hæreo? Annum docendi munus quod conduxeras, confeci, siatis ac expletis pactorum placitis, tibi liberum est mea renunciata opera alium præesse velle, & mihi vicissim migrandi est restituta potestas. Ego meum consilium probari, confirmarique vidi à prudentibus & me amantibus viris, idque executus sum sine integritatis meæ labefactione, trimestri antè spacio denunciato meo decessu. Tu in me honorificus fuisti, Senatus vrbis benignus, collegæ mei suaues & obsequiosi, præter vnum tuum nepotem, qui secundas à me tenet: cuius ego vesaniam intempestiuo spiritu prægnantem, nunquam dignâ dolore

lore iudicaui, aut tanti feci, vt aliqua
 similitate cum ipso, contendere vo-
 luerim, nisi quod ex tolerātia, existi-
 mationem meam minui ægrè ferrem
 apud meos Auditores, quibus mea
 auctoritas magis curæ est, quàm mi-
 hi ipsi. Ego eos qui mei honoris erāt
 studiosi, à controuersia continui. ma-
 lum paratum eius capiti vltro depu-
 li, adeò nihil vnquam feci aut dixi,
 quod eius famam, quæ non magna
 est, læderet. Neque tibi mirum vide-
 ri debet, aut à te mihi vitio verti, quòd
 ad celebriorem prouinciam me ad-
 iunxi, & in maiore hominum Docto-
 rum luce, laudis accessionem quæsi-
 ui: hoc tecum expende, si ea ætate
 esses, in qua viuo: aut ea fortuna a-
 gitareris, cum qua mihi est confligē-
 dum, quid tu facturus esses? Vtrum
 à mea sententia, vel opinione vna dis-
 sentires? Haudquaquam arbitror.
 Quappter rogo, vt si, comœdicè vi-

ximus, haud tragicè corpore ab invicem decedamus: sed alter alterum, ego observantia ac officijs te colendo, tu paterno amore me prosequendo, mutuò diligamus. Et quidem si hoc non ages, sed perges esse querulus, ego tamen omnem curam adhibebo, & diligentiam, ne quid committam, quod sit cōiunctum cum significatione ingrati aut alieni à te animi, vel qui minùs tua causa velit, quàm ab eo, qui plurima tibi se debere fatetur, expectare debeas. Vale. D. Prid. Id. Ianuar. C10. 10.

LXXXI.

Paulo Parerio.

A In tu κρηφάγας illos, postridie Hilariorum diuionē more suo abijisse, ipsaque Cinalia ac pisculētam Quadragesimam cum suo ἰχθυόπωλειω tanquam atros in faustis que di-

dies effugisse. Id ridebam⁹. Inter cœnandum, vbi cum aliquot Belgis cōueneram, mihi redditæ sunt tuæ litteræ. Etenim cū adhuc Bisontij agerem; & aliquando accubuissem die Veneris cum eius generis hominibus, ob piscium, opinor fastidium vnus eorum rogare cœpit: vtrūm frequentes dies Veneris recurrerēt. Eā interrogationē cū obstupescerem; ad me tamen pertinere minimè arbitrat⁹ sum respondere. Nostri cōuiuatoris filia, quæ mihi ex aduerso sedebat, demissis in quadram oculis subridere visa, donec eius pater, noui hospitis sermonem excepit, & planè dixit, non esse plures dies Veneris, quàm dies Iouis. Tum hospes seipsū interpretando, asseruit de ἡδυοκύμοις diebus se rogare. At ille ad hoc, Esse huius generis dies duos in septimana, quandoque plures. Quo audito, illi consternata facie, tāquam ad fubi-

bi-

bitò impendens malum aliquod, animi cruciantis similes extitere, credo ob satietatem dierum Veneris & ob insuetudinem Neptaliorum. In tanto mœrore conuiuarum non erat cōsultum cachinnum edere, nedum cogitata eloqui. Puellarisus, vt mihi videbatur, impatientiam inhibens compressione inferioris labri, vrbanner salutatis cōuiuis in culinam sese proripuit: in illam non audebam ampliùs vel oculum deriuare, ne fortè per imprudentiam frangerem hospitalem tesseram. A prandio vbi ad lusum globarem in hortum descenderamus, rursus de multitudine feriarum carnalium (quas dies Veneris Gallicè nominabāt illi hospites) expostulare cœperunt, & subducere quota anni pars tām infelicitis notæ diebus, inuita Edusa, absumeretur, Quæ spectatum venerat, fractosilentij neruo, Æcastor, inquit, generose adolescens,

cens, inconsulta me haud constabit
tua ratio, neque te sic exsolues: nul-
lum enim locum dedisti anniuersario
Quadragesimę ieiunio, quo carnum
non modò, sed etiam ouorum vsum
lex sumptuaria interdicit, etsi Sa-
cerdoti à cōfessionib. auscultare vo-
les, vnica erit diei refectio, aut inedia
latrante stomacho, Edusæ panis fru-
sto, & Potiux aquæ haustu sacrifi-
cabis vesperi. Hæc tamen quia blan-
dè & lepide à puella dicebantur ve-
nusta, fidem apud eos non fecerunt.
At nunc demum, vt ex te intelligo,
hoc vaticinio re, vel sententia euen-
tu comprobata, illi talaribus indutis
è castris ieiuniorum eruperunt; ab
ἰχθυοπωλείῳ ad carnificinam. Ego ve-
rò, mi Pareri, Antonij Garnerij men-
sa fruor liberali & Ioue genio propi-
tio, ita vt religioni esuriali neutiquā
satisfaciam, quoties appositis vescor:
adeo piscinam nostram cum macel-
lo

Io Gebenensi commutasse pœniteat. Etenim ego Belga & Flander murenas & ostreas nunquam magnifeci, & spondilus laciniosus, qui vobis lauris in delicijs est, mihi penè nauseam facit: a sello minore, quando eius copia est, delector, tum Cypronis vescor cum iusculo Dolano & nasturtio: mullis, lucijs, & quos solus Lupa gignit piscibus, vobis elegantioris palati hominibus, scombro & anguillas, quamuis decumanas, cum fungis, qui nullo in honore apud me sunt, relinquo: tametsi Italia ranis, & cochleis assuefecerit, multisque terræ natis. huiusmodi instructa mēsa, dierum Veneris fastidium allevat purioris vini haustu, coquente piscium phlegma & herbarum cruditatē
Vale. Dola. c 13. 15. LXXXI.

Ioan.

IOANNI IOLIO

Sacerdoti.

NÆ tu homo prorsus es sine felle, & quicū in tenebris dimicem, id est, semper tui similis, quē ego plus hisce oculis amo, & cū quo ætatem agere cupio, seria & iocosa credere. Metu dignus es quem locupletet Canoniale sacerdotium & nutriat Cardinalis Balinensis. Sed chem, quid tandem de ijs hominibus, fortunæ pullis & albæ gallinæ filijs! O præclara fulcra! ô asylum afflictæ gentis, consilium dubiosis, anchora, & præsidium oppressis! Ecquid, si nunc visitet caulas sui gregis Christus & flagello eiiciat, vt olim, an nos spectatum admissi, risum teneremus tota cauea? an potius lugeremus in tanta tempestate periclitater fidei Catholicę nauicula, nullum esse

esse ex ijs qui manum remò, nedum clauo, admouere didicerit. Scis eo tempore, quo simul vivebamus, trepidatum esse aduentu Nuncij Apostolici & nutare cœpisse cacumina rerum: sed cum ad eius legationem non spectaret hæc prouincia, ex singulari Pontificis mandato, vnum aut alterum, ad quos Ecclesiastica Eunomia in primis pertinet, officij admonuit. Tu cùm dignissimus sis meliore fortuna, si aliquod persona carebit sacerdotium, cuius collatio in eius erit potestate, quod velle te significabis, ego te ad eum deducā causamque orabo, & hoc tantò citiùs tibi affirmo, quia ad magna non aspiras. Hoc tantùm pàtere me admone te, ne nimium sis contemptor humanitatis, sed paulò sis popularior, habitu dignitati sacerdotali respondente: aut planè te in monasterium abdas & solitudinem. Reuerendo
Prio-

Priori S. Vincentij, viro omnium literatorum & mei amantissimo, salutem dices, cui, si summa Abbatiae credita esset, tota domus facta tecta esset. At nunc pro doctis viris, extra professionem, piorum locorum censu contenti, in senos aut denos titulos irrepsērunt terræ onera, aut calamistrati homunculi, qui nomine solo sese nobis honorandos præbēt, & saluari patres ambiunt, exclusis se dignioribus, quibus id munus legitime debetur. Audiui, sed non venit in mentem, ex quo, consortem meum Hūgarum Bisontium reuertisse, & vereri stultitiæ nouam sufficiensdo vesaniam quasi moriæ versuram fecisse. - Vale. Dola. C I D, I D. LXXXI.

I A-

IACOBO MALANO.

N Vlla fuit causa cur Bletaranum venerim, nisi ut te viderem, hominem ab ipsa pueritia & elementis amicum. Statim enim ut intellexi in Burgundia esse Malanum, nihil mihi antiquius fuit, quàm videre Malanum, quia litterarum officium, ingenti meo erga te amoris satisfacere posse diffidebam. Audiui, ne eam quidē vitæ tuæ partem in qua uxorem duxisti, tumultibus vacuum fuisse. Hoc illud sequitur. Quinque horis, tantum cum vnâ fuerimus, non opineris me expleuisse magnum illud desiderium tecum loquēdi veniam aliās; & ociolum duorum aut trium dierū in amicitia consumam, ab ipsa pueritia sermonem exorsuri. Per mediam adolescentiam, vsq; ad hæc tempora deducemus colloquium; & vbi illius

lius erit satietas, piscationi aliquot horas dabimus & perlustrationi eius arcis quæ oppido adiacet. Hac tamen lege veniam, ut meus aduentus tuis gallinaceis pullis aut columbinis non sit funestus amplius, satis est si suis ovibus vitam redimant. Nolo me verpū existimes, suillā carne ex lebete recenter cum sinapio delector. Farci-
minā in delicijs sunt. Adde si voles olusculum cum brassica, intybo sativa, aut lactuca crispata. Hæc omnia tuus hortus & penu suppeditabunt. Talem esse decet inter amicos sine arte mensam, exoticorum saporem condimentorum, vxoris tuæ benevolæ vultu, pensante. Cū in-
diabor ranis & piscibus, rete inijci-
am aut hamo captabo : ego obso-
nabor, tu ad symbolum iusculum ad-
ijcies cum nasturtio, & sic fiet ut
minimè sumptuosus tibi, vxori au-
tem non grauis aut molestus sim fu-
tu-

turus hospes. Vale. Dola. CIO.
IO. LXXXI,

BERNARDO FVRIO.

Litteras tuas tam cupidè perlegi,
quàm te ipsum loquentem audi-
re soleo, tametsi eę doloris significa-
tionem habeant, quòd mecum eo
tempore esse non potuisti Salinis. Te
tamen per amicitiam nostram tam
vehementer, quàm te amo, rogo, ne
hac de re multùm labores. Mea ete-
nim culpa accidit vel certè fato,
quòd vsura suauissimæ congressionis
atque aspectus tui cæterisque officijs
humanitatis caruerim. Gymnasij re-
ctor hospitium exhibuit, tantæque
necessitudine est complexus, libera-
liter tractauit omniq; studio est pro-
sequutus, vt nihil suprà esse possit.
Hoc autem timeo, vt sustineam eius
præstitæ beneuolentiæ onus, ac gra-
tia

tiæ referendæ munus reciprocum,
maxima enim ei debeo beneficia.
Porro hoc vt scribis, accidisse autu-
mo. ibi si tu affuisses, certè tuorum a-
micorum auctoritas crateras vtriusq;
fontis inspiciendi copiam fecisset.
Cæterum cùm & alibi in Burgundia
salinarum scatebras cominus aspexe-
rim & aquæ dulcis venas plurimas,
quamuis sine honore, elaborati arti-
ficij, & in nulla admiratione sint, il-
lud ipsum ob quod doles, animum
meum fodicat. Id quod naturæ ar-
cano ad intuentium stuporem adie-
ctum erat, contemplatus sum, soler-
ti mechanicorum ingenio ad vsus
commoditatem. Vidi salinarũ strues
pinsentésque inde panes fœminas,
falsuginem aduehentes rotas, perpe-
tuóque igne coquentes fornaces, vr-
bi impendentes rupes, & illis inie-
ctas arces: & in conualli per mon-
tium fauces, fluuium rapientem to-
tius

tius oppidi sordes. Hoc equidem naturæ miraculum, tot machinarum adminiculis adornatum rarum esse fateor, sed alterum conspexi alibi, quod cum nullos habeat admiratores, mihi tamen instar prodigij visum est. Accidit ut iter pedes facerem Bisontio Villo-fanum, quod voluit esse veteres Faunos, huc priusquam venirem non procul Ornanco, de monte non magno descendens, copiosum fontis flumen secutus sum, donec in conspectu esset Lupa fluuius, à dextro latere obiecto monte excelsa & salebroso, ad cuius radices barathrum apertum est tanto hiatus, ut scapham mediocrem recepturum videatur. In id omnis aqua illa fontis iugis, illuuiésque collium adiacentium deferrebatur impetu irremeabili. Percunctanti mihi de exitu, nullus incolarum potuit explicare. sed hoc adijciebant mirabile aliud. fieri quan-

H 2 do.

doque aiebant exundante Lupa, vſque in eam voraginem, tantam vim piſcium inde enatare in flumen, vt ad quatuor vel plures annos hoc beneficio ſit piſcium fertilitas explorata. De nomine quæſiui, ſed nihil reſciui. Memoriam ad Poëtarum reſſexi fabulas, & mihi eſt viſum Charonium, os Orci & Malanis lapis, profunditas præceps & immenſa, cimbã tamen nullam, neque portitorem conſpicatus ſum, nec latrantem Cerberum, metu obliuionis fatalis, hauſtu abſtinui. De antro in arce Rupefortis excurrẽte longiùs, vt fama eſt, etiam ſubtus flumen Dubim, cùm multa narrari audiuiſſemus, ego cū aliquot Belgis animi gratia Dola profectis Rupefortẽ, aſſumptis duabus tædis ardentibus, famæ veritatẽ periclitati ſumus, & cùm quidam noſtrũ, non longè ſub terram per ſpecum eſſent progreſſi, obſtructam
in-

inuenerunt viam , naturæ an opere, non satis cognouimus, nisi quòd ingressis industria id factum videbatur. Inde in risum soluti, alter alterū incusare cœpit stultitiæ, & cū non satis idoneus repertus esset perditilaboris auctor, in quem offensiunculam euomeremus, generoso vino tædium & terrorum odorum afflata spiracula absterfimus. Hoc argumento ad te scribo, vt intelligas tuas Galinas, non solas esse in Burgundia, quæ portenta ostendāt naturæ. Cæterū de fama mea, cui tu dicis applaudi apud vos, propter disputationem, cui præfui, Ioannis Hostij (suauissime Furi:) iam vrbanitatem tuam, quamuis nulli simus, gloriam tamen cum laude actorum, tametsi non appeto anxie, ita tamen non abijcio, quin gaudeam eruditorum hominum sermone laudem crescere, quā aculeata obtrectatione maleuolorum sæpe

contingit fauciari. De Belgij rebus
 audij omnia acerba & tristia, tot mi-
 serix insūt bellis ciuilibus & calami-
 rates, & dempta causa cum quibus
 viuere malis, non satis iudicare pos-
 sis: expulsa vulpes, recepta simnia &
 chamæleon: auarè, rapaciter multa:
 Christianè, præter sacrorum ritus,
 pauca gerūtur: victorum oratio cru-
 delis, cupiditas inexhausta, in castris
 Quæstorum perfidia, militum à si-
 gnis abscissio, propter non soluta sti-
 pendia, quam sequitur agrorum de-
 uestatio & hominum expilatio, nobi-
 litate ære alieno oppressa. Non de-
 sūt tamē qui per splendida promissa
 me ex hoc otij portu anchoram sol-
 uere hortantur. Valetudinem tuam
 cura, me ama, & Hostio commenda,
 si adhuc isthïc est, quia intelligo eum
 fidem matrimonio dedisse, Iterum
 Vale. Dola. CIO. IO. LXXXII.

CAROLO ASSONVILLO.

A Cœnacum in horto Caputij Senatoris, & hospitis tui deambularemus, tu mecum seriò egisti, demittendo ad typographos Lugdinenses, ex medio Iure desumptas theses quas publica defensione aduersus æqualium tuorum & idem genus studij sectantium, luctam tuereris, ingenij tui simul & studiorum speciem daturus. Quo sermone me non obscure admonitum duxi, vt aliquod carnem eorum coronidi velut *παρεργον* circum pangerem. Ego, qui te semper magni feci, nunc facio maximi, quòd videam te ad paternarum non modò possessionum cretionem, sed ijsdem virtutum gradibus ad idè honoris fastigium, tanquam iustam hæreditatem parare te: vel, Cicerone auctore, meminisse, prædiorum nul-

H 4

lam

lam esse gentem, quia illa vel à ditissimo quoque atque ignauissimo comparari queant: ideoque nolle te ductas in funere patris tui, maiorumq; imagines otiose prehendere, sed virtutum præmijs promeritas vindicare iustè. Quotus enim quisque est nobilibus genitus parentibus, qui gentilitia insignia rerum præclare domi aut militia gestarum decora, à maioribus tradita, sine aliquo facinore in toga aut bello edito, oscitanter à blâdiente fortuna, indignorum plerumque faultrice, potiùs, quàm ex sacratissimo virtutis templo non gaudeat accipere? Quin, proh dolor! multos videas, qui non modò nullum splendorem aorum, prælucentibus facibus, afferunt proprijs rebus gestis laudabiliter, sed clarissima ab auis promerita monumenta, latèque audita exempla, omni turpissimorum scelerum genere, & vitiorum caligi-

ne

ne obfuscant. Et patria insuper abligurientes bona, splendidissimā, quasi cursu porrectam lampadem, extinguunt. Hanc autem labem, dum grauiissimis Iurisprudentiæ studijs incumbis, & litterarum culturam adhibes, experientia comprobas, te planè dedecus depellere velle, neq; in successione ad te delapsa, gloriæ umbra delitescendo, sed æquis passibus patrem sequendo, ex carceribus plenis sudore soluentem, ad metam solidissimæ laudis vitam instituire. Qua quidem in re habes Paulum Christinum, qui tuæ iuuentutis formator datus est, qui te omni scientia instruere potest, & nactus genitorē qui domesticis exemplis augere potest, à cuius non subito nata, sed labore & multo puluere parta nobilitate, degenerare te, aut, quod absit audire (*Haud paternum istud dedisti*) nefas est. Hisce autem generosis

H 5

tuis

tuis conatibus, si quod adminiculum
adferre potero ijs studijs, quę amare
te video, efficiam vt nusquam meam
operam fidem, vel industriam ad al-
tius euolandum, defuisse dicas. Vale.
Dolæ. Ex Collegio humaniorum stu-
diorum. IX. Cal. Aug. 615. 15.
LXXXII.

Anatolio Cherunneo.

ET hoc in fatis erat, vt secundo
Italiam ingrediens, fatis penē
concederem: Romam tamen nō vi-
derem. Mediolanum vt veni equum
vectorem meum militi Hispano ven-
didi. Petrus Sordetus ferrariam per-
rexit, mercaturam facturum. Ego pro-
posita honesta conditione Taurinū
inuitatus sum. Eō, vt veni, corpore
languere cœpi, fortē ob aëris insolē-
tiam. Et anni tempus dehortabatur
Apenninos transcendere, imprimis

non

non satis firma valetudine. Cæterum cum rei euentus non respōderet patrum conuentioni, corporis inualetudinē secutus est animi veternus. In Academia erat publicarum lectionum intermissio, propter æstiuos calores. Ex Medicis alij, mittendum sanguinem, alij emolliētibus vtendū medicamentis censebant: omnia demum ad Lasanum & Cœnophorum spectare videbam. & quod caput erat mali, verebar ne alui deiectionē sequeretur loculorum euacuatio: id quod cum mea argentaria minimè conueniebat. Cœpi inire rationem vt Vercellas migrarē, eius cæli benignitatem ad sanitatem conciliaturus, & ad eam ciuitatem secundo Padō, vt proximè id flumen ferebat accessi: neque me fefellit augurium: nā post paucos dies, quibus illic cōmoratus sum, discusso simul animi & corporis morbo, & præposita causa

valetudinis extracta est Romam profectio, & meritorio usus equo, Gabilonem veni. Hic reliquam æstatem, & fortè hiemem agere cogito. Interea de omnibus rebus, quæ Dolæ aguntur, ad me perscribe, & quem sermonem populo dedimus: tuis enim litteris talem fidem adijciam, qualē erga te meam semper expertus es. Nunquam non Dolæ est serij aliquid vel ioci. Hoc quidquid est, ne fortè nihil scribas, scribe tamen, ut mihi quoque scribendi suppedites argumentum. Belnam visere meditor. Hoc te dicere audio, ut præstantioris vini mustum bibas proxima vendemia. Haud quaquam, tametsi id magnificare soleant Belgæ. Si dicas me eam profectiorem instituere, ut ficedulis vescar autumnalibus & lardatis, priusquam colorem mutent, & nomē (ut Plinius refert,) non pugno. posoto & Malleto, qui & Munerius

ius dicitur, de me salutem dicito. Vale. Cabilone. c. 15. 15. LXXXIII.

ABRAHAMO LACETINO.

CVM me ad respondendum tuis litteris composuissem, in prociectu stylum abieci, indignum ratus in argumento saltatorio operam tempusque terere, qui in hac militia nulla stipendia fecerim. Mihi super eare satis disputatum videtur tunc, cū vnā erāmus, vbi ille peregrinæ religionis concionator, tripudiabūdi adolescentis acriter barbam vellit, quia in societatem reformatorum (nisi malis deformatorum) suum nō mendare noluit, nisi permissa tripudiorum, quibus delectabatur, licentia. Ille contra animi anxius, iuuenem tum blandimentis, tum elogio sacrarum litterarum, abiurata saltatione, in suū gregem trahere nitebatur, sem-

semper hoc Gallicum occinens *Apres la pance, vient la danse*: Ederunt & biberunt & surrexerunt ludere. addens id ipsum inuentum esse diaboli, Moyse in monte Sinay suscipiendis legibus impedito. Et forte eo magis instabat, ne parum in sententia stare probaretur, qui magnis clamoribus è loco concionatorio, multum iræ in nos Catholicos euomens, pridie omnes choragos & choreas exercentes damnatos diris infernalibus & Sathanæ deuocet. Tu ex me audire vis quid de hoc scetiam; & arbitrium exspectas. Quod non libenter facio: extorfisti, & ne nihil scribendo eam spem quam de me concepisti, abijcere videar, scribam quod in mentem venit. Ille damnat choreas, ego non laudo, eas sanè quibus vulgo utimur: quia nullæ frequentantur, quæ non habeant magnum leuitatis indicium, & pleræque

que inhonestæ voluptatis incendi-
um. Neque olim Romana gravitas
saltationem extra vitium habuit, ne-
que visa est invrbe, nisi circa ea tem-
pora, quibus Resp. interijt luxu, aua-
ritia & crudelitate. Cicero Murenæ
causam agens, saltationem nominat
comitem extremarum & multatum
deliciarum: Marcus enim Cato ac-
culator, vituperaturus designatum
consulem, graue vituperium puta-
uit esse, vocando eum saltatorem,
Quod cum Cicero nullo pacto vale-
ret diluere, ad eius peccati exproba-
tionem magna erubescencia laborā-
do pro cliente, hoc non refellit: sed
in Catonem insurgit, eum arguēdo,
quòd ex triuio scurrarum arrepto cō-
uicio, Consulem populi Romani sal-
tatores appellasset. Adeò homo
Ethnicus, hoc opprobrium noluit
purgare, nec sua facundia minus in-
decorum facere studuit, aut indul-
gen-

gentia extenuare facti mollitiem.

Sed tanquam falsò obiectum & incredibile conuicium homini seueri iudicium animis eius suspicionem euellere nititur. *Nemo, inquit, ferè saltat sobrius, nisi forte insanit, neque in solitudine, neque in conuiuio moderato atque honesto.* Et cùm saltationem nō esse vitium, defendere eum pigeret, Catonem reprehendit, quòd vitiorum extremum arripuisset, omiſſis alijs quorum saltatio solet esse comes: hoc efficiens, vt si in Muræna, commessatio, libido, amor, luxuria, non inueniantur, omnino falsum sit, eum tripudiatorem esse, vel prædictorum peccatorum in eo vmbra deprehendi posse. Ego quoque memini cùm apud Franciscum Bononium Vercellarum Episcopum agerem (quem virum semper, vt debeo, honoris causa nomino,) grauib. interdictis eum cauisse, nequis in ea ciuitate, in

com-

compitis aut domi, apertis fenestris
ædium, in publicum spectantibus,
choreas institueret, cuiusvis conui-
uij aut nuptiarū velamine, alioquin
præuaricatores anathemate ferien-
dos, & tanquam scabiosas pecudes è
numero Christianorum exterminā-
dos. Et sanè hoc Gallicū dictum pla-
nè est consonum Ciceronis senten-
tiæ; *Nemo sobrius, inquit, saltat, nisi
insanit*: sed post libidines, commes-
sationes, & erapulas, suprema solet
esse luxuriæ & deliciarum ministra
saltatio, quam visus frequens horum
temporum apud Christianos, nun-
quam exemptam vitiorum generi,
virtutibus inseruit, tametsi vtriusque
ordinis & sexus homines, leuissimè
& omni ferè tempore saltare videa-
mus. Haud me latet nonnullos ex
Interpretibus Iuris Pontificij securi-
tatem conscientiae tripudiatoribus
talem dedisse, si tempore congruo &

lo-

loco id facerent, & cum ijs a quibus offendiculum non promanet, si iusto modo & bono proposito & ad extremum rarò fiat. quid enim hoc aliud est dicere, quàm, Thermas intra, modò non fudes. Credo quidem quod omnes hæ tripudij leges, sua ratione vitij pondus & obscœnitatē extenuent aut grauent: sed leuitatis indecentiam nullo pacto tollere possunt, nisi prorsus ex instituto, & ad Dei honorem, ad restim prehenfam incedendo & Hymnum cantando, chorea agatur. Hoc enim pacto Maria, soror Aarō assumptis Hebræis mulieribus, populo Dei, cruentis persecutoris regis elapso per miraculum manibus in seruitutem asserentis, choreas duxit, voce ad tympanū accommodata & præcinendo, *Cantemus Domino: gloriōse enim magnificatus est, equum & ascensorem eius deiecit in mare.* Cæterum hic chorus,

scor,

seorsum ad Dei honorem institutus à mulieribus absque viris, quidnam habet commune cum nostra saltatione, qua viri cum mulieribus & puel-
lis saltant, & talos ad numerum mouent, subsequente obscœna voce, leuiter & libidinose se mouentis mulierculæ & tanquam ad popysma inuitantis? Quin sæpenumero ad certa signa velut in Sabinarum raptus contigit, proteruè & lasciuè in oscula ruunt, quæ etiam protenso ore aut mala, à maritis & virginibus excipi, nostri mores non modò tolerant, sed negligentes vel abnuentes inciuilitatis & rusticitatis arguunt. In quo genere nusquam liberiùs quàm in Franco-gallia peccatur. Demea apud Terentium in Adelphis, indignè ferens nimiam fratris in tolerandis filij adoptiui flagitijs, indulgentiam. *Vt video, inquit, tuam ineptiam inter eas ressim ducens, saltaber.* Hei mi-

mihi non te pudet? Minus tamen assessor doctori asserenti choream esse Diaboli inuentionem: quin potius iudico, ad Dei omnipotentis gloriā, eiusque laudes celebrandas à populo Hebræo & fortè Moyse auctore repertam. Etenim multo tempore, antequam conflatus vitulus adoraretur, Moyse & viri stirpis Israëlitiæ conuenientes ad choream, præcinente Moyse carmen hoc cantando, dixerunt; *Cantemus Domino: gloriosè enim magnificatus est.* Ad cuius exemplum, & ad eadem sacra, Maria eius soror, facta mulierum corona, eundem hymnum ad tympani sonū pari concentu decantauit. Itaque non dubium, quin Diabolus, qui in vitulum transferri studuit diuinos honores, eò dementiæ adduxit populum, ut per Idololatriam, eo more quo in publica lætitia, ad Dei gloriā fieri viderat, conflatum vitulum, Deum

Deum salutauerit, & saltatione, factō choro, adorauerit. Quippe formato vitulo confestim communi voce populi est proclamatum. Hi sunt dii tui Israël, qui te eduxerunt de terra Ægypti. Quod cū vidisset Aaron, ædificauit altare coram eo, & præconis voce clamauit, *Cras solemnitas Domini est. surgentēsq; mane obtulerunt holocausta & hostias pacificas illi vitulo, & surrexerunt ludere.* Rursum post occisum Goliath gigantem, mulieres de cūctis vrbibus Palestinæ, choros ducentes, obuiam venerunt Sauli, commune gaudium protestatę, ludentes & dicentes; *Percussit Saul mille, David decem milia.* Quin & David saltauit, & percussit organis, & cum eo septē chori, quando reducta est arca Domini. Et Numa Pompilius (qui sacrorum in primis rationem habuit) Martis sacerdotes cum modulata saltatione

ne

ne sacrificare instituit, vnde sūt dicti
 Salij, quod tangit Horatius, IV. Od. I.
In morem Sa'ium ter quatient humum.
Mislis carminibus non sine fistula.

Vnde conficitur quòd chorea
 priscis temporibus habita est ad te-
 stationem publicæ gratulationis, vt
 vno ore populi, aliquod beneficium
 Dei celebraretur, nullo comite mu-
 lierum cum virorum cœtu : ad libi-
 dinem verò nunquam, nisi in peius
 vergentibus hominum moribus, de-
 sciscente à recta ratione vitiosa natura
 & agnina simplicitate in hircinam
 desinente lasciuia. Proinde prouo-
 catus illecebrosa saltatione filiæ He-
 rodiadis, astipulante Cerere & Bac-
 cho, Herodes, petenti puellæ dona-
 uit caput Ioannis Baptistæ. Adeo ni-
 hilest tam sanctum, quod in homi-
 num perniciem non peruertat dia-
 bolus, vt hoc tempore nulla superfit
 chorea, in qua Dei viuentis laus præ-
 di-

dicetur, sed Comus intempestiuarū
commestationum præses, vinolentis
& prurientibus cantilenis & salti-
bus, permixtis puellis adolescenti-
bus, maritis & viduis, matribus, pa-
tribus & filiabus, nullo ætatis, sexus
aut ordinis discrimine, vt arietes cor-
nibus gestiunt. Tu nunc, mi Lace-
tine, vide in quem arbitrum compro-
miseris, an multam vis persolvere,
an stare meo arbitratui ex compro-
misso quem disceptatorem semel e-
legeris? Neque me incuses, vel Les-
bium expectes iudicium, quia fortè
me inmixtum paribus hilariter insa-
nientem vidisti, & puellam in orbem
ducendo saltuatim huic lusu locum
dedisse aliquando. Neque enim con-
sultus sum an nunquam saltauerim,
sed quid planè de tripudijs iudica-
rem: & cuncta laudare quæ agis,
hominis est pertinaciter obsti-
nati aut nimium sibi blandientis

Va-

ARNOLDO CVSARDO

CUm omnia mea tibi nota facere consueuerim, indignum vetere nostra amicitia & familiari coniunctione esse iudicaui, si dicam, me tantis distrahi occupationibus, vt tuis literis respondendi sublata sit facultas: officijs enim vincere potius, quã beneuolentia superari ad te, iucundius esse existimaui. Itaque vt desiderio tuo accomodem, & verbis confirmem quod in lectionibus Petri Messiaë legisse te ais, dicam quod didici à fide dignis ciuibus Lucernensibus. In ea legatione, qua functus est Franciscus Bonomius Vercellarum Episcopus, cuius & me voluit esse domesticum testē, apud Heluetios, Alpibus trascensis, primū Vriam
veni

venimus (quod oppidum Altorf vocatur) post solis occasum occurrente magistratu accēsis luminibus. Altero die per lacum Lucernensem, nauigio Lucernam siue Luceriam. Legatus abs Patribus Societatis Iesu hospitio susceptus est cum duobus suis cubicularijs. Collegium horum Sacerdotum est in ædificio magnificentissimo, quondam exstructo à quodam ciue Lucernensi, præfecto Satellitij Pontificis Romani, quadratis porticubus in sublime sublatis supra lacum, quem cingunt vndique eminentissimæ rupes & præcipitia montium, & qua urbem influit, longissimo ponte oppidi latera iungit vsque ad Ecclesiam Collegialē Canonorum. Mihi hîc obambulanti & in lacum prospicienti accessit ciuis Lucerinus, qui cernens me delectari intuitu vasti lacus & obiectarū vtrinque Alpium, ostendit inde rupem

I

pem

pein impendentem oppido, ultra quam dixit esse montem & lacum Pilati. Quo audito, ego in stuporem raptus, rogaui uti vera narraret & non figmenta. Serio ait, sic nominari lacum, à plerisque notum & à maioribus per multa tempora traditum & creditum ibi esse submersum vel definita damnatione diuina esse Pilatum. Et quamuis vix sit credibile, vsu tamen sæpius esse exploratum, si quis proteruè in eum iaciat lapidem vel lignum, subito tantam excitari tempestatem, ut hominibus tantæ offundantur tenebræ, ut se mutuo non videant aliquot horas, greges autem dispergantur & fata prosternantur. Quapropter grauibus poenis esse interdictum, ne quis tentet vel projiciat in eum lacum saxum aliquod: & ne id fiat, ait custodiam adhibitam. Hoc est quod postea à pluribus ciuibus, communique populi sermone audiui

ui affirmari, sepius eam tempestatem accidisse ex huiusmodi lapidis iniectione. Quidam ex his qui in familia & comitatu erant Legati (quem honoris causa nomino) cupiditate rei visendæ nouæ, eum montem ascendere planè desiderabant, sed propter asperitatem & salebras & precipitia, & imminencia pericula, auctores historiæ dissuadebant, & inhibuit is cui parebamus. Hoc est, mi Cusarde, quod exploratum habeo de lacu Pilati. Sed quoniam te auidum rerū externarum video, addam aliud, de quo non sum interpellatus. Offendimus hîc virum annis multis obstitum, venerabilem, lecto decumbentem, qui cùm propter senium efferri ad templum amplius non posset, diebus Dominicis ascito sacerdote, domi Missam celebrari sibi curabat.

Quod postquam ad aures Episcopi peruenisset, non probauit tam fre-

quens priuatum Missæ sacrificium. Ille contrà indignatione accensus, omnino, non obstantibus quibuscumque inhibitionibus, asseuerauit se à more non destitutum. Ego, inquit, qui in acie tot hæreticos strauimus, in eo bello quo Zyvinglius armatus periit, & capitis mei periculo missam & B. Mariæ Virginis decus & honorem defendi, nunc missa carebo? En gladius, qui ad parietem iuxta lectum meum pendet, quo occidi omnes hostes, qui recusabant dicere AVE MARIA. Non procul extra muros eius ciuitatis est nobis monstratus campus, vbi Leopoldus cum exercitu ab Lucerinis cæsus est. Vale. Dola. Pridie Calen. Septembr.

PE

PETRO TIBALDO.

DE Apostasia eius nostri communis amici magnopere doleo. Te autem non odi, sed vehementer me perturbat, eius inconstantiam tantum apud te valere, ut huius causa & consilio ex castris Catholicæ religionis, ad signa Calvinistarum transferre te non erubescas; & Missam damnare leuitate noua, quæ cum incunabulis Christianæ fidei, & per omnium priscorum & maiorum scripta & acta nobis in Ecclesia est tradita, Ille cum sordes suæ libidinis non pateretur elui, & se sua spe excidisse cerneret, planè bonam mentem exsui, ei que perire satius est, quam veritatem magnitam resumere. Ad te itaque reuertor, qui homini perditio plus tribuis, quam doctrinæ tot seculis confirmatæ. Non agam tecum

Amico innominato.

Obtundis sæpiùs postulando scire te velle, quid sentiam de tua concione ad populum habita, & ad quam multò antè tempore meditatum venisse te dicis. Quia nihil in re præsentì respondi interrogatus, succenses: nunc verum scribenti, obtestor ne irascaris, aut ad contumeliã vertas, si ad orationem tuam, ne utiquam adhinniendo, censeam, & non assentiam: & cùm vocalem calauerim, tabellarem feram sententiam. Consulebã cùm ex schola nostra migrabas, non antea in sacerdotem te adoptandum dares, quàm ex ingenio quoque migrasses. Viginti-quatuor annorum creandis sacerdotibus tempus non posse quibuscumque decerni: idcòquẽ monui vt te dares in Collegium Theologorum Louanien-

forte reas faciunt & amant: & qui
nimium multis, Non amo, dicit, a-
mat, Disce abs doctore gentium scri-
bente ad Timotheum & Titū, quan-
ta prudentia & sobrietate sermonis,
is sexus sit instruendus. Vale. Do-
la. Nonis Iunij. CIO, IO.
LXXXIV.

Amico innominato.

DVo in me culpas, non clam, sed
palam; vnum, me sectæ Philo-
sophorū iniuriam facere, quòd hac
ætate (quæ viginti vix sex annorum
est) non veritus sum cathedram as-
cendere; alterū, quòd seueritas, quæ
Philosophum decet, absit meis mo-
ribus. Si dice præside, mihi tecum
certādum foret, & crimen crimina-
tionis refellendum, de multò pluri-
bus, non à me, sed à viris prudenti-
bus accusaris; sed ego clauum clauo
I 6 pelle-

ne sacrificare instituit, vnde sūt dicti
 Salij, quod tangit Horatius, iv. Od. i.
In morem Sa'ium ter quatient humum.
Mislis carminibus non sine fistula.

Vnde conficitur quòd chorea
 prisca temporibus habita est ad te-
 stationem publicæ gratulationis, vt
 vno ore populi, aliquod beneficium
 Dei celebraretur, nullo comite mu-
 lierum cum virorum cœtu : ad libi-
 dinem verò nunquam, nisi in peius
 vergentibus hominum moribus, de-
 sciscente à recta ratione vitiosa natura
 & agnina simplicitate in hircinam
 desinente lasciuia. Proinde prouo-
 catus illecebrosa saltatione filiæ He-
 rodiadis, astipulante Cerere & Bac-
 cho, Herodes, petenti puellæ dona-
 uit caput Ioannis Baptistæ. Adeo ni-
 hilest tam sanctum, quod in homi-
 num perniciem non peruertat dia-
 bolus, vt hoc tempore nulla supersit
 chorea, in qua Dei viuentis laus præ-
 di-

dicetur, sed Comus intempestiuarū
commestationum præses, vinolentis
& prurientibus cantilenis & salti-
bus, permixtis puellis adolescenti-
bus, maritis & viduis, matribus, pa-
tribus & filiabus, nullo ætatis, sexus
aut ordinis discrimine, vt arietes cor-
nibus gestiunt. Tu nunc, mi Lacc-
tine, vide in quem arbitrum compro-
miseris, an multam vis persolvere,
an stare meo arbitratui ex compro-
misso quem disceptatorem semel e-
legeris? Neque me incuses, vel Les-
bium expectes iudicium, quia fortè
me inmixtum paribus hilariter insa-
nientem vidisti, & puellam in orbem
ducendo saltuatim huic lusui locum
dedisse aliquando. Neque enim con-
sultus sum an nunquam saltauerim,
sed quid planè de ttipudijs iudica-
rem: & cuncta laudare quæ agis,
hominis est pertinaciter obsti-
nati aut nimium sibi blandientis

Va-

ARNOLDO CVSARDO

CVm omnia mea tibi nota facere consueuerim, indignum vetere nostra amicitia & familiari coniunctione esse iudicaui, si dicam, me tantis distrahi occupationibus, vt tuis literis respondendi sublata sit facultas: officijs enim vincere potius, quā beneuolentia superari ad te, iucundius esse existimaui. Itaque vt desiderio tuo accomodem, & verbis cōfirmem quod in lectionibus Petri Messiaē legisse te ais, dicam quod didici à fide dignis ciuibus Lucernensibus. In ea legatione, qua functus est Franciscus Bonomius Vercellarum Episcopus, cuius & me voluit esse domesticum testē, apud Heluetios, Alpibus trascensis, primū Vriam
veni

venimus (quod oppidum Altorf vocatur) post solis occasum occurrente magistratu accēsis luminibus. Altero die per lacum Lucernensem, nauigio Lucernam siue Luceriam. Legatus abs Patribus Societatis Iesu hospitio susceptus est cum duobus suis cubicularijs. Collegium horum Sacerdotum est in ædificio magnificentissimo, quondam exstructo à quodam ciue Lucernensi, præfecto Satellitij Pontificis Romani, quadratis porticubus in sublime sublatis supra lacum, quem cingunt vndique eminentissimæ rupes & præcipitia montium, & qua urbem influit, longissimo ponte oppidi latera iungit vsque ad Ecclesiam Collegialē Canonorum. Mihi hîc obambulanti & in lacum prospicienti accessit ciuis Lucerinus, qui cernens me delectari intuitu vasti lacus & obiectari vtrinque Alpium, ostendit inde ru-

peim impendentem oppido, ultra quam dixit esse montem & lacum Pilati. Quo audito, ego in stuporem raptus, rogavi uti vera narraret & non figmenta. Serio, ait, sic nominari lacum, à plerisque notum & à maioribus per multa tempora traditum & creditum ibi esse submersum vel definitiva damnatione diuina esse Pilatum. Et quamuis vix sit credibile, usu tamen sæpius esse exploratum, si quis proteruè in eum iaciat lapidem vel lignum, subito tantam excitari tempestatem, ut hominibus tantæ offundantur tenebræ, ut se mutuo non videant aliquot horas, greges autem dispergantur & fata prosternantur. Quapropter grauib. pœnis esse interdictum, ne quis tentet vel projiciat in eum lacum saxum aliquod: & ne id fiat, ait custodiam adhibitam. Hoc est quod postea à pluribus ciuibus, communique populi sermone audiui

ui affirmari, sepius eam tempestatem accidisse ex huiusmodi lapidis iniectione. Quidam ex his qui in familia & comitatu erant Legati (quem honoris causa nomino) cupiditate rei visendæ nouæ, eum montem ascendere planè desiderabant, sed propter asperitatem & salebras & præcipitia, & imminencia pericula, auctores historiæ dissuadebant, & inhibuit is cui parebamus. Hoc est, mi Cusarde, quod exploratum habeo de lacu Pilati. Sed quoniam te auidum rerû externarum video, addam aliud, de quo non sum interpellatus. Offendimus hîc virum annis multis obstitum, venerabilem, lecto decumbentem, qui cùm propter senium efferri ad templum amplius non posset, diebus Dominicis ascito sacerdote, domi Missam celebrari sibi curabat.

Quod postquam ad aures Episcopi peruenisset, non probauit tam fre-

quens priuatum Missæ sacrificium. Ille contrà indignatione accensus, omnino, non obstantibus quibusuis inhibitionibus, asseuerauit se à more non destitutum. Ego, inquit, qui in acie tot hæreticos strauì, in eo bello quo Zvvinglius armatus periit, & capitis mei periculo missam & B. Mariæ Virginis decus & honorem defendi, nunc missa carebo? Engladus, qui ad parietem iuxta lectum meum pendet, quo occidi omnes hostes, qui recusabant dicere AVE MARIA. Non procul extra muros eius ciuitatis est nobis monstratus campus, vbi Leopoldus cum exercitu ab Lucerinis cæsus est. Vale. Dola. Pridie Calen. Septembr.

PETRO TIBALDO.

DE Apostasia eius nostri communis amici magnopere doleo. Te autem non odi, sed vehemēter me perturbat, eius inconstantiam tantum apud te valere, ut huius causa & consilio ex castris Catholicæ religionis, ad signa Calvinistarum trāsferre te non erubescas; & Missam damnare leuitate noua, quæ cum incunabulis Christianæ fidei, & per omnium priscorum & maiorum scripta & acta nobis in Ecclesia est tradita, Ille cum sordes suæ libidinis nō pateretur elui, & se sua spe excidisse cerneret, planè bonam mentem exsui, ei que perire satius est, quam veritatem magnitam resumere. Ad te itaque reuertor, qui homini perditio plus tribuis, quam doctrinæ tot seculis confirmatæ. Non agam tecum

Theologicè; hoc tantum rogo, ut qua fiducia nixus à soliditate Christianę Religionis abieris ad nouas fabulas & commenta ab vno Caluino in orbem sparsa. Respice nostrum Idioma, considera annales, & immemorabili tempore per Missam distincta tempora. Si nouas reperisti res, expunctis veteribus, adde nobis nouum idioma. Velis nolis tibi Flandricè loquenti dicendum est pro festo die *Messdach*, *Kersmesse*, *Baefmesse*. *Sint Iansmesse*. *Sinte Martins Messe*. *Kerckmesse*. Vide nunc quomodo à Missa pleraque festa sunt denominata & anni stata tempora, & non alio nomine quàm per Missam explicata. *Messdach*, dies Missæ; *Kersmesse*, Christi missa, id est festum natalis; *Baefmesse*, Bauonis missa, id est festum Bauonis; *Sint Iansmesse*, id est S. Ioannis Missa, vel festum quo Missa fit sub honore S. Ioannis. Audi nūc

tot

tot ciuitates, oppida, pagos à sanctis viris, à mille annis aut amplius, quæ suum sunt sortitæ nomen, inter quæ *S. Omarum, S. VVinoxberghen, S. Adrianum, S. Nicolas, S. Amand.* Num maiores nostros, à quibus Christiana fides ad nos venit, delirasse putabimus? An potius dicemus illos ipsos per traditiones, & Apostolorum præcepta gradatim accepta fidei documenta & sacrificia nobis reliquisse imitanda? Cur vnum malum præuaricatorem Iudam tibi proponis imitandum, neglectis cæteris Apostolis. Rogo te itaque, ne pergas insanire, recenter excitatis erroribus, sed reuèrtere ad præsepe & caulam Christi, si te & me amas. Vale. Cabilone. c r o. 12. LXXXIII.

forte reas faciunt & amant: & qui
nimium multis, Non amo, dicit, a-
mat. Disce ab doctore gentium scri-
bente ad Timotheum & Titũ, quan-
ta prudentia & sobrietate sermonis,
is sexus sit instruendus. Vale. Do-
la. Nonis Iunij. CIO, IO.
LXXXIV.

Amico innominato.

DVo in me culpas, non clam, sed
palam; vnum, me sectæ Philo-
sophorũ iniuriam facere, quòd hac
ætate (quæ viginti vix sex annorum
est) non veritus sum cathedram as-
cendere; alterũ, quòd seueritas, quæ
Philosophum decet, absit meis mo-
ribus. Si dice præside, mihi tecum
certadum foret, & crimen crimina-
tionis refellendum, de multò pluri-
bus, non à me, sed à viris prudenti-
bus accusaris; sed ego clauum clauo
I 6 pelle-

pellere nolo, neq; telum telo retun-
 dere. Summo iure in me agis, & ma-
 ledictis laceffis. Si me dicentem ex-
 suggesto audisti, & cōuersione no-
 sti, scire potes quàm non infideat bos
 meæ linguæ, præcipuè cū à tui Or-
 dinis hominibus stomachosis, & o-
 tiosis, & sola arte captandorum sa-
 cerdotiorum instructis, infestor fasti-
 diosè, cui otium vix vllum vnquam
 fuit otiosum. Si barba facit Philoso-
 phum, & cucullus monachum, vter-
 que nostrum est quod audit. fateor
 me ætatis veniam non supplicasse. no-
 strum porrò institutum non tam est
 Philosophum agere, quàm eam Hu-
 manitatis partem Iuuentuti explica-
 re, quæ mihi abs amplissimo ciuitatis
 Bisontinæ senatu est mandata, pro
 consuetudine eius loci, quem eius
 auctoritate teneo. Veteres Philoso-
 phi summam beatitudinem & sapiē-
 tiam assequi se posse confidebant ex
 Philo-

nienſium, doctrina & moribus reco-
quendum. aut ſi parentes tui ſum-
ptus detraherent, alicui viro pietate
& doctrina famoſo adhæreres, idque
tantisper faceres donec continentia
& modeſtiæ, & experientiæ fructibus
inſtructus, facta tui ipſius probatio-
ne, exploratè ad eum ordinem ca-
peſſedum accederes, futurus ſal ter-
ræ, quo hominum animæ condiūtur
de quarum ſalute ſeueriſſimus Iudex
calculū efflagitabit, ſi inſipidus fue-
ris. Sed ad reinveniamus. Tu egre-
gie in mulieres debacchatus es, ſum-
pto argumenti exordio, ex importu-
nitate matris filiorum Zebedæi. A-
pud Areopagitas cauſam dicens, ſi-
quis procerio conciliatis extrinſe-
cis verborum aut rerum illecebris
& commentis, ad percellendos Iudi-
cum animos utebatur, præco ei ſi-
lentium indicebat. tibi verò vniuer-
ſum muliebrem ſexum intempeſtiva

concione laceranti, nullus tam amicus fuit qui per famulum hortaretur te mitius agere, vel quauis occasionis simulatione, te admoneret vt desineres paucarum diffundere crimen in omnes. Metuebam ne eò abiret tuus sermo, vt mulieres neutiquam homines diceres, aut certè monstrū aliquod naturæ: adeò nihil sacrorum & profanorum scriptorum omifisti, quod in eius sexus odium iure vel iniuria dictum est. Amare te foeminas, castitatis emissum votum prohibet; odisse vetat Christiana pietas; probris & conuitijs vniuersas insectari in concione, prudentis esse nemo vnquam dixit. Si id pro ludo habes, stultè facis: si ad istius continentiae tuæ futuræ probationem putas pertinere, non planè persuades, cùm frequenter accidat, impudicorū amorum sectatores, nihil non in foeminarum genus contumelię euomere, qui
fortè

& mei studiosos viros, tua criminatione te ipsum leuitatis & imprudentiæ accusationi subijcere, & sine præiudicio aliquo, tale de me, tibi incognito, ferre iudicium: quem satius esset, emissi promissi, sequendo professionem, monasterio clausum, aures quoque fictis maledictis præcludere, & fungendo officij tui partibus Deum orare pro me & mei similibus, neque molestè ferre, me ad publicum munus vocatum accessisse, què si iuuare non vis nec potes, ad gloriam virtute currentem, non moreris. Vale. Bisontio. Prid. Cal. April.
CIC. IC. LXXX.

NO.

Theologicè; hoc tantùm rogo, vt qua fiducia nixus à soliditate Christianę Religionis abieris ad nouas fabulas & commenta ab vno Caluino in orbem sparsa. Respice nostrum Idioma, considera annales, & immemorabili tempore per Missam distincta tempora. Si nouas reperisti res, expunctis veteribus, adde nobis nouum idioma. Velis nolis tibi Flandricè loquenti dicendum est pro festo die *Messdach*, *Kersmesse*, *Baefmesse*. *Sint Iansmesse*. *Sinte Martins Messe*. *Kercmesse*. Vide nunc quomodo à Missa pleraque festa sunt denominata & anni statuta tempora, & non alio nomine quàm per Missam explicata. *Messdach*, dies Missæ; *Kersmesse*, Christi missa, id est festum natalis; *Baefmesse*, Bauonis missa, id est festum Bauonis; *Sint Iansmesse*, id est S. Ioannis Missa, vel festum quo Missa fit sub honore S. Ioannis. Audi nūc

tot

tot ciuitates, oppida, pagos à sanctis viris, à mille annis aut amplius, quæ suum sunt sortitæ nomen, inter quæ *S. Omarum, S. VVinoxberghen, S. Adrianum, S. Nicolas, S. Amand.* Num maiores nostros, à quibus Christiana fides ad nos venit, delirasse putabimus? An potius dicemus illos ipsos per traditiones, & Apostolorum præcepta gradatim accepta fidei documenta & sacrificia nobis reliquisse imitanda? Cur vnum malum præuaricatorem Iudam tibi proponis imitandum, neglectis cæteris Apostolis. Rogo te itaque, nè pergas insanire, recenter excitatis erroribus, sed reuèrtere ad præsepe & caulam Christi, si te & meamas Vale. Cabilone. c r o. 12.

LXXXIII.

forte reas faciunt & amant: & qui
nimium multis, Non amo, dicit, a-
mat, Disce abs doctore gentium scri-
bente ad Timotheum & Titũ, quan-
ta prudentia & sobrietate sermonis,
is sexus sit instruendus. Vale. Do-
la. Nonis Iunij. CIO, IO.
LXXXIV.

Amico innominato.

DVo in me culpas, non clam, sed
palam; vnum, me sectæ Philo-
sophorũ iniuriam facere, quòd hac
ætate (quæ viginti vix sex annorum
est) non veritus sum cathedram as-
cendere; alterũ, quòd seueritas, quæ
Philosophum decet, absit meis mo-
ribus. Si dice præside, mihi tecum
certadum foret, & crimen crimina-
tione refellendum, de multò pluri-
bus, non à me, sed à viris prudenti-
bus accusatis; sed ego clauum clauo
I 6 pelle-

nienſium, doctrina & moribus reco-
quendum. aut ſi parentes tui ſum-
ptus detraherent, alicui viro pietate
& doctrina famoſo adhæreres, idque
tantisper faceres donec continentia
& modeſtiæ, & experientiæ fructibus
inſtructus, facta tui ipſius probatio-
ne, exploratè ad eum ordinem ca-
peſſedum accederes, futurus ſal ter-
ræ, quo hominum animæ condiuntur
de quarum ſalute ſeueriſſimus Iudex
calculū efflagitabit, ſi inſipidus fue-
ris. Sed ad reinveniamus. Tu egre-
gie in mulieres debacchatus es, ſum-
pto argumenti exordio, ex importu-
nitate matris filiorum Zebedæi. A-
pud Areopagitas cauſam dicens, ſi-
quis proœmio conciliatis extrinſe-
cus verborum aut rerum illecebris
& commentis, ad percellendos Iudi-
cum animos utebatur, præco ei ſi-
lentium indicebat. tibi verò vniuer-
ſum muliebrem ſexum intempeſtiva

concione laceranti, nullus tam amicus fuit qui per famulum hortaretur te mitius agere, vel quauis occasionis simulatione, te admoneret vt desineres paucarum diffundere crimen in omnes. Metuebam ne eò abiret tuus sermo, vt mulieres neutiquam homines diceres, aut certè monstrū aliquod naturæ: adeò nihil sacrorum & profanorum scriptorum omifisti, quod in eius sexus odium iure vel iniuria dictum est. Amare te fœminas, castitatis emissum votum prohibet; odisse vetat Christiana pietas; probris & conuitijs vniuersas insectari in concione, prudentis esse nemo vnquam dixit. Si id pro ludo habes, stultè facis: si ad istius continentiaæ tuæ futuræ probationem putas pertinere, non planè persuades, cùm frequenter accidat, impudicorū amorum sectatores, nihil non in fœminarum genus contumeliæ euomere, qui
forte

& mei studiosos viros, tua criminatione te ipsum leuitatis & imprudentiæ accusationi subijcere, & sine præiudicio aliquo, tale de me, tibi incognito, ferre iudicium: quem satius esset, emissi promissi, sequendo professionem, monasterio clausum, aures quoque fictis maledictis præcludere, & fungendo officij tui partibus Deum orare pro me & mei similibus, neque molestè ferre, me ad publicum munus vocatum accessisse, què si iuuare non vis nec potes, ad gloriam virtute currentem, non moreris. Vale. Bisontio. Prid. Cal. April. CIO. IO. LXXX.

NO.

quens priuatum Missæ sacrificium. Ille contrà indignatione accensus, omnino, non obstantibus quibusuis inhibitionibus, asseuerauit se à more non destitutum. Ego, inquit, qui in acie tot hæreticos strauì, in eo bello quo Zyvinglius armatus periit, & capitis mei periculo missam & B. Mariæ Virginis decus & honorem defendi, nunc missa carebo? Engladus, qui ad parietem iuxta lectum meum pendet, quo occidi omnes hostes, qui recusabant dicere A V E M A R I A. Non procul extra muros eius ciuitatis est nobis monstratus campus, vbi Leopoldus cum exercitu ab Lucerinis cæsus est. Vale. Dola. Pridie Calen. Septembris.

PE

PETRO TIBALDO.

DE Apostasia eius nostri communis amici magnopere doleo. Te autem non odi, sed vehementer me perturbat, eius inconstantiam tantum apud te valere, ut huius causa & consilio ex castris Catholicæ religionis, ad signa Calvinistarum transferre te non erubescas, & Missam damnare leuitate noua, quæ cum incunabulis Christianæ fidei, & per omnium priscorum & maiorum scripta & acta nobis in Ecclesia est tradita, Ille cum sordes suæ libidinis non pateretur elui, & se sua spe excidisse cerneret, planè bonam mentem exsui, ei que perire satius est, quam veritatem magnitam resumere. Ad te itaque reuertor, qui homini perditio plus tribuis, quam doctrinæ tot seculis confirmatæ. Non agam tecum

Theologicè; hoc tantùm rogo, vt qua fiducia nixus à soliditate Christianę Religionis abieris ad nouas fabulas & commenta ab vno Caluino in orbem sparsa. Respice nostrum Idioma, considera annales, & inmemorabili tempore per Missam distincta tempora. Si nouas reperisti res, expunctis veteribus, adde nobis nouum idioma. Velis nolis tibi Flandricè loquenti dicendum est pro festo die *Messdach*, *Kersmesse*, *Baefmesse*. *Sint Iansmesse*. *Sinte Martins Messe*. *Kerckmesse*. Vide nunc quomodo à Missa pleraque festa sunt denominata & anni stata tempora, & non alio nomine quàm per Missam explicata. *Messdach*, dies Missæ; *Kersmesse*, Christi missa, id est festum natalis, *Baefmesse*, Bauonis missa, id est festum Bauonis; *Sint Iansmesse*, id est S. Ioannis Missa, vel festum quo Missa fit sub honore S. Ioannis. Audi nūc

tot

tot ciuitates, oppida, pagos à sanctis viris, à mille annis aut amplius, quæ suum sunt sortitæ nomen, inter quæ *S. Omarum, S. VVinoxberghen, S. Adrianum, S. Nicolas, S. Amand.* Num maiores nostros, à quibus Christiana fides ad nos venit, delirasse putabimus? An potius dicemus illos ipsos per traditiones, & Apostolorum præcepta gradatim accepta fidei documenta & sacrificia nobis reliquisse imitanda? Cur vnum malum præuaricatorem Iudam tibi proponis imitandum, neglectis cæteris Apostolis. Rogo te itaque, ne pergas insanire, recenter excitatis erroribus, sed reuèrtere ad præsepe & caulam Christi, si te & me amas. Vale. Cabilone. c r o. 12.

LXXXIII.

forte reas faciunt & amant: & qui
nimium multis, Non amo, dicit, a-
mat. Disce abs doctore gentium scri-
bente ad Timotheum & Titũ, quan-
ta prudentia & sobrietate sermonis,
is sexus sit instruendus. Vale. Do-
la. Nonis Iunij. CIO, IO.
LXXXIV.

Amico innominato.

DVo in me culpas, non clam, sed
palam; vnum, me sectæ Philo-
sophotũ iniuriam facere, quòd hac
ætate (quæ viginti vix sex annorum
est) non veritus sum cathedram af-
cendere; alterũ, quòd seueritas, quæ
Philosophum decet, absit meis mo-
ribus. Si dice præside, mihi tecum
certadum foret, & crimen crimina-
tione refellendum, de multò pluri-
bus, non à me, sed à viris prudenti-
bus accusaris; sed ego clauum clauo
I 6 pelle-

nienſium, doctrina & moribus reco-
quendum. aut ſi parentes tui ſum-
ptus detraherent, alicui viro pietate
& doctrina famoſo adhæreres, idque
tantisper faceres donec continentia
& modetię, & experiencię fructibus
inſtructus, facta tui ipſius probatio-
ne, exploratè ad eum ordinem ca-
peſſedum accederes, futurus ſal ter-
ræ, quo hominum animæ condiūtur
de quarum ſalute ſeueriſſimus Iudex
calculū efflagitabit, ſi inſipidus fue-
ris. Sed ad rem veniamus. Tu egre-
gie in mulieres debacchatus es, ſum-
ptu argumenti exordio, ex importu-
nitate matris filiorum Zebedæi. A-
pud Areopagitas cauſam dicens, ſi-
quis procemio conciliatis extrinſe-
cus verborum aut rerum illecebris
& commentis, ad percellendos Iudi-
cum animos utebatur, præco ei ſi-
lentium indicebat. tibi verò vniuer-
ſum muliebrem ſexum intempeſtiva

& mei studiosos viros, tua criminatione te ipsum leuitatis & imprudentiæ accusationi subijcere, & sine præiudicio aliquo, tale de me, tibi incognito, ferre iudicium: quem satius esset, emissi promissi, sequendo professionem, monasterio clausum, aures quoque fictis maledictis præcludere, & fungendo officij tui partibus Deum orare pro me & mei similibus, neque molestè ferre, me ad publicum munus vocatum accessisse, què si iuuare non vis nec potes, ad gloriam virtute currentem, non moreris. Vale. Bisontio. Prid. Cal. April. CIO. IO. LXXX.

NO.

Philosophiæ humanæ præceptis. nos verò, qui Christiano censemur nomine, id esse singulare Dei minus credimus, non naturæ insitione vel studiorum ardore adipiscendū. Hæc est autē Christiana Philosophia non quæ perpetuis altercationibus scholarum parietes diuerberat, quæ syderum vel stellarū prognostica figmenta comminiscitur: vel prægnantem fastu mentem Pharisæorum fermento replet, conantium salutationes in foro & primos accubitus in conuiuiis; sed quæ à pijs hominibus in hominum turba non inuenta, in eremo est reperta: à diuitibus explosa, in paupertate sedet, procul à mūdi turbine, & ne opum spinis suffocetur, quietis solitudine vitam redemit, diuinis præceptis & Prophetarum e-logijs vacando, charitatis oleo accensa lampade, Christū expectans sponsum, ad omnem horam excubat, ut cum

ferunt, vt tu ipse nosti. Itaque qui dicunt Lillenses & Duacenses in Flandris non esse, ob sermonis discrepantiam, illi ita errant, vt si Hannonios negent esse Belgas, vel Brabantos, quia non vno vtuntur idiomate. Imo & Artesia & Bolonia & Ginenfis Principatus in Flandris numerati sunt, eo tempore quo Flandria primò est Comitatus nomine appellata, cuius tres primi Principes sepulti iacent Harlebecæ iuxta Cortracum, vt eorū monumēta & historix loquuntur. Tornacenses vsq; ad Caroli Quinti Imperatoris tempora, auspicia regum Franciæ sunt sequuti, donec post varia bella, optione eis data, Flandriæ se adscripserūt. Nunc ad originem erroris explicandam, descendamus, & vnde factum quod pleræque merces, quæ ex Belgio ad exterarum nationes exportantur, Flandricæ censentur: & qui ex
lon.

longinqua regione in Belgiū iter capiunt, in Flandriam proficisci dicantur. Hic operæpretium est scire, Brugarum ciuitatem maiorum nostrorum æuo, in Flandria emporium totius mūdi fuisse celeberrimum, pro ut ædium tam sacrarum, quàm profanarum magnificentia, etiam nunc ostentat, & variarum gentium nomine ac regnorum titulis inscriptæ habitationes, ac palatia, admirando artificio ac sumptu exstructa. Hæc vrbs, globari forma clausa, mœnibus amplissimis, suas exterarumq; opes populósque cū non caperet, diuitiarum ac delitiarum affluēs, ad proxima oppida, vt Damum, Slusam, Ostendam, Oudeburgum, Ardebergū, Middelburgū, demittebat suę fortunæ reliquias, in quibus adhuc existāt veteris luxus vestigia. Brugas ergo cū appellerent etiam ab extremis mandioris mercatores, sola Flā-dria

dria in toto Belgio nota fuit, propter eius urbis celebritatem. At quidem in eo splendore fuerunt Brugæ, cæteraque vicina minora oppida, donec Maximilianus iniuriam ultus, eam rerum omnium affluentiam transtulit Antverpiam. De eo quod scriptum est ab Olao Magno, pace tanti viri, omnibus Belgis notum est, in Flādria, nō modò piscationem esse halecum, sed quæ in nostro mari capiuntur, Noruegis, Anglicis, Zelandicis longè sunt præstantiores ac suauioris gustus. Quin plebs Mardicæ, Blankenbergæ, Neoporti ac Ostendæ, halecum piscationis quæstu familiā sustentat neque grauatim ferunt cæteri Belgij Maritimi populi, vt haleces, sic alios pisces, qui in mari Flādrico capiuntur, præferri in delicatiorum mensis. Cæterum hallex extra elementum suum, viuus nō cernitur. Sed statis anni temporibus, & autūnali

tia decernere, nisi amplius vis. Vale,
Dola. Prid. Id. Martij. c 13. 13.
LXXXII.

FRANCISCO BALLANTIO.

V Ereor ne ira tua odium pariat.
Exspectavi quod moræ beneficio,
indignatio tua feruorem deponeret,
sed video te consuetas salutationes
omittere & beneuolentiæ officia
rariùs præstare: occurris in cili-
ces demisso capite, dicenti Aue, gra-
uatim reddis vices. Hæc morum a-
speritas ad apertas inimicitias abire
videtur. Mathias Balantius frater tu-
us à me sciscitatus tam inamœni fa-
stidij causam, dixit, quòd te contem-
ptum à me atque despectum ais, i-
deòq; me in amicorum numero po-
nendum minimè putas, qui contro-
uersiæ amici noluerim suscipere ar-
bitrium. Si non asperitudinem ma-

iorem extimelcerem & ex scintilla
 ridicula, incendium iocularium me-
 tuerem, sanè ludo ludum trusissem.
 Sed, vt video, perturbaui omnia, quæ-
 rendam via, qua me expediam, confi-
 lium, quo me expurgem, quod utiq;
 faciam, dum tibi morem geram, ne
 ridendo, quæ seriò te postulare in-
 telligo, tibi sim molestus. Inter te &
 Claudium Vincentium liticula ver-
 titur, utrùm à te latinè dictum sit,
 Cātata est missa. delegaui huic nego-
 tio doctorem Grammaticæ, cuius
 propria est hæc disputatio. Hoc,
 quod audio est, quod succenses, quia
 me definire vis. Priusquam dicam al-
 iquid fixi ac decreti, planè sollicitor
 scire, utrùm quærās de verbo [Missa]
 an de dictione [cantata]: percuncta-
 ri tamen amplius & expectare, quid
 respondeas, non libet, ne cùm fœ-
 nore in me deferbeat tua indignatio.
 Ideo vtrumque excutiam. Missæ vo-
 ca-

cabulum Romanum est, & Latinum
sanè, & si aduersarius tuus id inficia-
tur, neget necesse est tempore Hie-
ronymi, Augustini, Ambrosij, Pru-
dentij, Lactantij, Romanum popu-
lum Latinè locutum. Dialecticorum
ἀγίωμα est, Contra negantem prin-
cipia, non est disputandum: & ma-
nifestè veris, reluctanti, præcluden-
dæ sunt fores palæstræ. Nisi aduersa-
rium tuum censeas nomine eorum
hominum, qui nouo furore correpti,
Remp. Christianam perturban-
tes, Missam indicta causa damnant
atque tollunt, quantumuis cū Chri-
stianæ Religionis incunabulis ortā.
Fortè non absimili agunt iudicio illi,
quo felis reum egit gallinaceum, vt
est in Æsopi fabulis. Reliquum est
dicere, quòd à cantu fit canto, & in-
de cantor & cantatus, duplici sen-
su. In priore apud Ouidium.

Illic assiduè ficti cantantur amores,

in

In altero Hypsipyle Iasoni exprobrat
amores Medæ incantatricis :

*Non facie , meritisque placet , sed
carmina nouit.*

Diraque cantata pabula fælcæ metit,
Hic ego intelligo falcem cantatam,
quæ Medæ carminibus sit fascinata,
Quapropter non est quod erubescas
dicere, cantatam esse missam, quæ
cantando est celebrata & finita, Nunc
promissorum fide comprobata, fac
me pristinæ amicitiae restituas ac
gratia inter nos maneat æterna, ti-
bi que persuadeas, me neque asper-
nationis neque contumeliæ causa
cessasse. nihil enim est, in quo ad-
uerser tibi, dum tibi gratum esse vi-
deam officium meum. Vale. Graijs.
Prid. Non. Mar. cio. 10.
LXXV.

CA-

LAVRENTIO LEONINO.

Recordari te ais, à me aliud agēte, esse explicatum hoc Demosthenis dictum, *Non emo pœnitenti*: Non quidem rhetoricè, sed dialecticè; non copioso, sed stricto sermone, ut ijs usu venit, qui exempla in orationem inducunt, quibus cum alijs firmamentis, summæ rei, quæ in disputationem venit, fidem inuenire student. Ideoque tu amplius audiendi aculeis quasi punctus, rogas, ut de penu meorum cōmentariolorum aliquid depromptum, enucleatius ad te scribam. Inficiari quod publicè dixi, non possum, neque cupio. epistolæ autem committere quidquid vel ad interpretationem, vel admonitionem, vel ad ornandum, delectandum, aut docendum includitur, æqua ratio non suadet.

K det.

det, Etenim sæpenumero ita cadit, quod præter ea quæ domi meditatus sum, in ore nata oratio, in pinguem ac largam dictione messem, argumentum adolescere faciat. Et contra nonnunquam eò res exit, ut verborum ac rerum locuplete suppellectili instructus, cum in pulpitum ascendi, vel in ipsis carceribus dicendi sermo cohibeatur, restringaturque, & breuiore curriculo exsiccatis riuus ad concludendi metam languidius elabatur. Certè mallet ut me, non expectatus, concionantem audires liberiore & solutiore dictione tractantem, & non breuitate Epistolæ clausam sententiam, obsequij beneficio, tuo iudicio submittendum raperes. Leges igitur (quia scribere non audeo me non velle) dum ita postulas, ut in nostra disciplina facere soleamus, Academicè. & ut nostro sensu non ita in hæreamus, quin alijs libenter

ter auscultemus, utpote qui proposito non ita pertinaciter affixi sumus, ut necessitate adacti, à scopulo cui appulsi sumus semel, non diuellamur, Cæterum quia omnis partitio, & definitio, quæ obscura sunt, illustra facit, ut in rebus arduis vel tortuosis, ita etiam hîc in exili negotio, per quosdam gradus incedamus, atque in tres omnino partes, desiderij tui postulatio erit distributa. Et quidem prima pars sit ista, ne quid ficti aut commenti hoc effatum Demosthenis esse putetur, & nos sermonem triuisse in re quæ nõ fuit, arguamur. Quapropter ante omnia tenendum est fixum ac decretum, quod plurimorum scriptorum monumentis est peruulgatum ac notum. Secundum est, quod hoc responsum datum est ab Demosthene Laïdi meretriculæ. In tertia parte erit causa talis respõsi, Deinceps egrediendo ex hac de-

scriptione tripartita, hoc ratum ponatur, Demostheni appetenti Laïdis concubitum, ipsa licuit decem millibus dragmarum. & ille pretij magnitudine permotus, se tanti non emere pœnitundinem, respondit, vel ut in Græcis est, *ὅτι ὠνῆμαι μυριάων δραγμῶν μετὰ μέλειαν*, Non emo decem millibus dragmarum pœnitentiam, Qui cognouit, quātus orator & Philosophus fuerit Demosthenes, ægrè adduci poterit, ut credat tantæ doctrinæ ac famæ virum auocatum ab officio ac instituto, Athenis profectum Corinthum, ut in complexum scorti veniret, eiûsque se expleret libidine, nisi tot grauium Auctorum scripta, dubitationi hoc achæsitatio-
 ni eripuissent. nam diffluere Veneris voluptatibus, easque propter seipsas expetere ac persequi cū turpe sit omni homini ac ætati, sanè tantò est conspectius vitium, quò is qui eas
 am-

ambit celsiorē obtinet honoris locū
apud suos. neque hominem culpæ
eximit Græcæ leuitatis patrociniū
vel Ethnicismi confidentia, quæ nul-
los colit deos huius flagitij vindices.
Corinthus autem Achaiaē emporiū
toto terrarum orbe celeberrimum,
omniq̃ue deliciarum aut lautitiarum
genere abundans: hoc etiam scor-
tum habuit, nomine Laïs, non cor-
poris modò forma excellens, sed &
animi magnis dotibus præditum,
quas omnes in hominum perniciem
iuratas exercuit: adeò vt summum
Græciæ Oratorem Athenis ex domi-
cilio sapientiæ Corinthum attaxe-
rit eius fama. Ipsā verò ex nocturna-
rum libidinum lūstro à belluiua vo-
luptate ac quæstu corporis abductā,
sapientiæ opinio, vel honestatis aut
cuiusvis laudabilis artis splendor nō
flexit, vt relicto Corinθο Athenas
inuiseret, atque cum Æschine de-

certantē Demosthenē videret, aut in quemuis alium locum vestigium poneret, ad quem post mortem clarorum virorum historiæ solæ, Romanæ urbis principes vocarūt. Progrediamur ergo & videamus, quidnam hoc est quod dixit Demosthenes, non emere decē millibus dragmarum pœnitere, quæ valent secundum Budæum, decem millibus aureorum solarium, monetæ Gallo-franciæ. Num pœnitētiam metuit, quam erat allatura pecuniæ iactura? An honoris ac famæ imminens damnum ex flagitij indignitate? vel ob eā causam, quod libidinosus actus generosum animū suspirio ac pœnitudinis ægritudine affligit & comitem dolorem habet ac fastidium. Nam, vt inquit Seneca improbarum voluptatum etiam post ipsas, pœnitētia est. Siquidem mens ex recordatione intemperantiæ cōscia, seipsam arguit, veluti ex morbi

comi-

comitalis lethargo experrecta, quod à recta ratione naturæ honestatisque præscriptione, seducta sit ad inanis voluptatis turpitudinem. Quin & corporis cōstitutio mutati sui status in peius dolorem arque odium trahit, quia ab hominis præstantia delirando ad pecudum naturam delapsa est, pigetque admissi actus cum indignatione. Et fortè id est quod impudicorum amorum informator ait Ovidius.

*At simul ad metā venit finita voluptas,
Laßaq; cum tota corpora mente iacent
Et piget & nullam velle tetigisse puellā
Tacturusque tibi non videare diu*

Amnon filius David hoc æstu percitus est ad stuprum Thamar suæ sororis, & vi puellæ illata, expletaque libidine, prioris amoris vehementia in acrius odium conuersa, incestu pollutam poteruè expulit è cubiculo, cui lacrymæ ad tutandam pu-

dicitiam non fuerunt præsidio, neq;
 passæ flagitium ad commiseratio-
 nem satis efficax commouendum
 auxilium, quin moram ad celan-
 dum opprobrium deprecantem, per
 famulum exturbari, mœrore & pu-
 dore perfusam, imperauit ocyùs. In
 quotidiano vsu sunt huius furoris e-
 xempla, pleni libri historiarum & ve-
 terum & modernorû annalium mo-
 numenta, Neq; dubium est quin ex
 eadem causa sint tot matrimoniorû
 infausti exitus, quibus hodie mundus
 repletur, quæ conciliante Asmodeo
 inchoatæ sunt, & hymenæum canē-
 te Belial, sunt consummatæ, quorum
 scopus voluptas est corporis, quæ
 prima auolat, sæpiùsque pœnitendi
 quàm recordandi causas relinquit, vt
 inquit Cicero. Contra autem vide-
 mus ex morum paritate ac Christia-
 na pietate coalescentibus nuptijs a-
 damantinum necti amoris vinculum
 quod

quod nulla infortuniꝝ violentia, aut
humani casus acerbiras, aut caco-
dæmonis rumpit astutia: sed huius-
modi coniuges in fide, dilectione &
sanctificatione cum sobrietate per-
seuerantes, per filiorum generatio-
nem, huius vitæ ærumnas, sempiter-
na cæli felicitate commutant. Por-
rò tu Leonine, sententiam quam vis,
arripe, & in quam vis opinionem
eas, per me licet, dum hoc obtineo
ut tibi gratum esse audiam officium
huius epistolæ. Vale. Dola. xvii. Ca-
lend. Septemb. c i 3. i 3. LXXXIV.

Amico innominato.

LÆtitiā, voluptatēq; ex ado-
ptione dignitatis V. I. capere te
mea causa, gratum imprimis est &
honorificum. Sed cū re Neomy-
stam esse & vicarium parochum ais
in patria tua, mihi videris gratula-
tionis vicem reponere. Me amari abs

K 5

te

te, semper perspexi, nunc constanter te id facere, post quàm seiuncti sumus, accumulatè gaudeo, & iucundum est talem me habere disciplinæ alumnum, qui sanctitatis, pietatis ac honoris prodromus, sacerdotij decus præripueris. Hem! me hominem decursa triginta, vt opinor, annorum ætate, tam demisso esse animo, vt offerente pingue sacerdotium, qui eius potestatem habebat, non potui induci, vt sacris initiarer & tam frigidus fui amator, vt nulla hætenus puella quantumuis lepida, nuptiarum capistrum iniecerit, tamen si studiosè coniugij honestatem vt naturæ humanæ maximè conuenientem, sæpenumero meditantī. Demum, vt magis testatam mihi faceres beneuolentiā tuam, postulas, vt te inuisam quo proprius ostendas amoris tui necessitudinem, dicens, quem

quem

quem in litteris habuisti præceptorem, in consilijs te velle habere Nestorem. Si vitæ tuæ status nondum confirmatus esset voti nexu & facti olei inauguratione sacerdotali, procrastinandum iudicarem. Quapropter ex re nata consilium si polcis: cogitate nihilo tutius in patria quam peregrè sacerdotio fungi. Primus enim homo Adam cunctis beatitudinis numeris ac decoris honestamentis à Deo ornatus in Paradyso patria sua, præuaricando cecidit. Vide ne patrijs etiam delicijs delinquitus, præuaricando sacras constitutiones & Ecclesiæ decreta, cadas, neque enim temere ad tanti muneris dignitatem est accedendum, etiamsi fortassis lautior se obtulerit præbenda: quam vide nè simoniacè consequâre.

Vniuersa regio circa Quingeiū, fa-
 teor, amœnissima est, quam piscu-
 lentus Lupa super glaream, & saxa
 murmurans alluit, viridi prata ve-
 stiens herba & fontium perennitates
 de collibus, iucundo strepitu, gelidis
 vndis recreat. Memento quod terra
 Sodomorum Iordane amne irrigaba-
 tur, & erat sicut Paradisus Dei. Lu-
 xurians seges excelsos culmos pro-
 ducit, sed rarò grana folliculis clau-
 dit, in herbam sterilem nimia sterco-
 ratione abeunte semine, vt in pro-
 uerbum venerit, *Bona terra, mala
 plebs*. Sacerdos es annorum viginti
 quatuor, nescio an minoris, & Paro-
 chus. Omitto nunc Vicarij nomen,
 ne dicam Mercenarij, omnes tamen
 tui gregis & alieni populi, presbyte-
 rum & patrem quidem salutant: fac-
 sis quod audis. Equidem si me præ-
 sentem nactus esses, ex mea discipli-
 na, argueres præceptorem Dialecti-
 cè,

cè, vt, Inter duo extrema, est quoddam medium, sic quidam iuuenes sacerdotes presbyteri dicuntur. Esto, non Græcus, sed Burgundus sis presbyter, modò Apostolum audias Timotheum, & Titum instruente, Neque existimes eam doctrinam ad te non pertinere, quia Episcopatum non desideras: siquidem plebis tuæ Parochus factus, eiuldem es Episcopus, id est, Speculator in Ecclesia Dei quam despondisti. Ad eam prouinciam benè regendam magni momenti erit cōsiderare, quem gradū teneas & quam personā tu tibi imposuisti, Et si non queas, oculos vltra capitis verticem tollere, vt locū vnctionis & tonsuræ contemplando, memineris tui, tamen te admonitum censeas, cū digitos, qui semper in conspectu tuo sūt, aspicias, qui ad corporis Christi contractionem sunt sacrati; & putres esse pronunciatum, vt diuino Iu-
di-

dicidamnum præstes, quoties aliquod membrum nequitie prostitueris. Fuit quondam Philosophus, cuius nominis nunc non recordor, qui rogatus cur plerisque prolixiorē nutriret barbam, respondit, ut cum ea suis semper in oculis esset, nihil indignum eo ordine ac statu, quem profitebatur, committeret, iisque canis qui auctoritatem adferebant. Deterrebit etiam habitus, quo à plebe es secretus ne vulgi vitijs penetrabilem te præbeas: ne in te quadret, quod Deus per suos Prophetas exprobat Sacerdotibus Iudæorum, *sicut plebs, sic & Sacerdos, omne cor marrens, & omne caput languidum.* Non audias eos qui nequitia suæ patrociniū arripientes, satis castè se viucte iactitant, si cautè flagitia regunt: Væ qui condunt leges iniquas, Paris farinae tibi sint, qui peccata facientes æqualia, fornicationem Sacerdotis

tis

tis & Prophani eadem examinant
trutina: Hi sunt Magistri prurientes
auribus. Tu autem factus es sal plebis
tuæ & omnium oculi in te coniecti
sunt, quia tibi dictum est. *Pasce oves
meas.* Tamen si ex mea disciplina ab-
iens, Theologia non es imbutus. ut
Ecclesiastem agas: hortor tamen, ut
sacrarum litterarum studio, hoc o-
tium quod nactus es, impendas: &
aliquid ampliùs, quam id quod vos
pronam appellatis, e suggestu pro-
nuncies, de historia eius Evangelij
quod in missa legitur. Satis multa di-
cit, qui satis apta: & satis apta dices,
si satis præmeditata: primum breui-
ter ac modicè, donec de te facto pe-
riculo, & peritorũ iudicio, sine cor-
ticè concionaberis, sicut ego te de-
clamare priuatim & publicè docui.
Dum verba tua audiuntur præsta ut
facta videantur paria. Sacerdotis tẽ-
perantia plebis est instructio ad pic-

tatem. & vitæ meritum ædificat: cui
si accedat consonans viua vox, opus
Pastoris impleuisti. Commeffatio-
nes fuge quia sanitati noxiæ sunt, &
moribus bonis inimicæ: venter me-
ro æstuanus, citò despumat in luxuri-
am. Vbi sacrarum litterarum eris de-
fessus, honesti operis succedat labor,
cuius ter maximum illum Paulum
non puduit. Quibusdam pictura, vt
tacita poësis, est cordi: alijs herbarū
cura: quibusdam Geometria. non-
nullis tapetum textura: sed in primis
optimè meretur, qui formandis, eru-
diendisque pueris operam nauat. Fe-
rarum venatio tibi pontificalibus le-
gibus interdicta est, ad exemplum
Esau: ne etiam irrideant te tui &
pro Diacono & Subdiacono, comi-
tatum dicant Molosso & Melampo.
Nullam aleam tuę terant manus, ne-
que eam versantibus assistas, propter
infamix notam ei. Iusui Pontificijs &
ci-

ciuilibus legibus inuſtam. Tabellio-
 natum non exerceas, neque ciuili-
 bꝯ negotijs perſcribendis auctorem
 te præbeas, In componendis cōtro-
 uerſijs, vbi pietatis opus eſt, aut mi-
 ſerabilis perſonæ cauſa agitur, voca-
 tus ita adſis, vt Iuriſperitus, quod trā-
 ſactum erit, in formam inſtrumen-
 ti redigat, ne imperitia artis lapſus, ex
 vna aliam litem trudas, & incautè
 concepta concordia, nouæ ſemina-
 rium ſit diſcordiæ. Legēs hiftoriam
 veteris Teſtamenti, confidera re-
 gionis Iudaicæ illam fertilitatē, mel-
 le vbertim & lacte ſtillantem, præ ca-
 ſterilitate, quaiam in ea

Infelix lolium & ſteriles dominantur auena.

Confidera, qui olim in ea principum
 fere pientiffimorum dominatus, &
 quæ nunc Barbarorum in ea pluſquā
 ferrina ſtatio, tecūmquē ſic

*O domus antiqua quàm diſpari Domino do-
 minaris.*

Tu

Tu pariter oculis lustra, ac mēte reuolue excidiū Christianæ Religionis emissum in vicinas ciuitates, cōsque populos à quibus per vniuersā Galliam, tanquam ex incunabulis, solida fides, ac æternæ salutis elementa nata, sunt diffusā. Considera Gebennensium, Basileensium templa, in quibus tot ac tanta elucent antiqui ritus vestigia, quæ nunc omnia sunt sine aris, sine sacerdote ac sacrificio. Causam deme Religionis: anne tibi videtur nostrorum hominum vita innocentior? Non vides, quòd nostris finibus, explosa temperantia, modestia, iustitia, pietate, charitate: voluptati, superbix & iniquitati vbique omnes portæ patent? Nonne & merito audimus *Populus hic me labijs adorat, cor autem eorum longè est a me?* Quin & ipsa Metropolis Bisontium non sutorum Pastorum vigilātia, neque magistratus fortitudine, sed

Prim-

Principium Burgundiæ potentia in soliditate antiquæ religionis perseverat, cui ego ad sentes extirpandas suscitari opto aliquem Boromæum vel Bonhomium. Cæterum quod illi in amplissimis ciuitatibus, totaque Diœcesi gesserunt, tu in tua Parochia imitari potes. Porro dices, Nos eorum Ecclesiæ Episcoporum statuta synodalia præ manibus non habemus, Agedum, si Ouidij alijque otiosis hominibus ad perniciem & delectamenta nati, sumptis alis Alpes superarunt, cur illi libri, à Cardinale Boromæo ad Ecclesiæ restorationem in lucem venerunt, iisdem pennis ad manus tuas non curas deferri? Gentiliū libri in tuo musæo si fortè conspiciuntur, cur locum non habet œconomia Ecclesiastica ab Ioanne Francisco Bonhomio ad Sacerdotes sui Episcopatus scripta.

In

In horum aula omnes boni hospitium fortiuntur, & Christiani Sacerdotis elucent exempla, nulla conspicitur mulier, quouis affinitatis aut sanguinis prætextu. huic cùm comes essem legationis in Heluctia in visitatione Prælatorum, sæpe dicentem audiui, Quid facit mulier in domo vel mensa Episcopi aut Abbatis? si pauper est, potes ei foris benefacere. Tu si aures habes, audi, me ama, & roga Deum pro me, in Missæ sacrificio, & singulari Missa pro expiatione meæ matris nuper vita functæ, operare. Vale.

MAN-

MANFREDO ARENBACCHIO.

Petrus Milenius à te ad me venit, & abiit: nescio an iracundus, an ludibundus. duo proposuit, & quidem remotissima à se inuicē: ad quę respondere me postulauit tempore non satis congruente. Vnum erat, quæ res hominē solida afficeret lætitia, alterum ob quam causam hominū vulgus in sacris Missæ myste-rijs (vt vsus comprobatur) potius of-ferant. Ad hæc ego, Valdè disparia Mileni non pari tēpore edoceri de-sideras. ille contra, Vale doctor, in-quit, absque libris. & illicò se propri-puit, euanuitque. Hanc subitam ab-itionem & interrogandi importuni-tatem ridiculam, concedo familiari-tati, qua inter nos vtimur. Ceterū quia

quia animū induco cum à te esse sub-
missum, idcirco ad te scribo. Et in
eam opinionem venio, quia in hortis
Calionis, cū essetis, nudiustertius
à meridiē, vbi ego propter occupa-
tiones inuitatus adesse nō potui, va-
riæ quæstiones in disputationē pro-
ductæ & agitæ magno sunt cōten-
tionis æstu: & fortè cū in hæc duo,
non fuerit argumentorum consen-
sus, meam professionem explorare
vobis lubet, tuo pudori pertinacem
Milenij fidentiam obnubendo. Sed
quis ego sum, quem vos consulitis,
Doctor absque libris, qui si in ma-
gna copia afforent, fulcire vestram
non possem Academiam, aut certius
aliquid dicere, quàm vos disputa-
stis. Enitar tamen & in symbolum a-
liquid dabo, tametsi forte id tale sit
futurum, quod à tuo iudicio prorsus
abhorreat, & in quod nullus vestrū
incumbere, vel assentiri velit; quod
si

si tanquam παραδοξον excludendum esse putabis, æquabilius tamen ferre debes, quia proprij sensus putabis esse eius Doctoris, quem absque libris esse ridetis. In prioris quæstionis itaque hæretes vestibulo, hoc sit exordium, definire quid sit lætitia, ne tenebricosus ingressus in maiorem obscuritatem progredi faciat. Cicero itaque in Tusculanīs, multos affectus lætantium describit, qui omnes catenati, huiusmodi possunt excludere definitionem: ut lætitia sit exultatio animi, se prodens ex opinione præsentis boni. Tantùm autem differt à gaudio, quòd in sinu pectoris hoc se contineat, & nullo iudicio efferatur. Lætitiam, quæ extra gestiēs, animi motionem ac perturbationē parit, Stoici in sapiente esse negant gaudium verò ei concedunt. Quid igitur, inquires: an stulti sunt plerique nostri æui ytriუსque ordinis homi-

mi.

mines, qui vulgò sapientis nomine censentur, qui captis honoribus, diuitijsque, quæ aucupabantur, exsiliunt, & si quis est, qui Martialis beatitudines nactus est, & ob id exsultat ac gestit, cum sapientum concilio excludemus. Certè nisi Christianis alius datus esset Paracletus, ego eam solidam arbitrarer lætitiā, quæ per accumulationem tantæ beatitudinis oboritur. Ceterum cum in hoc orbe terrarum præterita bona sui desiderio relicto pungāt, præsentia citò rapiantur, futura expectationem fatigent, vnica mihi videtur solida homini, si qua est lætitia, mētis sibi bene consciæ, suoque Creatori reconciliatæ exultatio: vt cum Propheta Rege dicere possit homo, *Latatus sum in his quæ dicta sunt mihi, in domum Domini ibimus.* Et cum Matre Virgine. *Exultauit spiritus meus, in Deo salutari meo:* Et rursus cum

Da-

David. *Auditui meo dabis gaudiū & latitiā, Redde mihi latitiā salutaris tui, & spiritu principali confirma me.* Hæc est lætitia, quā Christus migraturus ex hoc mūdo, tāquam tabulis vltimæ suæ voluntatis obsignatis, dedit suis discipulis, quādo ait: *Hæc locutus sum vobis, ut gaudium meum in vobis sit, & gaudium vestrum impleatur, gaudebit cor vestrum, & gaudium vestrum nemo tollet à vobis.* Altera est de oscitatione quæstio. Et primum quidem hic statuamus, oscitationem esse oris apertionem ex evaporatione stomachi; vel vt alij; oris hiatum ex somno vel tædio. Tu elige, meam vel alterius definitionem. in id vtrique conueniamus, quod olim apud graues Romanos oscitatio in vitijs fuit: adeo quòd Censor oscitantem in Curia, in publicis negotijs senatorem notauit, propterea quod oscitauisset, præbens argumentum, quòd ea quæ

L

age.

agerentur, ad Reip. salutē, ei parum curæ esset. Ego, ut dixi, autumo oscitationem non semper ex somno trahere originem, vel ex tædio, sed ex vētriculo eduliorum cruditatem efflante. Audio quemdam ex his, qui huic Academiae hortulanæ interfuit causam tam ineptæ oscitationis in sacris Mysterijs obuenientis retulisse ad Diabolorum insidias, quia huic imprimis inuidēt sanctimonix, quibus non satis est ex multorum hominum corde eam sustulisse, quin Christianis quoad possunt eis oscitantes, faciunt interesse. Alius fuit, qui ex contagione mutua & quasi transictione vel ex traduce, oscitationem ab vno ad plures, qui in eodem sunt cœtu, deriuari opinatus est, & id ab experientia non planè abhorret. Adde nunc, si lubet, meum sensum, nimirum quod oscitatio in sacra missarū solemnitate, magis oritur in plebe
quo

quotidianis laboribus defatigata, vel domesticis curis distentis hominibus. Et quidem hoc vulgus, ob causam dictam, aut tepet, aut aliquid cogitat, sacris dum interest. Tunc is torpor religionis vel hebetudo, ubi ad numinis præsentiam adorandam, per nolæ sonum excitatur, oraque antea ad preces clausa aperiuntur, omnesque fibræ cordis opem præstat officio, exitus stomachi vaporibus prius occlusus per somnolentiam, patens, etiam inuitis erumpendo, oscitationem gignunt. Et sanè quibus hoc accidit, argumentum præbent nullas antea sese in ore habuisse preces, sed quasi ex somnolentia excitatos, orare admonitos se esse. Habes quid censeam. Vale, Dola, Nouéb.
CIC. 12. LXXXII.

IACOBO MOLANO.

VT in biuio viator, sic animi dubius hæreo, in Belgiúmne redeã vitam terminaturus, an procul à patria in his oris, vbi parata amicorum multitudo, propinquorum ac consanguineorum vicem reddit, & contracta est cum regionis genio familiaritas; offerente sese ad litterarum ocium ac vitæ splendorem fortunâ, Perhorresco contrà cogitans à tempore, quo abij, bellis ciuilibus hîc omnia esse immutata, vt præter muros vrbiũ & habitationes, quibus Maris furor perpercit, nihil cernas priscorum morum. qui optimates nuper ac optimatum filij, nunc infimi: & contrà qui sordidi & expopina orti, ad fastum ac opes elati, versutia vel peculatu, ita, vt nihil mirum, si ipsos non agnoscas, qui præ
va.

vana gloria, seipſos non capiunt. hos ſequitur Mercatorum vulgus ac plebs per ſtoliditatis veſtigia, exoticorum morum æmula, vt vix quiſpiam ſuo appelletur nomine, ſed Domini aut Signorij. ita blandiuntur ſibi homines, etiam quibus nihil ſui eſt in belli miſerijs, vt indignentur, niſi hoc fuco, vel ſaltem pluraliter appellentur ſinguli. Non eſt cōtemnendus in dubijs augur metus, quem auget matronæ primariæ diuination, aſſerta ab homine mihi nōro & Etruſcæ diſciplinæ perito, vaticinante me multa aduerſa paſſurū in patria. Idem experimentum euētus prædixit in diſceſſus mei veſtibuſlo, imbrem, pluuiam, ventum, aliamque aëris inſolentiam qualem anni tempus terre non conſuevit. Ægrè diuellor hinc, plurimis de cauſis, quas omnes epiſtolæ credere non expedit. Si me faller eorum auctori-

tas qui in patriam vocant, vel si promissis abeunt, ex rebus prosperis confirmatisque in perpetuas tempestates ac ærumnas vitæ meę reliquias conijcient: fata tamē sequamur nostra, quæ Deum sospitare rogo. *ΜΥΝΕ ΠΟΙΩΝ* iamdudum ad te misi, cum Dolæeram, musicales meos libros, quod fortè non est sine prælagio, quia ad luctum vado, vbi nec liberè fortè licebit iocari, nec suspirare familiariter. Qui sunt reliqui libri, sūt pauci, inter quos Wesëbecquius, Misingerus, alijque Iuris interpretes, quos sic omitto, vt si non redibo, eos vindicare possis, & vbi sint, indicabit Bouerius. Vale, fortè in omne æuum. Graijs. CIO. IO. LXXXV.

Illustri

Illustri ac nobilissimo Domino

GVILIELMO DE PAMEL

*Equiti, & in ordine supremo
in Belgio Præsidi.*

CVM publicis Philosophiæ,
humanoriorumque studiorum
prælectionibus aliquando essem li-
beratus, regijsque solutus stipendijs
(Amplissime Præses) te hortante
maximè, retuli me ad Iurisprudentiã,
quæ intermissa à me eo tēpore fue-
rat quo neque mihi utilis neq; Reip.
salutaris esse poterat cūm, iustitiæ lo-
co sūma dominaretur iniquitas, pro
religione sacrorum omnium scelera-
tissima profanatio vigeret, & euer-
sis pacis ac ocij fundamentis, per sin-
gula Belgij oppida, calamitosissima
ex inferis emissa exsurgeret bellorū
tempestas, effundente sese omnium

L 4 malo-

malorum ac vastationum Oceano infestissimo. Ex cuius studij serotina semente, si quem fructum cepi, tibi ante alios præcoces primitias offerre merito debeo, qui humanitate singulari, saluberrimisque adhortationibus, iacentem animum meum, ex desperatione rerum, quam tristissima temporis facies afferebat, erexisti. Quid enim non tuæ vocis auctoritas poterat efficere, cuius ob os Belgæ ora obuertunt sua? quæ, postquam longo tempore in Mechliniensi Senatu sententiam moderatus es, iterum Flandriæ honore auctum Curia Præsidem excepit? Ad extremum dubijs istis temporibus, qui summus est honoris gradus, te amplissimi Concilij, potentissimus Hispaniæ Rex principem nominavit. In quo fastigio dignitatis constitutus, plures annos tanto animo & cura versaris, ut in publicis negocijs labo-

labore, in agendo industria, in providendo consilio, in periculis fortitudine tecum comparari nemo queat: tanta verò fide, ut si pro Belgij pace, vita tibi ponenda sit, tecum præclare actum putes. Non est itaque sine fruge præteruecta aures meas tua admonitio, sed menti inhæsit ac memoriæ, breuîque cum Iurisprudentia in gratiam redij. Quod quidem adeo factum est, ut qui publicarum disputationum solebam præsidere arbiter in Academia Dolana, nunc in imis subsellijs ad Magnifici Rectoris pedes, hæc utriusque Iuris proposita, meo periculo agitanda, vniuersis in hoc studio currentibus exhibeam: & in priuata vita, & in Magistratu boni fungens ciuis officio. Qualem me futurum aliquando hominum mentibus inferre facile potero, si hoc officij genus, quo tibi obsequi conor, tibi viro No-

bilissimo, summa grauitate ac constantia, virtute autem tanta prædito, quantam alius ad istam dignitatem afferre nemo posset, gratum esse cōspexerint. Quo ciues nostri credent potuisse ciuilibus bellis alteri patrimonium, indolis verò ac pater-narum virtutum, debacchantes fortunæ iniuriam, ne vnā quidem vnciam ex toto asse valuisse detrahere. Et quamuis hæ theses, quæ clarissimi nominis tui protectæ alis, in lucem venerint non sunt munus tuorum meritorum magnitudine, atque præstanti excellentia dignum, magnopere tamen Amplitudinem tuam rogo, pro ea humanitate, quam à natura coniunctam cum summa dignitate habes, vt boni consulere velis, quo fiet, vt progrediente ætate, maioribus officijs, multiplicatisque obsequijs tuam bene-
 uo-

uolentiam demereri omni studio ac
beneuolentia & audebo & exsequar
Vale. Dola. Cal. Augusti c10. 10.
LXXXIV.

*Finis Epistolarum I. Iod.
Deculeonis.*



IVSTI IODOCI
DECVLEONIS
 CORTRACENSIS
 CARMINA.

MARCO BALCIO
 S. P. D.



*AEPE superuacuo describi
 tempore amores,
 Marce, petis, Musis semper
 amate sacris.
 Nec mea vis Stoicis scriban-
 tur carmina verbis,*

*Ast versu etati conueniente mea.
 Nos malesuada urget scribendi innata cupido,
 Artibus et mens est ingeniosa suis.
 Ipse quidem possem iuuenum describere luctam,
 Oraque quae nimius pallida fecit amoris*

Sine

*Siue quodd huic studio multum sit prona inuentus,
Siue meis verbis par foret illud opus.
Nulla est, crede mihi, puppim committere ventis
Gloria sed contrà quàm rapit unda, vehi.
Non etiam est virtus, quod nos trahit impetus, ires
Ast animi illecebras vincere posse sui.
Scribere nil prodest, quod damnet ruga senilis,
Quódque relecturo caussa ruboris erit.
Non ego Parnassi fixi sub montibus altis
Sedes, Aoniæ nec iuuat usque solum.
Fortè dies aderit quando hæc scripsisse pigebit,
Et tremet auctoris pagina iudicium.
Cùm nec erit curæ numeros seruare poetæ,
Nec voluet certos mens operosa pedes.
Et tum fortè alia nomen quæretur in arte,
Nec capient animum, quæ placuere modò.
Sæpe diem tardis labentem absumimus horis.
Scribendo latio carmina facta pede.
Attamen haud plausum populi exspectamus in illis.
Et nihil arroso scribitur ungue mihi.
Sed modo si tristes Nasonis volo libellos,
Erumpunt elegi, carmen inerme, leues.
Et Lyricus nostras vates si perculit aures,*

Aptaur

Aptantur fidibus plectra sonora meis.
 Moxque humili stylo sequimur vestigia cygni,
 Quem liquidis natum Daunia fons aquis.
 Tullius eloquij fons est mihi sumptus : in illo
 Mox probat ingenium verba soluta meum.
 Pagasidum oblitus subitò, atque Helicone relicto,
 Persono clamosi grandia verba fori.
 Tum meipsam miror, cum nec Libetrides ipsa,
 Castalij pectus nec leuet unda meum.
 Post obitum studij speramus nomen honesti,
 Cuncta nec ad manes corporis umbra feret.
 Sed non Christicolis eadem quæ cura profanis
 Vatis, ast vacuos nos decet esse nota.
 Feruida sponte ætas vitio sua pectora laxat;
 Est labor affectus continuisse suos.
 Postmodo erunt tardæ solatia senectæ,
 Parcè nequitia succubuisse vagæ.

IOANNI SYLVIO.

I Anus adest nobis, duodenis mensibus ætis
 Principium taciti temporis annus init.
 Hactenus oppositam radios deflexit in oram
 Cynthius, Aethiopum regna calore premeus.
 Dum—

Dúmque procul positus transfundit lumina cursu

Obliquo, et volucres terga dedisti equi,

Mox spatio breuiore dies sese occulit umbris,

Nóxque venit celeri præcipitata pede.

Nunc verò aduersos rursus depromere vultus

Incipit, inque orbem nunc nouus annus adest.

Lætus ades, faveasque lubens, Hyperione nate,

Auspicijsq. bonis exere dulce caput.

Tempus adest docti quo consueuere poetæ

Pignus amicitiae mittere quisque suæ, (pollo

Quando animus, tempusque iubent mihi dexteræ

Adsis, dic sacro prospera verba die.

Dum iuuat, et veterum sequimur vestigia vatû.

Omine fac fausto nunc mihi carmen eat.

Syluius est Latiam docto moderamine pubem

Qui regit et pueros instruit arte rudes.

Quamlibet exiguo hic donandus carmine, namq;

Hoc probitas poscit, dos quoque rara viri.

Munera det magnis opibus conformia diues:

Nostra venit proprijs musa referta bonis.

Sit fœlix, semperque cadat felicion annus.

O vir Pierij gloria magna chori,

Nullaque lux atris veniat tibi fusca lituris,

Solque serenato proferat ore diem.

Quam

Quàmque tibi vnanimus thalami concordia iūxit,
Vxor, sit longo tempore iuncta, precor.
Filius est maior patriæ non degener artus,
Est minor Aonijs deditus vsquē sacris.
Per quos vita tibi maneat post fata superstes,
Nomina longæua posteritate geras.
Pérque tuos titulos censebitur ordine longo
Progenies, auidos effugiétque rogos.
Viuáque cum Stygiæ scindent tua filia sorores,
Gaudebit proauis nomen habere nepos.
Moribus hic studeat virtutem æquare parentum,
Nulla tuum inficiat per malefacta genus.
Tarda senectû tibi lentis accedat & annis,
Quod superest vitæ molle sit omne tuæ.
Concedant Superi patria condatur arena
Corpus, ubi æthereo lumine cassus eris.
Filius & pullo genitoris funera cultu
Persoluat, comes & sit sibi terna soror.
Sæpe pias lacrymas fundant ad busta parentis,
Votâque sint precibus sæpe iterata nouis.
Spiritus æthereas scandat sublimis ad auras,
Sors tua cum iustis sit tibi iuncta viris.

EPI-

EPITHALAMION

I A C O B I E M P I N I ET

Petronellæ Sylviæ.

L Vcifer Eo tandem produxit ab ortu
 Tam letum, niueúmque diem, quo federe certo
 Pérque datam, acceptâque manum, socialia vincla,
 Pérque sacros ritus, maturis nubilis annis
 Syluia connubio Empino, dignisque Hymenæis
 Traditur, emeritos vitæ ut secum expleat annos.
 Hunc rutilo vultu, (quo nubila cuncta serenas)
 Christe auihus lucem facias procedere dextris.
 Felices epulas, felicia pocula præbens
 Hospitibus, quos coniugij præuncia leto
 Omine diuersis fama huc exciuit ab oris.
 Túque adeo, virgo forma spectabilis inter
 Mille nurus, iuuenili ætate et mille puellas,
 Pectoris et niuei dignâ gravitate decora,
 Qua non ornatu prior est gressûque decenti,
 Fax iuuenum atque tui non ultima gloria sexus.
 Audi, nec renuas virgo aures, dicta reconde
 Pectore nostra tuo, rapidis neu trade procellis.
 Nulla tibi cari obuerset nunc cura parentis,
 Blanda relinquenda subeat nec matris imago,
 Omnes

Omnes ex animo iam iam depone propinquos
 Flamma noua excutiat veterem de pectore amorē.
 Longè alias quatit ille faces, aliūsq̃ue Cupido
 Sollicitat, quem iam thalami data dextra fecit
 Consortem Cytherea suas & pronuba Iuno
 Edocuere artes, socialis munera uitæ,
 Hunc oculis animoque pio complectere uirgo,
 Nam redamat: non in cassum per inane vagatur
 Spicula, quæ geminis blandus iaculatur ocellis,
 Inque tuos vultus, faciesque animūsq̃ue moratur,
 Turbat amor, totūsq̃ue tuo dependet ab ore.
 Hunc dominum, sociūmq̃;tori venerare, nec impar
 Officio studiōque tibi concedet honoris.
 Excute virgineo mæstas de pectore curas,
 Nec desiderium tangat sine fine tuorum:
 Ipsa vices patris cari matrisque replebit
 Adnascens soboles, vestrâ quæ ludent in aulâ.
 Sparge Empine nuces, dulcis tibi ducitur uxor,
 Quam decorat lepor, eximia & bona gratia forma
 Sunt vestes auro insignes, & murice tinctæ
 Purpureo, atque animus cultu formosior ipso,
 Illam etiam comites Nymphæ & prudentior ætas
 Miratur matrum, ex humeris pendente capillo,
 Ornatus qualis Helenæ Venerisq̃ue decoræ,
 Quan-

*Quando effusa comas mensam accessura Deorū est,
 Felices nimium Superis gaudentibus ambo,
 Inter Flandrigenas sponsa es pulcherrima Nym-
 phas :*

*Flos iuuenum , flos sponse virūm , lumēnque iu-
 uentæ es.*

*Non par Hannonias inuenta est forma per urbes,
 Viuite felices, thalami nec vincula Erynnis.*

Nec Stygiæ insano dissoluant lite sorores:

Viuite: duxerunt felicia stamina. Parcæ.

GENETHLIACON

PETRI GRANGII.

T*Ete ego, parue puer, primum nunc edite in
 auras.*

Aethereas quamuis alij maiora pararunt

Munera, carminibus grato et modulamine Musæ

Excipiam, Aonidæsq; Deas in vota vocabo,

Laudatâsque Arabum fruges et thura Sabæa

Nostra hæc larga manus sacras adolebit ad aras,

Mæq; reum expediam votis, quæque ore sponendi,

Perfoluam promissa lubens, queis matræ in aluo,

Hæc apud obstrinxi, nos auersantibus astris,

Dum latitas, nouies et crescunt cornua lunæ

In-

Integra, maturo & tu partu nasceris infans.
 Libera te peperit mater mundo, omine læto:
 Salua est illa tamen, sic dīs voluentibus, & te
 Saluum tota domus lætis amplectitur vlnis,
 Miratúrq; parens proprios vultúsq; oculosq;
 Corpori inesse tuo, flauósq; in vertice crines:
 Atque suam & nati formá spectánsq; vidénsque,
 Gaudia vix reticens ingentia continet intra.
 Ferte citæ flores famula, exonerate canistris
 Lilia cum violis & purpureis hyacinthis.
 En vobis studio vigili, multóq; labore
 Vtraq; collectos Anna atq; Lucretia odores
 Expediunt calathis, nectítque Isabelle supremo
 Caule rosam intexens folium frondentis acanthi.
 Tota operi domus incumbit, te ut fonte renatum
 Excipiat Christi, pompa comitante celebri.
 Ter felix pugio es, quem cunctis casibus ipse
 Rex superúm eripuit clemens, purúmque lauacro
 Reddidit & veteris tergens vestigia culpæ,
 Sedibus asseruit cæli æternæq; salutis
 Participem faciens, aditus reserauit Olympi.
 Regnatorem Erebi, ac humani sanguinis hostem
 Sit vicisse satis; pergas precor omine dextro,
 Auspicijsq; bonis reliquum bene perface vita.

Vtq;

*Utque tuum vires corpus crescentibus annis
 Accipiet, membrisque vigor sese ingerit alter,
 Sic mens sollicitis dum nondum obnoxia curis,
 Artibus ingenuis studiisque exulta Minervæ,
 Incrementa rudis capiat, memorandaque virtus
 Estimulet, Stygijs quæ nunquam mergitur undis
 Hac duce carpito iter vitæ: his modereris habenis.
 Seu fortuna ferox, bello te adversa laceffet,
 Seu vehet ex humili summa ad fastigia rerum,
 Clara tua infami haud maculabis nomina vitæ,
 Iusque coles solo inductus virtutis amore.
 Vnde tibi labenti ævo cum tarda senectus
 Accedet, sensim gelidis & tempora canis
 Inficiet, solamen erit mens conscia recti.
 Et tandem veniet vitæ cum meta suprema
 Hanc animam emeritus fato meliore refundes.*

De quatuor Anni Temporibus.

Vidi recenti prata virescere
 Fronde atque puro gramine, cum fuit,
 Musis voluptati atque Nymphis
 Rura per ire pedem rectectis.

vs-

Vſſitque Phœbus ſub cane feruido
 Mundum, æſtuosis imperijs equos
 Vrgens ubi efflat Cancer ignem,
 Inque ſuo dominatur orbe,
 Tunc cum marito inter nemorū comas
 Sedere gaudet nupta, ſub uvidis
 Captare ripis umbræque opacam,
 Ad fluuij ſalientis undas.
 Vides ut altis arboribus coma
 Vix hæreant, quin vertice ab arctico
 Percurrit vrbes atque rura
 Sape graues minitans procellas,
 Ventus nec ullam ſedibus in ſuis
 Stantem videbis tempore hirundinem
 Breui, remotas cuncta abibunt
 Quaque alius repetente terras,
 Non pauci Iberi fluminis alueo
 Conſidere optant, atque ſub Alpibus;
 Multa ſuum ponent cubile
 Aethiopum calidis in oris.
 Sol nunc reſtaſ ſub pedibus domos,
 Viſurus intrat, regna quid India,
 Sub vrbe quid Nigrita nobis

Op-

*Oppositus faciat rubente.
 Terrena nuper horrea frugibus
 Replens auarus rusticus optimis,
 Rursus parat tellurem acuto
 Scindere versicolore aratro,
 Arcto recedens tramite solvet at
 Sperare veris tempora, sed dabit,
 Pro floribus frigus niuésque,
 Pro Zephyro Boream furentem,*

AD ANDREAM BALMONTIUM
 meditantem nuptias.

Ronfini letis tibi quando ab oris
 Nobilis sponso veniet puella,
 Qua tua cura placidoque finem
 Ponat amor.

Non ego sylvas rigidâsque rupes
 Duxero, aut imam cytharædus arcem.
 Moliar Ditis penetrare, amici at
 Flectere sponsam.

Qua velut lato salit agna campo,
 Dextra Balmonti tua si inolescens

Per

264 I. DECULEONIS

Per iocum capiet, renuitque tactus

Virgo viriles.

Heu nimis sauis Cytherea adurit

Ignibus renes, liquida medulla

Implicans flammam, iuuenum perita

Ludere sensus.

O nimis grandis feritas puella,

Quae vocas pubem placidis ocellis,

Ludis attractam, catus ut miselli in

Funere muris.

Nos velut nacta vitulum leana

Fallis, ast viuas memor, ô Deorum

Vindicum; Minos Cererisque quaret

Filia crimen.

Ad Lud. Hamum pictorem.

O solers Iuuenis tibi

Qui primus simulacrum Veneris sua

Arti credidit & Deam

Obscuram eripuit fluctibus aquoris,

Certavit minimè, siet

Quantumcumq; potens ille coloribus

Mixtis

*Mixtis ducere imaginem,
Et regum exanimem fingere pulverem.
Nuper vidimus ingeni
Istius monumenta. artificii manu
Commissum tabula nemus,
In quo semid eos iustica Numina.
Vnà cum Dryadum choro
Faunos cum Satyris iunxere dexteras
Conspexi & celeri pede,
Quassantes ter humū sternere gramina
Ad curua strepitum lyra.
Quanam vis animi, quæue potentia
Quis mentis vigor, ut Deum
Naturam referens, artibus æmulis,
Doctus pingere lineis,
Humanum valeas corpus, ut inferis
Subreptum dubites? inest
Forma tantus honos, tantæque gratia,
Ut nunc ore putes loqui,
Nunc verbum tacitis ducere nutibus.*

M

AD

AD IOANNEM NEVCLEVM.

S Perne Persarum nimium fugaces
 Diuitum gazas, malè comparata
 Dote sectari renuas puellam

Æquus amator.

Tyndaris crines redimita gemmis
 Traxit auratis Helene superba
 Dardanum sponsum, Phrygijsque vitam.
Credidit vndis.

Dissipat frenum imperiosa coniux,
 Legis acceptæ impatiens ingalis,
 Contumax lentam facilis mariti
Excitat iram.

Compari viues sociâ beatus:
 Illa non discors opibus, benignam
 Respuet pacem, sed amica casto
Fœdere amabit.

Encomium Urbis Cortracenæ.

O Urbium quas Flandria continet
 Ocelle non te vicerit æmulis

Colla-

*Collatum aquis Tibur, vel vda
AEmonia celebrata Tempe.*

Nam te trifulco diuidit alueo

Lisa, & silenti murmure perfluit,

Non aestuosi more Schaldis,

Di tibi delicias & agros

Dedere pingues & varias noua

Fruges adultas condere in horrea.

Dedere qua pulchris iuuenicis

Pascua sufficiant alendis.

Gens Neruiorum posteritas grauis

Isthic, Penates sacra ferens Patrum,

Sedes locauit, proximoque

Fœdera cum populo peregit.

SUPPLICATIO

pro Commensatione nauali
Cortraci.

Vitrei Lise pater atque rector.

Sine tu ponti domitor seueri

Tethios coniux, sate seu Deorum

Semine Nereus.

M 2

Vosque

*Vosque qua dulci imperitatis unda
Praesides Nympha, quibus est voluntas
Membra Lyzali tetigisse lymphæ,*

Et per opacas

*Arborum frondes agitare ripis
Flexuosis multiplices choreas,
Et sub umbrosis iacuisse lucis,
Crine soluto.*

*Vos puellarum iuuenumque cœtus
Flagitat, vestro auspicio ut per amnem,
Luce tam festa liceat paratam*

Ducere nauem.

*Pallidæ quidnam pauidæque ripa
Virgines statis, neque vos carina
Creditis mecum, viridiq̃ue plantas*

Tollitis herbâ,

*Solus occasu Zephyrus pererrat
Æra, & leui mouet ire flatu,
Pleiades ponto occubuerè, & vodus
Mersus Orion.*

*Lineam umbellam socij explicatè
Solis arcentem radios ab ore
Virginum & stella ferientis æstus*

Mitiget

Mitiget aura.

*Præsides prora & Venus alma puppi,
Gaudet admitti iocus atque honestas,
Et pudens Bacchus, Cererisque Numen
Melpomenèque.*

**Ad introeuntem Musæum
parænesis.**

Iste nouem Musis locus est & Apolline dignus,
Est facer & Nymphis, Gratia blanda, ius.
Hic sua Pierides subtili carmina voce
Distant, argutam & tangit Apollo chelim.
Fætibus ingenij hic enixis uiuere multos
Cernis, qui effugiunt per sua scripta rogos.
Quisque suæ mentis promit pro uiribus artes,
Percupidus uitæ extendere gesta sue.
Adspicis & longo positos ex ordine libros,
Materiamque suam quodque tuetur opus.
Hic blandis elegis, grandi canit ille cothurno,
Est qui Mæonio carmina more facit.
Sunt quoque qui pedibus gaudent sermone soluto.
Scribere, & eloquio fundere uerba graui.

*Par studiū est cunctis, magna est præstantia scripti,
 Et celebres hominum cuncta per ora volant.
 Esto memor, quicumque hospes pede limina trāsīs,
 Pérque sacrum Musis, isque redísque locum.
 (Vlla tibi Aonidum si sit reuerentia cætus,
 Musáque si studijs haud aliena tuis)
 Non hic lasciuo gressu, salibúsque inhonestis
 Obstreperere aut multa garrulitate loqui.*

PRO GALLO GALLINI
 ceo oratio habita Dolæ in Aleætryo-
 machia, PETRO PEROTTO
 puero declamate.

F Inibus in longum, quâ se Burgundia pandit,
 Seu consanguineos Germanos spectat ab alta
 Rupe & in Oceanum, properantia flumina Rheni
 Quâne Arar iuuissas Francorum terminat oras,
 Aut Rhodanus medium solis defertar ad axem,
 Gloria nota quidem galli, memorandaque virtus,
 Exiguum sentit tam magnum laudibus orbem.
 Esse suis generis que sui, de gente volucrum
 Stemmata clara satis, linguæ non indiga nostræ,
Eloquio

Eloquio ut crescant laudati & voce triumphi.
 At quia quisque tamen gaudet sua facta referri,
 Atque animos addunt tituli & virtutis honores,
 Vos unquam studio merito, si facta favore
 Fortia iuivistis (Iuenum spectata corona)
 Ut superantem omnes volucres victricibus aliis
 Gallum, atque astuto sævi stratagemate belli
 Vincentem, haud pigeat Martis subijisse pericla
 Sanguinis & guttas sparsisse in pulvere arenae,
 Sæcula cum cernet non inuidisse cruentis
 Valneribus laudem, porrecta fronte relatis,
 Et dignum pretium vos impendisse labori,
 Quo vestris studiis assuevit cantibus horas
 Assignare suas, certam & præfigere metam.
 Proh superi avertant tanta ut vesania menti
 Succedat vestra: volucris Iunonia caudæ
 Gemmatæ ut plus luce queat fastuque mereri
 Imbelli, ut valeat plumæ splendore tenebras
 Obijcere his meritis, gallique iniuria factis
 Esse. nec insanam commendet garrulitatem
 Psittacus ipse suam, blæso quando ebrim ore.
 Xægis sonat, Dum colla levis, alæque nitentes
 Argi luminibus Pavo mirari, ad imos

Fleste pedes, oculos, ungues spectare recuruos.
 Nec pigeat, turpi vestita est tibia pelle.
 Nec stercore quo sola potes prodesse reconde,
 Neu tua si quæ sint ne subduc commoda nostris.
 Vfsibus inuidia, vel tunc te fiste fluentes
 Quando cadunt pennæ, turpis metuîsque videri
 Vere nouo, grata & spoliari munere caudæ.
 Seu genus & proauos ipsâque ob origini mundi
 Natales spectes, & nomina clara trophæis,
 Præliâque aduersis collatis horrida signis.
 Sanguinis & rosei seu pectora prodiga pugna
 Nescia cedere, comperies antiquius armis.
 Esse nihil Gallis: vidi quando improba vulpes
 Poneret insidias ouis & mandere dente.
 Innolesces fœtus & adhuc sub matre latentes
 Tentaret stragem facere & conspergere rictus
 Sanguine pullorum, plumosi pectoris ictus
 Excipere hunc clypeo & gannitu multa loquentem
 Vulpem eluscatum æternis damnasse tenebris.
 Hæc nisi sit manifesta fides, quid stemmata longo
 Prodest censerî? fulgentia imagine scuta
 Exnuis vulpis splendent, gentilitia arma
 Hirsutâ referunt caudâ, & memor umbo triûphû.

Quis

Quis mihi nunc volucres imbelles talibus ansis
Conferat, extollit quas pictæ gloria plumæ,
Edidit in lucem vel quis miseranda parentum
Sors, genus aut upupæ, aut philomelæ tristia fata?
Vix putat ad laudem quicquam conducere formam
Posse suam Gallus, ducis esse ast munera fortis,
Vires. Sed quoniam ne quid natura negasse
Alitum regi dicatur: Pavo superbit,
Dote sed indignâ, quis pulchritudine pennæ
Esse potest Gallo melior, dum concutit alas,
Et pulchra in galeæ sinu stat vertice crista,
Adspicere hos oculos radiantes lumine claro,
Ordine dispositos iucundo mille colores.
Quam crurum flexura decens, quam tibi testa,
Et pes quam firmis extensis unguibus exit,
Binæque naturæ munimina, calcar acutum
Atque huius capitis quanta est sapientia parui,
Fallacem superat qua vulpem, aliâsque duello
Vincit aues; lingua, quoties canit, excutit ossa
Panc metu Leo voce canorâ exterritus omnis.
Sed quid fœmineas in Galli corpore dotes
Commemoro & fragiles, perituraque munera
forma?

Gallinis sua sit species, gallóque sagaci

Ingenio valuisse, armis & Marte feroci,

Atque hostem medijs pugnacem sternere campis.

Non Fabiæ gentis quodam vir maximus, Afrum

Hannibalem nimium exultantem clade recenti

Vicit consilio maiore, animósque recidit

Pœnorum Italiam flammâ ferroque cruento

Vastantum, gallus quàm prono pectore fertur,

Inque aciem ruit & mirâ supplantat ouantem

Arte inimicum. Sed quis credere velle recuset

Fœlici ingenio innatam particulam auræ

Diuinæ & rationis opus nostræ esse, quod ingens

Certamen poscit redimens discrimine honorem.

Rostricines videas inter se currere picas

Sæpius & nigros committere prælia coruos,

Sed genus hoc volucrum rapitur nullo ordine certo.

Ebria seu stratis surgit gens rustica mensis,

Annua cum toto celebrant encœnia pago,

Arma capit passus glomerans ignobile vulgus,

Et sua districtis moritur per vulnera cultris.

Non ales sic cristatus, salientibus intus

Fibris ad pugnam pergit, seu miluius alto

Aëre delapsus gyris se voluit ad ima,

Designat-

Designátque oculis spatiantem in corte volucrum
Quem videt aut circa glocitantem ludere pullum,
Ut rapiat prædámque trahat per inane volando.
At cum rivali socio est commissus, honores
Ambit & applausus populi, laudantiáque ora
Coniugis & mediâ decantat victor arenâ.
Area namque graui postquã conspersa saburra est.
Ingreditur nitidásque alas componit & æquis
Passibus incedit, mirâ gravitate decorus
Qualis magnificâ cum magnus obambulat aulâ
Persarum Rex, Aegypti dum bella minatur.
Ast ubi conspexit vicino in limite, contrâ
Sese offerre hostem, quicum certamen honoris,
Propositum est illi, ceruix quod fulsit honestum
Eleuat ad superos caput & simul exorientem,
Adspiciens solem, tacitus per pauca precatur,
Obtutu figens radiantia lumina cælo.
Hinc oculos mox aduersum contorquet in hostem,
Insignem cristam quatiens, collúmque iabatum,
Et caudam vario tinctam discrimine plumæ,
Et molitur iter tardóque ad prælia passu
Tendit. At ut spatium tantum pes separat unus
Corpora bina neci deuota, retolligit omne

M 6

Robur

Robur uterque pugil, vires & contahit intus,
Donec adhuc res. dem mora parvam exercuit iram
Sublati & terra incipiunt praeludia pugnae,
Mutuò se rostro excipiunt, oculosque decoros
Ictibus imprimis lacerant, latera undique plumis
Denudant, collumque suis calcaribus urgent,
Perfodiunt pectus morsu, dum sanguine manant
Vulnera, & emissum sequitur mors tarda cruorē.
Alterius titulum & tumulo subscribit honestum.
At quem semianimem vitæ fortuna reseruat,
Nec passa est Lachesis multatum funere acerbo
Oppetere & pugna quæstos cernere manes,
Ille diem fati expectat, virtutis honore
Perfruitur, landat glocitantum turba quiritum,
Et procures inter medius fert præmia larga,
Lætatur gaudens plagas monstrare cruentas,
Atque salutarī victor: matrēsque nūrūque
Ingeminant laudes, Cereris medicamina membris
Addunt & molli declinant corpora lecto,
Aut blandè in solido faciunt requiescere signo.
Ad sunt nec glossire audent, magna ova relaxent
Quanzuis ventris onus pariendo, rumpere somnos
Nec cogant, fessos requies quando irrigat artas.

Verba

Verba carere fide si creditis ista, videre
Ales excubitor quæ edet spectacula vobis,
Dum canet inuidia sibi ne eripiantur honores.
Et si quis Stoicus censor, quem nulla voluptas
Delectat, vel quem maneat certaminis huius
Gloria, qui haud curat libros voluitque teritque
Assidue, & nequeunt quem publica festa inuare,
Cogitur ille tamen vocis suffragia Gallo
Præstare, ingratus meritis ingentibus esse
Ni velit & socium male deseruisse fidelem,
Qui noctem lucemque tribus determinat horis,
Et vestro studio qui signat commoda cantu
Tempora, quando præcul venientē Luciferi ortum
Præsentit. somno sed frustra tempora versat,
Adspicite hinc oras galli quæ nomina gestant
Terrarum, fluuij, gentes, clarique poætæ
Gallia Cisalpina, Togata, Comata, Aquitana,
Et Gallogræci, Galathea & nomina nymphae
Gallumbri & Gallandini Cybelésque ministri.
Et fidei princeps Petrus, cui Christus ouile
Commisit. clauis tradens & vincula cæli,
Exiit cuius multum nunc Roma superbit,
Per fidie lueret crimen, sub tartara missus,

Fecit

Voce sua Gallus lacrymas, fontémque doloris
 Si non prefisset, mentem ad meliora vocando,
 Postera Religio dein iuxta insignia Christi
 Assiduam sedem. Gallo dedit atque sacro
 Cristatus trunco, nullo indignante volueri,
 Adspicitur, coliturque ex illo tempore honore.
 Et quasi numen habet, templisq; arisq; receptus.
 Si Titania avis generosi sanguinis ortu
 Præcellit, sceptrisq; potens nunc regnat auiti.
 Nec præclara notis infecit stemmata nigris,
 Degenerare, obscurando genus factoque nefando,
 Huic adimant veterem cur nostra hæc sæcula ho-
 Cur uiuat Gallus patrijs insignibus orbis (nozem?)
 Aetatis vitio? tribuit censura seuera
 Præscorum ornamenta illi, cur tempora nostra
 Huic adimant? procul hoc iuuenes Diuū pater ipse
 Auertat, neu iudicio culpa hæreat ista
 Vestro. si valido virtus sub pectore certat,
 Si par ingenio facies concessa decora,
 Sique habitus vultusq; decens præstantia mentis
 Et formare gradum facilem quæ femora possunt
 Natura indulgit, quæcumque in rege requiras:
 Consilium prudens, canæ & pietatis amorem,

Et

Et facti distique fidem & quæcunque secundas
 Res ornant regesque decent, regnumque petentem,
 Si vires bellum expertas, martemque cruentum.
 His si non meritis tribuatis sceptræ volucrum
 Gallo, sed veteri spoliatis nomine regis,
 Vtilitas vincat causam, vestigal & ingens,
 Vnus Gallinis cum tot præfetus, ad ova
 Sufficit & teneris pullis, quibus incubat, absens
 Si fuerit mater, festinâ aut morte perempta
 Ante diem. Fortem fortes ornatæ triumpho
 Perpetuo & Galli decurrant carmine laudes.

ANTONIO IOLIO

Sacerdoti.

S Vme tibi intultæ quæ mitto verba Thalæ
 Nexa salutiferis, vir reuerende, modis.
 Accipe quæ Iani tibi carmina mitto Calendis,
 Munera amicitiae quæ dare quisque solet.
 Lætior ut viuas oro & felicior atque
 Pauca tibi austero demesupercilio.
 Attere nec dulcem per tot ieiunia vitam,
 Communique velis viuere lege. Vale.

PHL

PHILIBERTO BIRNVITIO.

Felix sit anni principium noui
 Mensisque Iani hinc exoriens dies
 Primus, tibi Philberte & idem
 Auspicijs redeat secundis.
 Candore certet moribus & iuis
 Fœdis carentem sordibus & niuem
 Lux vincat: & mentem serenam
 Possideas vacuamque curis.
 Non te reclinatum videam mala
 Sorte incubili aut sollicitudine,
 Cor anxium portare circum,
 Aut triplices trepidare Parcas.
 Fortuna iniquo seu quatiat ioco,
 Spem te fouentem & fecerit irritam,
 Seu copia cornu bearit,
 Consimiles retinet o vultus.
 Fato Deus nam temperat omnia,
 Immobilis Diuina necessitas
 Cunctos premit frustra laborat.
 Figere homo capiti capillum.

AVGV.

AVGVSTINO LANGOSCO.

P Hæbus extremis veniens ab Indis
 Roscidas mundo reuehit quadrigas,
 Et nouo tandem reparatus orbe

Nascitur annus.

Sit precor fœlix tibi, candidusque
 Mensium primus, comitesque luna
 Prospero, Langosce, tibi reponant
 Alite lucas.

Grata sit præsens tibi vita, quidquid
 Insuper Diui adijcient benigni
 Temporis, nec tu potiore malis
 Vivere sorte.

Conscia effætam exhilaret senectam
 Mens bene, abrumpat violenta stame
 Parca nec vitæ, placide quiescat
 Umbra sepulii.

PETRO ANTONIO.

D Icere nostro tu quoque carmine,
 Hoc, Petre, poscit nam probitas tua,
 M. ren-

*Merentur & mores pudici,
 Moribus ingenium gemellum.
 Te literatum sermo probat tuus,
 Iurisque consultum titulus probat,
 Mos arguit vultus seueri
 Non vacuum sophia esse pectus.
 Ducis beatum liber ab omnibus
 Vitam procellis, credula non tuam
 Spes aut dolor mentem fatigat,
 Non populi instabiles honores.
 Tu congerendis diuitijs modum
 Ponis, nefas hunc constituens tibi
 Transire, sat tellus reponit
 Assiduis agitata rastris
 Paucasque chartis Socraticis locas
 Horas diei. Mars minus heu ferox,
 Mihi inuidens artes Lycai,
 Exiguos terit usque census.*

AD IOANNEM DECULEO-
 NEM PATREM.

Q*uam senect et ande aderit quies
 Vel qua laborum meta dabit tibi
 Defuncto*

*Defuncto edaci cura inanem,
Sorte aliam potiore vitam?
Caii strij namque albior alitis
Plumæ, & recenti candidior niue
Coma, arguit vitalis aura
Fomitis & calidi recessum.
Te non inermis turba clientium,
Non diuitum ardor, non populi fauor
Euexit ad magnos honores,
Sed studium patriæ tuendæ.
Fidêsque castæ iustitiæ soror,
Mentisq; robur cedere nescium
Culpæ, nec expugnanda virtus
Diuitijs Arabum beatiss.
Sævis ut ille pulsa Aquilonibus,
Rupêsue lato enata sub æquore
Immotâ durior marinis
Fluctibus assilientis undæ.
Talis secundis est animus tibi,
Fortuna rebus seu faueat lubens,
Vultu sereno, seu reuerso
Perniciem minitetur orbe.
Te vidit urbis munere publico*

Cætus

Cælus virorum cum sapientia

Iungentem, & auertisse tristes

Consilio patria ruinas.

Iam pone curam & sollicitudinem

Maturus annis, degener heu nepos

Exit, dabitque auum futurum,

Crede mihi, vitiosorem.

Creuit superbus fastus opum comes,

Sternuntur urbes seditionibus,

Cultus Dei multas per aras

Thure vacat solitòque honore.

Precatio ad Deum Calendis

Ianuarij.

CArmina, Iane, tuis dederim cùm multa Ca-
Flebilis hæc restat nunc elegia mihi. (lendis.

Omnia cum socijs optarim prospera, cura est

Sollicitem pro me Numina sancta prece:

Quattuor, heu, lustris durarant stannina vitia

Martis cum patriâ iussit abire furor.

Audi, summe Deus, cœli terræque monarcha;

Exaudi precibus carmina iuncta pijs.

Non peruertat amor mentem sceleratus habendi,

Aura

*Aura nec in vitium me popularis agat.
Non tam dura inopis paupertas testa fatiget,
Illicitâ ut nostras instruat arte manus.
Nemo mihi noceat, nec sit nocitura voluntas,
Neu vitam abrum pant sæua aconita meam.
Non arcus pueri imberbis, volucresque sagitta,
Non premat illēcebris nos inhonesta Venus.
Candida transactæ macule nec stamina vitæ
Dedecus, infami dedecorūque notâ.
Non frangar lacrymīs. cuiusquā a ut funere cres-
Consumat corpus nec mihi liuor edax. (cam,
Sint sancti atque hilares, vel nulli sint hymenæi,
Sitque comes lecti casta pudicitia,
Sit mentē exhilarans Bacchus, non munere priuās.
Fulgeat & mundis lancibus alma Ceres.
Non sit magna domus, sacris sed commoda Musis,
Displicet anxietas, munditiæque placent.
Conspicere ante obitum saluos concede parentes,
Claudere & admotâ lumina cara manu.
Pace mihi patriam da & relligione vigentem,
Hinc me exoptatis ciuibus adde meis.
Post mundi tempestates, variâsque procellas
Denique sint portus cœlica regna meus.*

Illustri

Illustri ac Reuerendiss.

D. IOANNI FRANCISCO BONOMIO,

Vercellarum Episcopo ac Pontif. Legato.

THreicius Boreas Zephyro succedit & arcto
Sol deserit nos tramite.

Languida demittit medio sua lumina Olympo,

Breuésque contrahit dies.

Expedit & noctis partem adiungendo labori

Proferre vitæ terminum:

Squalet ager, grato sylvæ spoliantur honore,

Vnúsque niueus est color

Omnibus in rebus: nec sese continet alueo

Ripæ suæ amnis immemor.

Arboreæque cadunt nudato stipite frondes,

Mutántque sedem hirundines:

AEstiuus quoque flos & amæni Veris odores

Longum vale dicunt agris.

Quamuis chara tibi, tandē quoque rura relinques,

Et

Et nos tuâ presentia

Exhilarans, te urbi, Antistes dignissime, reddes
Sacra decorus infula:

Et mecum populus noua gaudia ducet ab imo
Deprompta lætus pectore.

Præceptis studeo sophiæ reslinguere curas,
Obluioni et tradere,

Tot patriæ casus et ineuitabile fatum
Animi delere sensibus.

Sed natale solum, dilectaque cura parentum
Insedit imis cordibus.

Quosque frequens usus Theseo iunxit amore,
Fidésque chara amiculi,

Sæpius abripiunt et Lise ad flumina sistunt,
Constare me mihi non sinunt.

Hinc iterum rediens physica ad præcepta relabor.
Vicissitudini omnia

Et fato subiecta Dei: Res crescere paruas
Cornu beato copiae

Qui facit ex humili summa ad fastigia rerum,
Grauiore dein casu ut ruant.

Stultitia est Superis hominum prudentia summa,
Ridentque res mortalium.

Sic

288 I. DECULEONIS

*Sic olim populum Babylonica regna struentem
Immensa adegit vanitas,*

*Vt cælo æquaret surgentem molibus aulam:
Sermone diuiso Deus.*

*Consilium euertit, subito discrimine lingue
Operas inanes dissipans.*

*Sic regnum Assyriæ ac Macedonica regna Philippi,
Venere tandem sub iugum.*

*Romanæque aquile, victricia regna, secures
Facèsque consulum decus,*

*Romæque totius mundi saturata triumphis,
Subiecta Cæsaris est iugo.*

*Et superata suis repetiuit Gallia plumas,
Alésque victrix vincitur.*

*Et rursus longo vastata est Gallia bello
Nunc viribus Belgæ ruunt.*

*Omnia sors versat, nil non mutabile in orbe,
Nosterque nos finis manet.*

*Salve igitur patria, Ausoniæ dū me fouet aura &
Antistitis benignitas.*

REVE.

REVERENDO IN CHRIS-
to patri Columbano Franco, Ec-
clesiæ Petri iuxta Gandauum
Abbati dignissimo.

Antistitum postquam sacrata dex-
tera &

Ritè reuocato numine,
Ruerè templa, ciuium iumultibus:
Nabugodonosor ferox,
Quondam beata regulorum Flandria
Fractis, sepulchris, impio
Ausu, repos. a (eheu ferum spectaculū)
Dispersit ossa Manium,
Exemplo inaudito priore sæculo,
Babylona ditans aureis
Donarijs, abacum instruens, cubilia &
Meretricis Arphaxateæ,
Confusionis porrigentis cantharum
Mundi bibendum sat apris.
Tandem misertus cladis immensa Deus,
Sereniore lumine,
Contaminatum à plebe barbarâ locum,

N

Novo

Nouo instituto præsule
 Lamberto, ad aram Christiana victima
 More expiari mystico
 Concessit ille sparsum Iuda & Benjamin
 Collegit intonsum & gregem
 Psallentium: verso vetusto rudere,
 Renascitura ecclesia
 Fūdamina expurgauit Esdra Nehemias
 Succedis alter ut domum
 Priscam reducas ad suprema culmina,
 Videnda non siccis genis
 Hæreticorum, ouile qui circa tuam,
 Ut saeuus vrsus ingemunt:
 Et execratis ara rupta machinis,
 Quadro refecta marmore
 Resurgat, impigante cornu balsamo
 Episcopi fuso manu
 Tibi hic licebit, præsuli gentis pia,
 Laboriosa spernere,
 Nec profutura, quæ facessit improbè
 Mundi furor, certamina.
 Paschalis agni sub triumpho nobili,
 Aus Galilea nuptijs,

Mutata

*Mutata vina auctore Christo fundere,
Haustusque magnos tollere,
Qui deinde stillent pectus in gregis tui,
Ferrum induente saculo,
Fuga, ô beata, qua tibi & sodalibus,
Insania vulgi procul,
Blandiniano è vertice orbem cernere,
Qui sedit ad pedes tuos,
Curasque inanes præbuit: quando iuuat,
Apis matina sicuti,
Libare sacros sarculos, propagine
Quos deinde nobis inseras,
Emancipatis seruitute Aegyptiâ
Cleopatra & Conopeo,
Docens perusta Christi mēbra sub cruce,
Noxâ solutos sumere, &
Salientibus vita futura fontibus,
Haurire gratis poculum.*

N 2

AD

AD SERENISSIMUM ARCHIDUCEM Austriae Ernestum carmen anegyricum.

SIt precor felix tibi clavus orbis
 Traditus nostri, iubar o coruscum
 Austria, nostrorum utilans sub axe
 Nubila pelle.

Horridam Maiores galeam reponit
 Aegida & Pallas: satis heu tumultus
 Bellicus ciues tenuit furentes
 Sanguine fuso.

Pax redit flavis olea reuincta
 Frondibus: mores redeunt auiti,
 Belgia & ritus, duce te probati
 Inclyte Princeps.

Scindet & tutum Oceanum carina,
 Et tibi portum Thetis unda pandet
 Et minax quondam sua regna postea
 Nereus ira.

Imperi custos reuerenda vultu

Celsa

*Celsa Maiestas solio resedit,
Et fides per te, peitas pudorque*

Iura resument

*Urbibus legum timor atque honoris
Præmium, iustis moderata frenis,*

Æoli longis reuocata terris

Reddita gaudet.

Ad Sereniss. & Illustriss.

ALBERTVM AVSTRIÆ

Cardinalem de Victorijs partis in
Belgio.

A *Vreum sydus repetente Phæbo,
Auræa latâ recinam coruscantem
Cesarum stirpem genus & vetustum
A Pharamondo.*

*Te canam magnum columen ruentis
Belgiæ rebus (decus ô sacrata
Purpure) excelsas humili premendo
Carminè laudes.*

Credula heroas fileat vetustas,

N 3

Alitis

221 I. DECVLEONIS

*Alitis plumam Ioue mentiente
Editos, multo Superum aut cachinno,
Coniuge Martis.*

*Plus vice humanâ diadema cœlo
Austria figens, renuis vocari
Celsior terrâ, gener alme regum
Terrigenarum.*

*Indoles sed te rapit atque virtus
Pegasi pennis, domitâ chimerâ,
Nobilis lauro, superastra more
Bellerophontis.*

*Quid tuus posset Genius paternus,
Ductus à recto decorante cultu,
Aurifer testis Tagus atque Iberis
Additus Ana.*

*Sensit Henricus violenter instans
Gallie sceptris, populi patrûmque
Iussa contemnens, apicemque sancta
Religionis.*

*Ludis hinc falsâ obsidione Fera,
Ociore vento renocans cohortes
De plagâ Australi, Morini per arua
Frigidam ad Arcton.*

Sic

*Sic ubi celsâ regione celi
 AEoli septis Nothus exit alis,
 Imbrium fertur varia & procella
 Agmina ducens.*

*Bellicosus qua Oceanus remugit,
 Icy hinc portus latera, hinc Britanno
 Verberans unda, auspicijs secundis.
 Prælia misces.*

*Ducis armatas acies Calesi,
 Ocio longo malè feriat,
 Mœnibus classes celerestrahenda
 Per vada Ponti.*

*Vincitur nostris inimica terris,
 Machina, Urbs, belli quatiente muros,
 Et stupet Nereus sua regna propter
 Classica signa.*

*Spiritus heu Sardanapale inaudax
 Pone, neu fide indomita fremendo
 Arce, Gordani, citò mancipanda
 Degener hæres.*

*Austria Princeps tibi populòque
 Dexteram tendit: periture cessas
 Perdere, ah saltem populi immerentis*

Fata coërce.

*Militum irrumpet subito corona
Inhians gazis, tibi peierato
Vinculum neëtet, dominumve in aulâ
Ense necabit.*

*Omne hinc dextro, stratagemâ belli
Applicas Arda, tua per statina,
Velites cogis, pauidosque cines
Pandere portas.*

*Hinc mouens solis gelidos aâ ortus
Castra, quâ fluxu maris ac refluxu
Vnda perfusis dominatur agris
Aggere rupto.*

*Insequi mandas ope Dadalea
Vincere assuetas iuuenum catervas,
Pube demersas in aquis, carina &
Remigis orbas.*

*Impari quamuis fera bella, Marte,
Erudis, dextrâ gladium rotante
Fulminis glande penetrare vallum
Hoste necato.*

*Batavus quinâ statione victus,
Fulneris cadisq; satur gemiscens,
Urbibus*

Urbibus ciues spoliare, tandem

Parcite dixit.

Mannulo uetus generosus heros,

En tibi, lethi impavidus, nec orcum,

Nec timet nentes sua vel suorum

Stamina Parcas.

Nullus Hulsiti iam locus est sepulchro

Robur & belli cecidit, domumque

Saucios pugnâ reuehendo cimba

Fessa dehiscit.

Vulnere ast virtus suacrescit illi,

Prosperos faustosque agit at triumphos,

Indolens vinci, meliorque victus

Surgit in hostem.

Hino Deo laudes canimus potenti,

Sospitem qui te & celebrem trophæo

Reddidit nobis, Hierarcha, gratâ

Panguimus odê.

N 5

VALE

VALEDICIT VRBIBVS
in quibus habitauit peregre.

Valete multū nobiles Vercella, aquis
Caeloque facundissima,
Antistite & sacro beata Bonhomio,
Vos me tulistis exul m.
Docta & Lutetia, populo frequens,
Et Gallia Franca caput.
Valete sparsim inter niuosas Alpium
Heluetij rupes, meam
Operam boni qui consulistis dum comes
Episcopi atque Nuncij,
Ibā per alta, pro loca & declinia.
Vesontio vale sacra,
Et clara litteris Dola, Cabilo vale,
Valete Graij amabiles,
Vosque inclytæ Burgundia urbes cetera
Melioris aui tempora
Quibus dedi dum litteras docui palam,
Linquendo famam posteris.

Burgun-

Burgundia respondet.

Ergo non ullâ prece demouenda
 Mente stat Gaios, pereunti ab imo
 Belgio mutare, & inauspicato

Sydere abire.

Sis licet velox fugere hinc, solumque
 Te vocet natale, tamen mouendus
 Audias, quamuis facili nec aure,

Dicta canentis.

Viue ubi malis, memor ast amantis
 Antiq, quando Dea te pigentem
 Consil' faller, quatiētque stantem

Versa columnam.

Mœnibus num te patria caducis
 Fidis? hostiles tibi quando turmas
 Undique effunder Borealis vrsa,

Bella ciendo.

Ad manum si non venies, coronâ
 Nec lacesbet te, sicuticas & uncas
 Minitans, summam imperij vocâlo ad
 Prælia Martis.

N 6

Atta-

*Atamen miles tua qui sequitur
Castra, plus hostis gladijs cruentis
Sauus, hibernus inimica castris*

Facta patrabit.

*Audies rixam populi frequentem,
Audies cades & inulta furta,
Ciuum & planctum & iuga ferre plebis
Nescia corda.*

*Ante formosam hanc faciem senecta
Induet ruga vitium & capillo
Ibis orbatus refugo & decore*

Marmore male,

*Ocium quam tu videas, & hastam,
Mars ferus condant, galeam & Minerua,
Vomerem in ferri coeunte telo*

Pace sequestram.

*Quin mane, & nobis melioris aui
Tempus impendas: ad arma, ad arma,
Euocet nemo neque militaris*

Bucina clangat.

*Mœnia hac nulla peneis anda glande
Sospitem cingent foris, & propinquo
Colle cum Nymphis Satyrisque Bicchum*

Carminis

Carminc dices.

*Dapsilis musti tibi prala fundent
Cantharum, si non cupies vetustum
Conditum, testâ prius haud reclusâ,
Cesare Car'lo.*

*Iugeri centum reboant paternis
Vberes vacca, totidem iuuenti
Flandricis certant, pecus & Lisali
Gramine ludit.*

*Tedium postquam te Araris recurui,
Nobilis Thermis patriæque nostra
Ceperit, sacra poteris Vesonti
Vivere in urbe.*

*Quare nunc quate faciat beatum
Coniugem forma simili, corusco
Aëre intacto & locuplete censu
Belgia in oris.*

*Ibis aſt ibis: tua pone Erynnis
Deferet nunquam, labor atque liuor
Pallidus: virtus tua erit superſtes
Vilior vlua.*

*Fortè ne credas mea dicta ventos
Spargere, hinc omen tibi sume: dirus*

Exen-

Exeuntem imber, gelidique flatus

Vsque sequentur.

Fundit en gra: os Venus alma odores

Veris, indulgent homines fer aque

Gaudijs: sed te excipiet procella

Iræque cæli

Lamentatio Iob.

N*igrâ est digna dies térque quater*
notâ,

Primû qua tribuit cernere verticem,

Pbæbus qua rutilus Oceano comis

Sparsolumine tingitur.

Cû nostra hæc redeûnt tēpora, quēis puer

Aluo delitui matris in intimâ,

Adsit si vlla, precor, gratia Cælites,

Lucem non capiat dies.

Non sit qui pateris Bacchica munera,

Nullus qui Cereris dona ferat mea

Mensa, nec superos vota precantium

Natali capiant meo.

Eternum pereat nox, mihi qua fuit

Vitæ caussa, meis casibus asperis.

Nullus

Nullus sideris lumine lucifer

Illustret radijs polum.

Cur natum genibus quæso tulit suis

Mater? quin potius prima ab origine,

Præceptum, veniunt quo male singuli,

Fæctum misit ad Inferos?

Eac cur turgidulo traxit ab ubere

Os? Cur non tenebris clausus in infimis

Ventris, mox perij? non miser undique

Tanto tempore viverem.

Iam non ulceribus corpora pessimis

Languerent, scabie squalida nec cutis,

Vxorem esse procul! non faceret meam:

Sinceros nec amiculos.

Bis quinque una dies, quos genui, ab-
stu'it

Natos, mille boues, horrea maximis

Vna cum domibus, quidquid opum fuit

Fortuna, in cineres dedit.

Ast hoc cum quatitur tot caput undique

Telis, nec misero corpore sit locus,

His tantis maneat qui vacuus malis,

Quid me vivere, quid iuvat?

Q Re-

O Rector Superum, premia qui bonis
Iniustisque malum contribuis, tua
Frustrat antea hominem signa potentia,
Cuius vita brevis, petunt,

Vt pulvis rapitur traxit in aëra
Quem ventus, folium sicut in arbore
Quassatur, tumidis sicut aquis solet
Lucens bullula surgere,

Tam fluxa est hominis vita, nec ultimus
Est quisquam ante diem, qui sibi dicere
Possit, Nulla meum iniuria prosperum
Cursum vita adiment mihi.

Verum si placeat Calituum pater,
Umbras me ad Strygias mittere, spiritum
Una cum famulis hunc capias tuus,
Quoquo fata trahant modo.

Vt, cum concutitur machina calitus
Mundi, cum tubicen triste receptui,
Cantabit, statuar dextera oues ubi
Senis eripiet lupis.

DE

DE CIRCVMCISIONE
IESV CHRISTI.

*Siste veloces Phaët hon quadrigas,
Siste sol cursus celeres equorum,
Quam diem voluis, maculāda primo est
Sanguine IESV.*

*Qui vis ab pœnas regū puelli,
Qui vis arumnis pueri excitatos
Cernere fletus, Samiā & secunda
Corporate stā?*

*Aptius toto fugies Olympo,
Aut Orionis latitabis astro,
Nube, ne morem videant seuerum,
Sydera condens.*

*Nobilis virgo intemerata partu,
Nuptiarum experts, thalami & virilis,
Creditum pignus fouet, educatque
Vbere mater.*

*Fidus ast Ioseph, domineque custos
Traditus, partem capit hic laboris:
Aduocat legis veteris ministrum &
Nomen*

Nomen alumno

Indit, octauâ redeunte luce

Quod memor virgo didicit, priusquam

Concipit verbi auspicio carentem

Semine fœtum.

Arbiter mundi, genitorque rerum

Vagit, Isaci generisquæ signum

Suscipit, circum genitale primâ

Scinditur orâ.

Mitte singultus pia mater, ortu

Et quater deno redeunte so'le,

Solue quas poscit, geminas volucres

Mascula proles.

Antè sed Reges venient Eoi,

Supplices natum ut veneretur, aurum,

Thuris & glebas, Pharium & liquorẽ,

Dona ferentes.

Æthere hinc nostrôs miserans labores,

Respice agrotam fideique plebem, à

Semitâ errantem, populo imminentem

Respice cladem,

Amputa nostri bone Christe lapsus

Fomitẽ primum, dominaque carnis

Compri-

*Comprime insultus, animique rectam.
Suggerere mentem.*

DE MARIA VIRGINE

Lustrata.

TEmpli lacunar verberat aureum
Flāma insolens, & cereus in manib.
Plebis, sacro lustrationis
Festa notans renouanda more.
Sebacea hinc funatia sint procul,
Quis Stupa tetris spirat odoribus,
Pinguedo quos taurina nutrit,
Naribus officiente fumo.
Præstet lucernis cera alimoniam,
Expressam apis quas casta dedit fauis.
Ignisque sit gratus, vaporque
Æthereas petat altus auras.
In veste purâ Mysta litat Deo,
Altare circum intonsa cohors canit
Hymnos, inauditumque carmen,
Virgo Deum ut peperit puellum.
Nam casta tēplum hoc pompa subit d'æ,
Lustran-

Lustranda partu virgo puerpera,
Dextrâ gerens natum, sinistra
Sacrifico geminas columbas.

Quæ signa cælo protulerit pater
Cælestis, olim quo faceret fidem
Hunc esse quem promisit orbi
Auxilium occiduo daturum.

Non lingua, non vis ingenij valet
Efferre: quanquã est credula mēs tamē,
Monstris adaētum Simonea
Fatidicum cecinisse carmen.

Ætate grandi cum foret obstitus
Annisque multis, calitus hauerat,
Non ante descensurū ad umbras,
Quam dominum videatq; Chrī. ū.

Vates futurihinc Numine præsciis,
Infantulum cū sisteret aureum

Mater Deo, auctorem salutis,

Excipiens tremulis in vlnis:

Confestim obortis cum lachrymis palam
Fatur, Mori me denique nunc iuuat,

Summe ô pater, promissa nunquam
Deripiunt tua, qui morantur.

Vinctis

*Vinclis solutum corporis ocyus
Mittis manu me, ut pollicita est tua
Olim fides, met am ad laborum,
Pace frui placida & quiete.
Mundo paratam namque oculi vident
Nostris salutem, gentibus omnibus
Lumen datum, pulsas tenebras,
Grande decus populis Iuda.
Hinc multa matri prole super sua
Predicit, & sensim gelidus sopor
Omnes viri serpit per artus,
Vitæque destituit loquentem.
Pudica ad auditas stupuit senis
Voces parens, ceu saxea, & auguris
Mirata responsum & repente
Ex animum posuisse corpus.
En Simeonis dicta probans anus,
Quæ lustra septem & dena obitum viri
Post vixerat, sacrata in ade
Assidua prece supplicando:
Tandem memor mundi Deus auferat
Labem vetustam, & filius è sinu
Descendat agnus qui cruoris.
Ingeni-*

Ingenitum lauet amne culpam.

DE S. CATHARINA.

Sit procul nostris Venus à theatris,
 Bacchis & castis inimica festis,
 Pampylus flammâ & calidus iuuetur &
 Diræ Licoris.

Costidi sacrum recinamus hymnum,
 Nobili palma & merito triumpho
 Cui caput circum religata fulget
 Trinacoronâ.

Regijs gazis generosa virgo &
 Stemmatis longâ serie coruscans,
 Corporis donis, superante censum
 Munere mentis.

Socratis libros tremulam ad lucernam
 Voluere assueta & teneris ab annis,
 Forma ne tardet properantem ad astra
 Calle Sophia.

Vnde Maxenti rigidum ad tribunal
 Sponte nil horrens animosa pergit,
 Exprobrans illi iuga ferre Christi

Nescio

Nescia corda.

*Hanc in obscurum tenebris tyrannus
Carcerem mittit, macies per ora
Serpit & pallor Cereris benigna
Muneris orbam.*

*Carnifex illam rapit inde & uncis
Preparat ferri lacerare corpus,
Saxa quodvis visu rigidâsque rupes
Flectere possit.*

*Calitus pœna rota fracta, licetor
Ense cervicem roseam reuellit:
Martyris sanguis, nunciusque lactis
Prosilit humor.*

DE S. MARTINO AD Pucros Christianos.

F*Esto profanum ponite opus die,
Turpique mens sit libera crimine,
Et presulem laudate vestrum
Et merito decorate honore.*

*Pulsata eburno pectine barbitus,
Carmen sonorum semperet & lyra*

Psalmus

Paana Ma noscitur

Amonia periclitantes.

Sit lingua mendax, sit procul inuidis

Excita cordis de penetralibus

Vox improba, & sermo repostas

Exacuens odys querelas.

Iurare mos est barbaricis viris:

Vos mente pura, ut Christicolae decet,

Ornate nunc altare diui &

Floribus effigiem benigni.

DE S. NICOLAO.

D*ive, quem mater Pater a nivosis*
Montibus quondam peperit potentem
Regis gazis, Nicolae auito &
Stemmata clarum.

Te canunt molli vacua marito
Virgines casta, rosei pudoris
Nescia labis, solita iugales
Spernere curas.

Sorte tu patrem misera grauatum

Paupere in censu & generi parantem.

Dede.

*Dedecus, nata ex matris petendo
Corpore questum.*

*Reddis immunem sceleris nefandi,
Dote sat largâ genero fideli
Filiae inuento & celebrare iussa
Sanctum hymenaeum.*

*Te canunt fædo vitæ carentes
Mentē sincerâ pueri, sibi ævo
Quando in vitam viridi peractâ, haud
Commaculasti,*

*Simplici sic te teneris ab annis
Spiritu nuper geniti nepotes
Insequi discant, rigida æmulando ex-
ordia vitæ.*

*Parciùs discant Cereris decore,
Munere & Bacchi sapiençer uti.
Ne carom mentem nimis heu rebellis
Crimine fædet.*

IN FESTO S. IOANNIS BA-
PTISTÆ.

Musa Burgunda modulata publi
Sapiùs, versusa ge dic supremos
O Conci-

314 I. DECVLEONIS
Concinens laudem grauiore plectro
Sancti Ioannis.

Annuitus memor, ô iuuentus,
Vltimâ diuum celebra choreâ,
Hanc pyram, circumreferente passu
Tempora cantus.

Cuncta festinet iuuenum catcrua,
Concidat sylua nemus omne ligni
Instruem, flammâ trepidante surgat
Vertice fumus.

In pyra molem hanc alimenta ferte,
Ferte odoratum hypericum & zibeta
Mixa verbenis, manus hinc & illinc
Nulla retardet.

Edidit mater sterili senectâ,
Ordo natura stupuit, puellum,
Qui canit Christum scelus expiantem
Affore mundi.

Flore mox vitis generosa prius
Detrahit dorso Tyrios amictus,
Abdicat castis pecus omne mensis,
Poclaque Bacchi.

Non mædet conchis nitido aut capillo,
Insolens

*Insolens cultor popularis aura,
Vibis excelsis domibus relictis,
Scandit Erenum.*

*Asperam dumis & inhospitali
Squalidam luco: medius leones
Inter, & tygres, genus & luparum
Tutus oberrat.*

*Frigida est potus, cibus est locusta,
Vestis hirsuta coeunte fronde,
Petra cervical, brevis & sub alta
Arbore somnus.*

*Donec est verbum caro ventre factum
Virginis pura, miseraque pl. bi
Spem dedit vita, veterisque culpa
Mite leuamen.*

*Inde deserti rediens ab antris,
Nunciat mandata patris supremi:
Semitam clamat meliore vita
Sternite Christo.*

*Venit hic agnus, ferat vi dolores
Criminum: sentes remouete cordis,
Aspera & planis & iniqua rectis
Vallis adaequet,*

*Concauis vox hac reboat cauernis,
 Reddit hæc Echo, ingeminantq; valles;
 Rupium anfractus Iericho & cadentum
 Murmur aquarum.*

*Effice ut verbum hoc maneat repostum
 Sensibus nostris, scelcrum catena*

*Ne moram importet veniente sponso
 Nocte suprema,*

*Quando iam stratis tuba sera mensis
 Clanget, electus dabit interesse &
 Nuptijs agni, male olente capro in
 Tartara misso.*

R^{do} IOANNI DAVID

Sacerdoti.

Accipe quæ Iani tibi carmina mitto Calendis,
 David amicitiae cura decusque meæ.

*Tanta tua est probitas animique modestia tanta,
 Ut possas vatem munera nulla tuam.*

Est amor ille tamen quo me noménque tueris,

Dignus utè largis dona feras opibus.

Verum non tibi res, animus non indigus huius.

Nec

Nec par est meritis gratia nostra tuis.
Mens tua diuitias alacris fastidit inertes,
Absentis non est ambitiosa boni.
Aeráque cum spernas regum quæ signat imago
Carmina & ingenio dexteriore fluant:
Mittet quo careas quid vates paupere censu,
Quem superas animi corporis atque bonis.
Illa domi mitto quorum tibi copia magna est,
Et cum possideas plurima, pauca damus.
Quin iuuat exemplo diuini Numinis vti
Et iungi morum proximitate Deo.
Non opis humanæ Deus indiget, attamen ille
Accipit à tenui munera missa manu.
Ille sibi gaudet libari quæ dedit; ille
Accipit è magnis præmia parua bonis.
Nil nisi Pierides, quæ te donamus, habemus,
Muneribus nostris proficis ipse nihil.
Vberiore fluant sic cùm tibi carmina ab amne,
Nostra subit vênæ, vena secunda tuæ.
Addimus & puris impuras fontibus undas,
Discolor eloquio est nostra Camæna tuo.
Lisa subit rapidum sua per diuortia Schaldim,
Turbidus & liquidas inficit amnis aquas.

Sic precor obtineant aliquem mea scripta penes te

Quemlibet angustum non meritura locum.

Exigit assuetum nam lux sollemnis honorem,

Pieridum invitans ad pia sacra manus.

Illā dies agitur quā circumcissus Iesus,

Sub veterum genuit religione patrum.

Ille suis votis semper precor annuat æquus

Et tempus vitæ sospitet omne tuæ.

Atque racemiferas vastantem in collibus uvas

Expellat vulpem, quod capis, ipse malum.

Quique lupus rapidæ satiatas sanguine fauces

Gessit, tartareis sit cibus ille lupi.

Almæque sublatis veniat concordia bellis,

Fidus Christicolum pastor ouile regat.

Præficiatque viros vitâ eloquiisque valentes,

Qui non assuerint vertere terga lupi.

Amico Innominato.

S*temmate cum veterum vir sis illustris aqorum*

Artibus ingenuis non rude pectus habes.

Non sat erat claros factis æquare parentes,

Doribus accessit cura secunda tui.

Vngui-

Vnguibus à teneris artes tractare Minervæ,
Quæis dubium an superes nobilitate magnū.
Languida nec potuit canis aspersa senectus
Emeritam doctus eripuisse librū.
Urgeat & quamvis urbis respublica sepe,
Non sine fruge tamen labitur ulla dies.
Vidimus eloquij quantā tibi flumina currant
Impete, verborum flumina quanta tibi.
Quali epulas Bacchūmque inter convivis condas
Sermone & mixto cum gravitate ioco.
More tuo nuper fidis comitatus amicis,
Quorum de numero pars aliquanta fui.
Arboreum placuit prænso descendere ad hortum,
Quæque adiuncta tuis ædibus arua iacent.
Hic tu grandævus pendentes arbore fructus
Tinctaque non ficto poma colore vides.
Aspicite o socij, dixisti: aspeximus omnes,
Ut sunt venturæ nuncia poma hyemis.
Aspicitis varios positos ex ordine truncos,
Deserit hic frondes, firmius ille tenet,
Reddidit hæc arbor maturos mille colono
Fructus, in paucos distulit illa dies.
Vis eadem ac natura soli, non parcior illi

3021 I. DECULEONIS

Cultura, aut isti est cura nouata magis.
 Soluerat hinc dubiam tua vix facundia mentem,
 Visâque adhuc cæpti lingua diserta tenax,
 Cum subito excipiens alius, qui talibus insit.
 Vir grauis hanc formam tarda senectâ gerit.
 Frondibus ut ramos spoliatos frigore cernis,
 Sic sunt longæui tempora nuda senis.
 Quid velit in promptu est, verbis tu parcerene scis,
 Nec deserta suo est caussa patrocínio.
 Non bene decrescens ætas cum tempore brumæ
 Conuenit, illa, inquit, nam sine fine perit.
 Hæc quibus exemplis sententia mira probari
 Possit, tu solita percipe fronte precor.
 Scilicet ætati succedit pomifer annus,
 Vere nouo finem frigida bruma capit.
 Et sic perpetuis vicibus noua tempora rebus
 Dat Deus, & rapidi fluminis instar erit.
 Cerninus hoc nitidum obscuræ succedere nocti
 Lumen & Oceano surgere solis equos.
 Lunæque & exigui primùm se cornibus effert,
 Et mox integris ignibus illa micat.
 Denique quidquid id est magnus quod cõtinet orbis
 Sarcit principijs damna priora nouis

Verum

*Verum lapsa ætas nulla est reparabilis arte
 Hinc veneranda suo fine senecta perit.
 Si semel induitur duræ cutis aspera rugis
 Rarus & in cano vertice crinis erit;
 Fletere non poteris fatorum numina Parcas,
 Nec vitæ in lanam vertere fila rudem.
 Tempora nec calidæ poteris reuocare iuuentæ,
 Nec blandos pueri rursus inire dies.
 Quod si vel superes viuacis sæcula cerui,
 Corporis haud fient damna minora tui.
 Formosum minuit Tithonum longa senectus,
 Et piguit senij Nestora sæpe sui.
 Ergo ætate nouâ haud renouatur cana senectus
 Et veneranda suo fine senecta perit.
 Littera cum causis finit, tu perlege vultu
 Quos mitto versus, vir generose, bono.*

Amico Innominato.

Quod mea fit curæ tibi Vir charissime vitæ,
 Nomine debetur gratia multa meo:
 Auctorem è populo seu quis se præbeat huius
 Consilij, stimuli seu facis ipse pugi.

O s.

Hortaris

Hortari subeam meliori numine ductus

Quæ sunt sumpta tibi munera grata scholæ.

Vt mihi vobiscum non segnis cura docendi

Incumbat, publi dem documenta rudi.

Vt modo quos urget tenuis fortuna parentum,

Quosque vetat patrias sors sua tangere opes.

Me duce carpentes latæ bona semina linguae

Palladiâ discant arte latina loqui.

Hortari fugiam perituri fercula mundi,

Nec mea spumanti pandere vela mari.

Vtique comes vitæ fiam morumque tuorum,

Mores sacerdotum vertice tonsus eam.

Dic utri insedit melior sententia menti,

Sollicitus nauta est qui rate scindit aquas.

Est labor infirmam portu retinere carinam,

Eruta cum moto seruet arena freto.

Extimet ille tamen graniora pericula terre,

Obstruendum insidijs cum videt illud iter.

Ante diem bellis assumptos audit iniquis,

Multos hostili qui cecidere manu.

Atque alijs vario fortunam illudere casu,

Terræ quam ponto tutius esse nihil.

Est alius latum qui semper despicit aruum,

Abstinet

Abstinet & blando quamlibet usque freto.
Attamen ille manus non effugit usque latronum;
Et prudens culpâ non vacat usque sua.
Dûmque sibi tuta posita est fiducia in arce,
Marte velexiguo sollicitante cadit.
Tunc risum turbæ tollunt impune per urbem,
Notior & toto fabula nulla foro est.
Quamlibet ast fortis metuit fera murmura ponti,
Nomine sunt ipso pæne timenda suo.
Parcius & vulgi poterunt ridere corona,
Si quis in æquoreis brachia iactet aquis.
Sic metuo rabidam cupiens vitare Charybdim,
Ne recidam in Scyllæ naufraga saxa ratis.
Namque tibi pridem parata est victoria pugna,
Et superas curas altior ipse tuas.
Ast imbellis ego crinitarum angue sororum
Horreo non nostra bella gerenda manu.

ANTONIO MEIERO.

S*unt mihi ab impressa tua carmina reddita cera*
Libera, & ante oculos pagina aperta fuit.
Sic credo est animi candor tuus, undique mundus,

Et meus in latebris nescit habere dolum.
 Ut vidi, agnoui, tennes per scripta lituras,
 Vestra solet parvis scribere dextra notis.
 Si tibi Cortraci sunt dulcia menia, causa
 Vxoris, quanto dulcior ille locus
 Esse mihi debet, tribuit qui cernere solem
 Primum, lallanti fuit & à puero.
 Hic ubi resplendent vestigia clara parentis,
 Atque generitricis symbola cara meæ.
 Ad quorum sacros cineres memorémque favillam
 Profluit ex oculis humida gutta meis.
 Namque doles, te Cortraci, quia coniugis ortus
 Exstitit, excludi finibus immerito.
 Causa mea est potior: mea me natura trahuntque
 Insita naturæ semina chara soli.
 Non etenim solus pater est mihi originis author,
 Principium ist Phœbus sideraque ipsa poli.
 Et patriæ genius nostris insevit amorem
 Osibus, ætati fit comes ille meæ.
 Quæque meum corpus mutat loca, mutat & ille
 Patriæ amor, sensus consequiturque meos.
 Natalisque soli sese mihi præbet imago
 Per saltus, rupes, ruræque plana means.

Igni-

Igniculisque suis tacitis hortatur eodem,
Vt condam cineres cum genitore loco.
Cætera quâ longo crescit tua epistola versu,
Complectens lepidò carmina sparsa sale,
Materiam risus relegendi sæpe dedere.
Gaudete te senio liberiore frui.
Credo quod à seuis Artesia disidet armis,
Miles & à vestris finibus omnis abest.
Ingenium vobis requies hæc præstat amœnum;
Obruitar longis mens mea fracta malis.
Nunc turmæ hostiles, nunc qui sociâ arma sequun-
Diripuit nostris, quis aleremur, opes. *stur.*
Tot mala tam multos quæ me comitantur in annos
Impediunt genio me exhilarante frui.
Quodque meis oculis regale numisma solebat
Splendere, hinc abiit, deseruitque fides.
Et felix quondam, nunc nostra miserrima tellus,
Rupit & immodicus pectora nostra dolor.
Quémque refers annû, credas mihi, Meiere, fluxit
Feruidus, innumeris insensuitque malis.
Et sophiæ gelidâ calidos conspergimus ignes,
Pœnitet & mentem, si iacet in vitio.
Et magis aspicimus quid sit sub lege decorum

Connubij

Connubij, quàm quod vincta Venúsque docens.
 Et quid perpetuo felicia fœdera lecti
 Efficiat, casti coniugijque fidem.
 Moribus & referat quo proles rite parentem,
 Cuius in auxilio consensuisse iuuet.
 Vel tales thalamos vel nullos opto hymenaeos,
 Inclinasse mea & cœlibe membra thoro.

Ad Episcopum Cabilonensem.

Praesul & antistes populi Cabilonis, amicum
 Cuius Arar vitreis mœnia cingit aquis.
 Accipe, dehueram quam linguâ ferre salutem
 Alterno missam, vir Reuerende, pede.
 Hospiti aduentum Musæ neu fronte severâ
 Excipe: at in magno sit grege parua pecus.
 Munere & illius mihi sit quoque gratia apud te
 Parta, tuoque aliquo quolibet adde loco.
 Non equidem pretij sunt nostra poemata tanti,
 Dignâque iudicio non reor esse tuo.
 Candor at ingenij naturæ proximæ heres,
 Qui decus & vitæ est gloria magna tuæ.
 Supplebit paruas quæ sunt in carmine vires.

Crescet

Crescet & ex illo grandior ore sonus.

Equæ tuis sacris exhibit fontibus ad me

Riuulus, in pectus transfilietque meum.

Fertur Elisæi quondam sic spiritus ore

Exisse & meritum ora replêssus.

Excelsum ex humeris quamvis Ecclesia munus

Dependet Christi & publica cura gregis.

Famatamen nuper de te præconia fecit,

Et mihi non dubiam præstitit illa fidem.

Tot mala, tot casus, tot longæ tædiæ vitæ,

Ponere te studiis carminibusque pijs.

Vtque solet liquidis cantando cygnus in undis

Funeris exequias concelebrare suis;

Sic tempus, tibi quando instat declivæ senectæ

Absummi sacris cantibus ipse diem.

Mystica te sophia inuat & lustrare vires,

Gras seu Latij sint perarata notis.

Ille liber geminæ distinctus nomine legis

Sæpius ante oculos itque reditque tuos.

Hic inuat aut primâ spaciari in origine mundi

Et legere auctorem, ducimus unde genus.

Quæ rerum facies, cunctis animalibus orbus

Tunc quando orbis erat, quas habuitque vices.

Vt terræ ex glebâ humanos formauerit artus

Intulit & vitæ flumina cunctipotens.

Sed tibi præcipuè Pharium legisse prophetam

Cura & ab excelsa oracula scripta Deo.

Hinc quæ dispositis cantabat carmina necruis

David, laus gentis præsidiumque suæ.

Sapius & simile tu te conuertis ad artes,

Atque refert hymnos barbitus alta tuos.

Thesbites legitur venturæ præco salutis,

Nascenâi & pueri virginis ex utero.

Hinc tibi materiam qui conueniêre in eandem

Et desiderij est una cupido pji,

Quattuor authores, voluntur veridico ore

Doctrinam Christi & grandia facta canunt.

Quæque agitante Dei sunt scripta volumina eodem

Numine, quæ vitæ & regula certa bonæ.

Quique super Petrum hanc fidei fundamina prima

Construxere pji per monumenta patris.

Omnibus his pietas magna & reuerentia scripti,

Eloquij, his addis flumina magna tui.

Dotibus his apicem sacrati flaminis ornas,

Defendis Christi & pastor ouile lupis.

Me quaque qui subij nuper, bone pastor, ouile,

Illud

Illud idem assuetâ, protege queso fide.
 Excessi patriâ fatîs agitatus iniquis.
 Da tutum hunc nostris artibus esse locum.
 Et si quid natura potens exercita curis
 Efficere aut studiis mollior ipsa queat,
 Astrictum numeris seu poscis amabile carmen,
 Seu petis exultet plenus in ore sonus,
 Illa tibi memores semper debebimus, atque
 Mens erit in laudes officiosa tuas.

AD DEIPARAM VIR- GINEM.

S YDUS ô nostris toties amicum
 Vocibus, virgo; cecini quid unquam
 Sit tibi gratum, precibus precamur
 Annue castis.

Seu per anfractus iter insuëtos
 Sive carpendum loca per iniqua
 Seu per vdosum fuit esculetum,

Numinis aura

Defuit nunquam tua, semper hostis
 Submouens technas rugientis ore

Inuido.

Invido, ut raptis catulis laena aut

Hispida Tigris.

Arma dum toto fugitamus orbe &

Aleam Martis, patriæ expiandam

Sanguine ignotis residemus oris

Fata secuti.

Nostra, quod ducunt, aliam petentes

Flandriam, charo procul à parente

Auxilii expertem, socijsque amicis

Dispare sorte.

Virginis filii genetrîxque virgo,

Da senectuti benè sit paterna

Dâque materna bene sit, propinqua

Fata morando

EPIGRAMMATA EIVSDEM

*Ad insignia quibus donatus est ab
amicis.*

Ad Insignia IESV CHRISTI.

Lancea, crux, virga, gallus, clavi atque corona.
Alea, sponsia, vestis, arundo, insignia Christi.

Ad

Ad insignia COMITIS DE
LIGNE.

IN melius quia se semper virtus tua profert,
Flammea trabs auri tangit utrumque latas.

Ad insignia PHILIPPI DEGNIES
de Willerval.

CUm tua maiorumque tuorum insignia præbes,
Hæc addis patrio carmina facta pede.
Stat sua cuique dies, angusti finibus æui
Clauditur, & retro tempora nulla meant.
Ast virtutis opus factis extendere famam, est
Nobilibus, vitamque eripuisse rogo.

Ad insignia GEORGII
FV GGER.

Sunt cæculo aruo aurata utrinque lilia,
Et æquore aurato vicissim lilia,
Sunt cæcula, & stans desuper mulier caput,
Auro coronata Indico, mitram tenet
Dextrâ illius, fluente in occiput coma.

Ad

Ad insignia PETRI NACLEI
 Rectoris Academiae Dolanæ.

Argenti auratas destinguit regula trabes,
 Cornibus haum unam lactea luna tenet
 Illa secans campum rubrum: via candida signat
 Iustitiam cultam mollibus imperijs.
 Aurea te virtus, stellis rutilantibus ornat,
 Tu sidus magnum sidera parua regis.
 Agnoscit que lubens Rectorem operosa iuuentus
 Palladis, in pretio teque senatus habet.

Ad insignia PETRI DE
 MARANCE.

Cæruleo in campo fulvus leo, doctæ Maranci,
 Stat tibi, quem mediam linea nigra secat.

Ad insignia PETRI SAVGET.
 I. V. D.

Cæruleus fuluo color hic distinguitur auro,
 Album ter folium pagina nigra gerit.
 Aurum prisca fides, color est cæli quoque signum
 Alba venit nigrâ sepe notata dies.

Ad

Ad insignia ALTETI ab ACH-
TERVELT. I. V. D.

Dum piscem maris unda feret, dum sidera
cælum,

Lilia dum campus, dum via trita rotam.

Stabit amicitiæ nixæ venerabile nomen,

Alteti & studium Deculionis erit.

Ad Insignia ANTONII GAR-
NERI. I. V. D.

Aprostat tibi nigra aquila & tendētibus uncis
Cæruleo in campo candidus agnus ouat.

Extantem ex humeroq; crucem subtus pede claudis

Vexilloque albo crux rubra signa gerit.

Ad insignia IACOBI BENNIN-
GII. I. V. D.

Qvando diuitias animi virtutibus æquas,
Doctrinâ censum nobilitâsque tuâ.

Anne potest quicquam te Iacobe benignius esse?

Rectè auro Venetam ponis amice crucem.

Ad

Ad insignia PAVLI CHRISTI-
NI. I. V. D.

I Vstitiam dum corde colunt, dūmque ense salutē
Defendunt, gladios dant tibi, Paule, duos,
Maiores: insigne nepos trans corda cruenta
Hoc tulit, illustre ut sidera clara poli.

Ad insignia SIXTI ab E-
MINGA.

N Igram aquilam aurato in campo Phæbe exci-
pit alba,
Vnci ille pedum cornua utrinque premit.

Ad insignia PETRI LVDOVI-
CI PEROTTI.

A Rea cælestis crescentem lumine Phæben
Excipit, argentumq; excipit hanc mediam.
Sub subscude micat niueâ clarissima stella,
Crescam apparebo dum, Ludovice, canis.

Ad

Ad insignia DAMASI
BLIENBURG.

Annule celato qui Adamantem claudis acutæ,
Auro, inter niueas stans rubicunde rosas,
Usque ab axis atauisque tuis insignia præstas
Blienburgo, illius nobilitasque genus.

Ad insignia LVCÆ OPMERI.
I. V. D.

Designatus eram orator tibi, laurea quando
Doctrinæ est studiis tradita rite tuis.
Sed morbus dum te arripuit, clarus mihi honores
Abstulit, optatum ac ambitionis opus.
Miserum tamen hoc pinguis mihi, candido in aruo
Tres flores, viridi caule micante coma.

Ad insignia HVBERTI FLOR.
MONDI.

Stellas enes caeleste solum, montemque cubantem
Illustras, florem hic caule virente geris.

Ad

Ad insignia BERNARDI
ALEXII.

A Vrato tibi tolle triplex slos surgit Alexi
Auratus, fers hoc, candida semper erunt.

Ad insignia ANATOLII
CHERMINERI.

Monte mihi viridi surgentem culmine laurum
Pingis & hanc lustrat candida stella tri-
plex.

Ad insignia BERNARDI
WARKII. I. V. D.

A Vrea cœlesti spatio duo tigna micante
Stellâ, Arlunensi mittis ab usque solo.
Et scribis: quaudiu spectabitur æthere sidus,
Hærebit cordi nomen honosque tuus.
Clarâque dum Phœbo succendunt cornua lune,
Presto aderit meritis gratia nostra tuis.

Ad

Ad insignia PETRI IACQVOT.

S Tant tibi sub tristi tres flores cortice: Nunquid
 Hæc sunt fortunæ symbola, amice, tuæ?
 Nam succi plenus quondam nitidûsque iuuentâ,
 Nunc audis membrorum ariditate malè.
 Atque tori officium accusat furibunda iugalis
 Vxor, perpetuum conqueriturque gelu.
 Non optans quod abest fœlix tu cœlibe vitâ,
 Illa optans quod abest, non misera esse nequit.
 Improba nam mulier pueris lubibria præbet,
 Incedit senibus fabula multa viris.
 Hanc matrona grauis vitat, vitantque puellæ
 Castæ, connubium non nisi fœura petit.

Ad insignia IOANNIS ROMER.

TE velox equus ille mouet virtutis auitæ,
 Quæ dat cæruleus præmia digna Deus.
 Romerus prudens doctrinâ instructus & armis
 Temporibus binis præmia bina gerit.

P

Ad

Ad insignia EVERARDI &
FECCONIS de EMDA.

Sunt vestris tria corda inscripta insignibus auri
In medio: est aurum vestra probata fides.
Virtutis robur signant tria corda, nec illud
Denicit ferrum aut corporis illecebræ.

Ad insignia GEORGII DAVID.

Argenti in tigno volucris stat fulgida, et illud
Cornua purpurei tangit utrinque soli.

Ad insignia GEORGII KRUFII.

Argenti campum medium rubra regula scindit,
Et rubra sunt albo lilia picta solo.

Extrauagantia.

Aurea nunc fient exclamas Elboe sæcla
Aurea quando Deo sacra dicata rapis.
Crede mihi verè tunc aurea sæcla fuerunt,
Auro quo minimus tempore venit honos.

Ad

A D C O R D I L V M.

Quid mihi diuitias frustra promittis et auri
 Munera, pauperior paupere patre vir es.
 Quidue magistratus insignia Cordile monstras.
 Non tu, non avus hæc, non tulit hæc atavum.
 Si per te similisque tui patrimonia restent
 Integra, teque tuo plus et habebo patre.
 Si per te similisque tui respublica salua est,
 Claudetur meritis curia nulla meis.

A D P V L C H R V M.

Sepe mihi dicis si æternam ferre salutem
 Optem, isti puero me decet esse parem.
 Hac saluator ait, certo scio (Pulcher) IESVS,
 Non tamen hic retegì membra pudenda iubet.
 Et rursus præcepta inquis sunt Altitonantis,
 Crescite, multiplicent semina vestra genus.
 Pruritu alliciente tuo, parere puellam
 Vis desiderio quamlibet ipse tuo.
 Omni dum lateriigullo discrimine femur
 Iungis, iure potest nemo vocare patrem.
 Euitas legem de alimentis contribuendis,
 Agnoscis et prolem quæ iubet, arte tua.

Ad LVSCVM.

CErdo putres facere qui consueueras
 Pelles, recuruo scalpro & ore tēdere
 Corium vetustum, Lusce, nūc expulpito
 Audes sacratas ore litteras male
 Interpretari, extendere ad libidinem,
 Circumuenire & simplicē Christi gregē.

Ad ROTARDVM.

CVm nec grammaticus, nec esse posses
 Procurator: & egestas domi te
 Urgeret, scapulas lacerna pinguis
 Vestiret, toga plus satis striata
 Vxorem tegeret, tuique nati
 Nudis natibus ostiatim in vībe
 Pulmentaria quærerent, vbiq̃
 Pravis artibus haresim tuendo,
 Mercatoribus esse feminisque
 Gratum saepe, Rotharde, glorianis,
 Quod nunc te dominum suum salutant.
 Hoc est feminea colus sophiam
 Monstrare & famulum salacibus se
 Sponte

*Sponte offerre viris, virosuláſque
In fraudem mulierculas vocare.*

Ad RVFFINVM.

C *Aluinos, Anabaptistas, nudosque Adamitas
Atque Lutheranos Svingulosq; vocas.
In cunctis te dogma recens nouitate venustum
Delectat: sed inest quod quoque displiceat.
Sanguinolenta nimis Caluini est mens tibi, quin &
Mennonis ingrata est pauperies Cynica.
Natas tu non vis Adamitis subdere tauris:
Displicet & monachus coniugibus monachis.
Svinglius arma inter perijt, tibi displicet author
Miles, Ruffine hinc factus es ipse atheos.*

DE VARIIS VINIS BVR- GVNDIÆ COMITATVS.

Befancho.

P *Vra Bisontini colles tibi procula præbent,
Cætera Gommæ vitis adoptat opes.*

Chasteau Chalon.

*Præ castro Caroli melius tu querere noli,
Sed præstant vinis candida vina rubra.*

Poligny.

*Esse voles hilaris rupem Polihimnia præbet;
Extant qua veteri mœnia iuncta scholæ.
Dum cantis atque heluosa bibis clarentia vina,
Echo ter resonat atque Liens ouat.
Et toto cratère salit, simul ora propinqua
Irrorat, mentis nubila discutens.*

Gy.

*Si robusta cupis pectusque iuuantia vina,
Hæc mera Giensis terra benigna dabit.*

Salines.

*Monte Salinarum crescunt rutilantia vina,
Hæc sumas modicè, nî titubare velis.*

Arbos.

*Arbosum serò repetas, ut nocte quiescas,
Et propter pulices multiplicato vices.*

Lion.

Liondesomer. Iussei.

*Sunt bona vir Liondesonera hieme atque calente
Sole, Iussei quæ tibi mittit humus.*

Dole. Grai.

*Dat rubicunda Dolanus ager non pessima vinctæ
Arar Graiorum sed meliora parit.*

Baume.

*Nobile Balma merû profert, terebratq; cerebrum,
Ni infundis laticem, te arripere arma facit.*

Desou. Quingey.

*Vesuli Bromium melius bibe tempore brumæ,
Spissâque Quingæo condita vincta cado.*

Champlite.

*Princeps Champliti patrium laudare solebat
Vinum, & mirificè me exhilaravit eo.*

Villenfam.

*Faunorum veterum pagus, finis quasi mundi,
Monte, ubi de aërio feruide Lupe cadit.
Imbribus hinc valles citius quam nubila cernat
Sæpe madent, ictu aut grandinis vincta cadit.*

Attamen hic Nymphis mistus Bacchus Satyrisque

Effundit vinum de meliore nota.

A Ede hic Malioti missum fungi beneloti

Edi, quem Bromius sparserat eximius.

Rochefort.

Rupis fortis ager profert præstantia vna,

Hæc ego cum Belgis dulcia sæpe bibi.

Luxou.

Luxouy Bacchum tui d. bibe tempore messis,

Frigore nam modico temperat ille sitim.

Montroland.

Vna micat pateris montis pede carpta Rolandi,

Cum Ioue Monachis hæc ego sæpe bibi.

Pesme.

Pesme fecundo exornantur palmitibus vites,

Quâ ludit ripis, Lognoue, nymphe tuis.

Qui pede carpsit ite, cupidèque viatica sumis,

Adde cibo hæc terna mollia vna vice.

Prima sitim tollent tibi pocula, deinde secunda

Perficient gressus, gaudia tertia erunt.

Via

Vin gommé.

Luxuriare lacu quamvis Gommeia vilis

Suevit: cum stomacho haud convenit illa tuo.

Otia festanti ventri nocet, indeque vermes

Gignit & ad manes te properare facit.

Agricolis lassis hæc vina labore diurno

Profunt, sunt labijs pocula digna suis.

FINIS.

Typographus Lectori.

Errata per iugem Auctoris absentiam si qua
(ut vereor) commissa fuerint, ea rei typogra-
phicæ, immo communi rerum humanarum
conditioni assignabis, benigne Lector. Falli e-
nim (præsertim in alieno negotio) humanum
est, at ignoscere humanius. Siqua tamen erunt,
paucissima erunt. Vale.

SONNET.

DE veel-ooghighē faem, seer vvonderbaer
vermaert

Cortrijcke dynen naem, boven al ander stedē
Omme dat oyt in dy, tot op den dach van
heden

Geplogen es gevveest, den Vlaemsch Reden-
rijcken aerdt

Vvat zal zy maken nu, Nu haer es gh'o-
penbaert

De Cuule grauerschat, (die haer geeft nieu-
vven reden)

Vlouē meer en meer, naer haer gevvene zedē

VVan t'zijn fijn peerlen al, vvt den Cuule by
een vergaert

In Cypers louter goudt, staende constich
verheven

Die den Parnassj Berch, met de Susters tvvee
en zeuen

D'oogen verlichten doen, ja verscherpen ha-
re zinnen

OCuule vvie zou dat, van v hebbē gedocht


Dat vvt v zuleken schat, int licht zoud' zijn
ghebrocht

Ia schat veel schatten vveerd, voor haer die
const beminnen.

De vlucht es zekerst.

I. V. M.

Orn



O Rationes hæ & Poëmata Iusti
Iodoci Deculeonis, nihil con-
tinent Rom. Ecclesiæ, aut moribus
Christianis contrarium.

L. Beyerlinck
S. T. L. Canon. & Censor.
Antuerpiensis.

Cum gratia & Priuilegio

Baßchere.



